

KUISWA PACHENA KWAMWARI

 Ngatirambei takamira kwechinguvana takakotamisa misoro yedu kuti tinamate.

² Ishe vedu vane Nyasha, zvirokwazvo tiri kutenda nhasi nemukana uno watiinawo wekuungana pachedu tiri pamwe chete panyika Kudzoka kwaShe kusatii kwaitika. Ngatinzverei moyo yedu nhasi, neShoko reNyu, uye tione kana tiri muKutenda, kuitira kuti tive takagadzirira, paya, panguva yeKuonekwa kwaVo. Kuti tigova sezvakataurwa neRugwaro kuti zvichave, “Kubvutwa pamwe chete, neavo vakarara, uye tosangana naShe muchadenga, tigova naYe nekusingaperi.”

³ TinoKutendai nekuda kweMweya wechokwadi weChikristu uchiri munyika, pakati pevanhu, kuti vachiri kuKutendai pamwe neShoko reNyu. Saka tinokumbira maropafadzo eNyu pamusoro pedu nhasi, kuti Mugopa kune mumwe nemumwe wedu izvo zvatinoshaiwa, kuitira kuti tigodiridzirwa neShoko, kuti tigokura kuva midziyo yebasa mumaoko eNyu, yezuva rino rekupedzisira. Nekuti tinozvikumbira muZita raIshe Jesu Kristu, Mufudzi wedu mukuru, watiri kutarisira kuti aonekwe. Ameni.

Garai henyu pasi.

⁴ Zvino ndinoda kutaura kuti ndinoona uri mukana wakakura mangwanani ano wekuva pano zvakare. Uye ndine urombo kuti hatina pekugara pakawkana. Uye tichaedza, husiku huno, zvino kuti tinamatire vanorwara; nhasi, mangwanani ano, zvinenge zvakati omei.

⁵ Uye—uye ndanga ndichazoisa Mharidzo ino patepi. Ini... Ishe vakaita sevaishanda nenii nekuda kwayo, oo, mwedzi kana miviri yapfuura, uye yakareba. Zvino handina nguva yacho kunze kumisangan, nekuti tinongoita kuti ive maminitsi makumi matatu, makumi mana eshumiro. Uye zvakare isu... Nekuda kwekuti vanhu vanofanira kuzoenda kumabasa nezvimwe, ndakazviona zviri nani kana ndikaita Mharidzo dzangu pfupi. Uye vakanga vasina nguva kunze uko yekuirekodha, saka ndakafunga kuti ndingomirira kusvika ndauya kutabhanakeri kuno uye ndobva ndairekodhera pano. Zvino yakati rebei zvishoma, uye ndinoziva kuti makamira, uye ndi—ndiri kuzokurumidza nekukurumidza kwandingagona. Uye, zvino, hamundivhiringe kana muri kuchinjana zvigaro, kana chero zvime zvakadaro, zvichange—zvichange zvakanyatsonaka nenii nekuti rino ndiro zuva rakatsaurwa ratinoita kurekodha uku.

⁶ Uye saka tine zvapupu zvikuru kubva kune izvo zvakaitwa naShe munzvimbo dzekuvhangera, asi pamwe tichapa zvime

zvakawanda zvacho husiku huno patinogona kupa nguva yakawanda kwazviri, tiine nguva yakawanda yekupa.

⁷ Uye zvino tinovimba kuti Ishe vacharopafadza mumwe nemumwe wenyu. Ndinoziva kuti moyo yenu yakazara nemufaro, muchitarisira Kuuya kwaShe. Newanguwo zvakare, uchifashukira, kuona zvinhu zvichiitika nenzira yezvazviri. Uye—uye makakanwanwa enyika, uye nechechi iri muchinhano chairi, uye nekuona zviratidzo zveKuuya kwaVo, zvose pamweya nepanyama, uye nokuziva kuti nguva ino yeKuuya kwaVo yaswedera pedyo, zvinongozadza moyo yedu nemufaro kuziva kuti tichazoshandurwa nerimwe ramazuva ano. Tiri kuzoshandurwa kubva kuzvisikwa zvino zvatiri.

⁸ Zvino, ndinotenda, kana ndichinzwisa, vane mubatanidzwa wemafoni kune imwe nzvimbo, kuti Mharidzo ino iri kuenda kuPhoenix neku—nekunzvimbodzakasiyanasiyana, nerunhare. Uye saka zvino tinovimba kuti kana zvirizvo... Handizivi; ndangozviudzwa ndisati ndapinda. Uye—uye vanhu vose kunze uko vari kunyatsofadzwa nehutano hwakanaka ne—neKubwinya kwaShe pamusoro pavo.

⁹ Uye zvino—zvino tava kuzarura Shoko raShe. Uye zvatiri pano tose ndezvezekuti tinakidzwe pachedu nekutora yambiro kune izvo zvatiri... Isu—isu hatimbofi takauya pano uye tiri... Hapana munhu ari pano zvino anoziva kuti chero munhu angagara mukupisa kwakadai, uye nepfungwa yekungova hake pano. Tiri pano nechinangwa chimwe chete, zvino ndicho chinova, “kufamba tichiswedera pedyo naMwari.” Ndizvo zvoga zvatinogona kuita, kutenda kuti Ishe Jesu vanesu. Uye tiri pano ku—kufamba tichiswedera pedyo naVo.

¹⁰ Zvino kupisa uku kwakandiomera zvishoma. Ndakaita sekujairira kupisa kusina hunyoro kunze uko kuTucson, kunova... Hunyoro kuno zvino; kupisa kwedu ikoko kunopisa zvikuru kupfuura uku, asi kwakaoma. Hunyoro hwedu dzimwe nguva hunova chikamu chidiki-diki chechikamu chimwe kubva muzana, pamwe, chimwe chinhu chakadaro, zvakangofanana nekugara pasi petende reoxygen. Asi kuno kune hu—hu—hunyoro makuri, zvino zvinokuita sekungonzwa “kupedzwa simba rose,” sezvataisimbozvidana. Saka zvakakuomera, saka ndinozviziva izvozvo, uye imi vana amai vane vana vacheche nemi vanhu vakamira, vakuru nevadiki, uye makaiswa pamwe chete sezvamuri. Uye zvino tiri—tiri kutarira kuti Mwari vachakupai mubairo mukuru nekuzvipira kwenyu.

¹¹ Ndinonzwisia kuti Hama Roy Borders vari pano pane imwe nzvimbo. Ndavanzwa vachiziviswa, asi ndinofungidzira kuti pamwe havana kukwanisa kupinda. Zvakanaka. Ndivo maneja wemisangano.

¹² Saka zvino isu zvakare tinoda kuzivisa mumwe aimbove pakati pedu aenda kunova naShe mangwanani ano, murume,

Hama Jackson vanobva kuSturgis, Michigan. Hapana anoziva maendero avaita kana zvine chekuita nazvo. Vakange vari kungoita zvakanaka, zvino vakango...Ndinofunga vavawana vakafa, kana zvimeewo. Ini—ini handina kuwana ruzivo ruzere nezvazvo. Uye tinotenda chaizvo kuna Mwari kuti Hama Jackson vaiva Mukristu. Handina kuvaona kwemakore mazhinji, asi vakagara pakati pedu uye mumwe wedu. Mwari vezorodze mwuya wavo weumhare! Kuenda saizvozvo, tinotenda kuti pamwe chaiva chimwe chinhu, kuti yakanga yasvika nguva yekuti vaende. Ishe havana kumbobvira vakatiyambira nezvazvo, kana ivo nezvazvo, vangoenda. Ndiyo nzira yazvaiva. Uye ndinoda kufonera mudzimai wavo nekukurumidza kwandinogona, ndovaudza kusuwa kwedu. Zvino tose tinoda kupa kutenda kuna Mwari nekuda kwehupenyu hwavo wehumhare hweChikristu, uye nezvavaireva pano panyika, uye kunyanya kwatiri isu pano vari muungano ino.

¹³ Zvino nhasi husiku, ndazivisa kuti kuchava nemunamato wevanorwara husiku hwanhasi, uye ndichataura zvakawanda pamusoro pevanorwara husiku hwanhasi.

¹⁴ Asi panguva ino, ngatinangei tichipinda muShoko zvino, nekuti makazarisa uye nekupisa. Tichangonanga kuShoko. Ndinoda kuverenga kubva muzvikamu zviviri zveGwaro mangwanani ano, zvakareba, kuitira kuti zvinondipa kanheyo kadiki pane zvandiri kuda kutaura.

¹⁵ Uye, zvino, ndinoshuvira kuti dai vambochengeta tepi, Hama Sothmann nevamwe, vasati vaitengesa, kana zvichibvira, uye ndi—ndinoda kuiteerera tisati...isati yabuda kunze kuvanhu.

¹⁶ Zvino muna...ndinoda kuverenga kubva kuna VaFiripi, chitsauko 2, 1 kusvika 8; uye neVaKorinde Vechipiri 3, kutanga na 6, uye toverenga kusvika muchitsauko 4 chaVaKorinde Vechipiri, kungoitira nheyo. Zvino muna VaFiripi, chitsauko 2, ndichaverenga kutanga.

Tisati taverenga, ngatinamatei.

¹⁷ Ishe Jesu, Shoko reNyu iZvokwadi. Uye munguva ino inotambudza yatiri kurarama mairi, nyika ichipesana nenyika, hosha, kundengendeka kwenyika munzvimbo zhinji, moyo yevanhu ichikundika, kutya, tinoona chinyorwa pamadziro. Zvino, izvozvo zviri muchiyero chepanyama, kuti pasi rose rinofanira kuzviona izvi. Asi zvino pane chiyero chepamweyawo, zvakare, uye tinoona zviitiko zvikuru, uye tinoda kutaura nezvazvo nhasi.

¹⁸ Ropafadzai Shoko reNyu kumoyo yedu. Tinoziva kuti hakuna munhu Kudenga kana munyika akakodzera kutora Bhuku iri, kusunungura Zvisimbiso, kana kuRitarisa, kunyangwe. Asi pakava neMumwe akauya, Gwayana rakauraiwa, rine ropa, rakauya rikatora Bhuku, uye raive

rakakodzera uye nekukwanisa kuRivhura. O Gwayana raMwari, vhurai Shoko reNyu kumoyo yedu nhasi, kuti tiwane nyaradzo. Tiri varanda veNyu. Regererai zvivi zvedu, Ishe. Uye nechero chinhu chingadzivise kuti Shoko rirege kuenda nesimba guru nerunziro nhasi pahupenyu hwedu, chibvisei, Ishe, chero chidziviso chipi zvacho, kuti tigowana mukana wekuwana zvizere maropafadzo ose akavimbiswa kwatiri kuburikidza neShoko reNyu. Tinozvikumbira muZita rajesu. Ameni.

¹⁹ VaFiripi 2:

Zvino kana paine kunyaradzwa muna Kristu, kana paine kunyaradzwa kwerudo, kana kuyanana kwoMweya, kana moyo munyoro wetsitsi,

Zadzisai mufaro wangu, kuti muve nokufunga kumwe, muchiva nerudo rumwe, muchiva nehumwe, ne-nepfungwa imwe.

Pashaiwe chinhu chinoitwa negakava kana nekuzvikudza; asi mukuzvininipisa kwefungwa mumwe nemumwe ngaaone mumwe ari nani pane zvaari.

Mumwe nemumwe ngaarege kutarisa kuzvinhu zvake, asi munhu wose zvakare pazvinhu zvezamwewo.

Ivai nomufungo uyo, wakanga zvakare uri muna Kristu Jesu:

Uyo, waive muchimiro chaMwari, haana kufunga kuti hupambi kuve akaenzana naMwari:

Asi wakaziita pachake uyo asina mukurumbira, akazviisa muchimiro chemuranda, uye akaitwa nomufananidzo womunhu:

Uye akati awanikwa ari mumufananidzo wemunhu, akazvininipisa, akateerera kusvikira parufu, kunyangwe rufu rwemuchinjikwa.

²⁰ Zvino kana tikavhura zvino kuna VaKorinde Vechipiri, chitsauko 3, tichatanga nendima 6, uye tichiverenga izvi kusvika kuna 18, uye zvichidzika kuchikamu chechitsauko 4.

Iye wakatiitawo vashumiri vesungano itsva; kwete yetumba, asi yemweya: nokuti tsamba inouraya, asi mwuya unopa upenyu.

Asi kana shumiro yerufu, yakanyorwa zvokutemerwa pamabwe, yainge yakabwinya, zvokuti vana veIsraeri vakatadza kumira vakatarisa chiso chaMosesi nekuda kwekubwinya kwechiso chake; kwaiva kubwinya kwaizobviswa hako:

Ko kushumira kwemweya hakungavi nokubwinya kukuru here?

Nokuti kana kushumira kwekutongeswa kwakanga kuno kubwinya, zvikuru sei kushumira kwekururama kuchakunda pakubwinya.

Nokuti kunyangwe naicho chakabwinyiswa hachina kubwinyiswa kana pachinhu ichi, nekuda kwekubwinya kunokunda.

Nokuti kana icho chinobviswa chaiva kubwinya, zvikuru sei icho...chinogara ndicho chiriri kubwinya.

Nekuona zvino zvatine tariro yakadai, isu tinofanira zvikuru...kutura kwakajeka, kushandisa kutaura kwakajeka kwazvo.

Uye kwete saMosesi, akaisa chifukidzo pachiso chake, kuti vana veIsraeri varege kutarisisa kuguma kwezvinopfuura:

Asi ndangariro dzavo dzakapofomadza: nokuti kusvika zuva ranhasi chidzitiro chimwecho chichiripo chisina kubviswa pakuverengwa kwetestamende yakare; chinova ndicho chidzitiro chinobviswa muna Kristu.

Asi kunyangwe muzuva ranhasi, Mosesi paanoverengwa, chifukidziro chiripo pamoyo yavo.

Zvisinei kana yazotendeukira kunaShe, chifukidziro chichabviswa.

Zvino Ishe ndivo Mweya iwowo: uye pane Mweya waShe...pane rusununguko.

Asi isu tose, tichitarira nechiso chisina kufukidzirwa kubwinya kwaShe sepachiwoniwoni, tinoshandurwa tichifanana nemufananidzo mumwe chetewo tichibva pakubwinya kumwe tichienda kune kumwe kubwinya, sezvichibva kuMweya waShe.

Saka zvatinayo shumiro iyi, patakanzwirwa ngoni napo, hatineti;

Asi takaramba zvinhu zvakavanzika nekusatendeseka, tisingafambi nokunyengera nekubata shoko raMwari nohunyengeri; asi nekuratidza zvokwadi kuzvipomera pachedu kuhana dzevanhu vose pamberi paMwari.

Asi kana evhangeri yedu yakavanzwa, rakavanzirwa kune avo vakarasika:

²¹ Ishe ngavawedzere maropafadzo aVo pakuverengwa kweShoko raVo!

²² Zvino, chidzidzo changu mangwanani ano, ndinovimba kuti Mwari vachazarura izvi. Uye nguva imwe neimwe, kana imi vanotora matepi nekuteerera, uye ndinotarisira nekuvimba kuti—kuti makawana nzwisiso yepamweya yeizvo Mwari vanga

vachiedza kusvitsa kuChechi vasiri kuzvitaura pachena. Maona? Chinhu, dzimwe nguva, tinofanira kutaura zvinhu nenzira yekuti zvinyatsotetepa, zvinogona kuita kuti vamwe vabude, vamwe vaende, uye vamwe ku—ku—kufungisisa nevazvo. Asi zvinoitwa nechinangwa. Zvinofanira kuitwa nenzira iyoyo.

²³ Zvadaro zvinogona kuti vamwe vanoti, “Munoreva here kuti Mwari vanoita chinhu chakadaro vachinyatsoziva?” Zvirokwazvo vakazviita. Vanozviita nazvino.

²⁴ Vakati rimwe zuva, paVaiva nezviuru zvakaVakomberedza, Vakati, “Kunze kwekuti madya Nyama yeMwanakomana waMwari, kana kuti Mwanakomana wemunhu, uye nekunwa Ropa raKe, hamuna Hupenyu mamuri.”

²⁵ Imhandoi yemutauro wamunofunga wekuti chiremba kana mukoti, kana chero munhu akanaka wenjere angafunga pamusoro pemutauro wakadaro, kuMunhu akanga aine shumiro seyaAiva nayo? Handiti, aiti, “Kudya nyama? Uri munhu anodya vanhu! Kunwa ropa remunhu? Ndimusveta ropa! Nemamwe mashoko, Anoda kuti tive vanhu vanodya vamwe vanhu nevanamusvetaropa.” Zvino ungano yose yakafamba ichibva paAri.

²⁶ Zvino paiva nebato revashumiri pamwe naYe, revane makumi manomwe, vakange vakasarudzwa. Zvino Akatendeukira kwavari, Akati, “Muchafungei pamunoona Mwanakomana wemunhu achikwira kumusoro uko kwaAkabva?” Zvino, haAna kuzvitsanangura izvozvo. Haana kumbobvira akatsanangura kuti sei; Pauro akazviita gare-gare. AkangoZvitaura. Maona? Uye zvakare apo izvi, Akati, “Muchatiiko,” kuvashumiri ava, “pamuchaona Mwanakomana wemunhu achikwira kumusoro uko kwaAkabva?”

²⁷ Pasina kupokana varume ivavo vakati, “Zvino, mirai zvishoma. Oo, tinodya naYe. Tinoraura naYe. Tinorara naYe. Titinoziva kwaAkaberekerwa. Takaona nhovo yehucheche yaA—Airezverwa mairi. Zvino ko sei Murume uyu... Ichi chitaurwa chakaoma.”

²⁸ Zvino Bhaibheri rakati, “Havana kuzofamba naYe zvakare.” VakaMusiya.

²⁹ Zvino Akange asara negumi nevaviri. Akanga akasarudza gumi nevaviri, asi mumwe wavo aiva dhiyabhore, Akadaro. Saka Akatendeukira kwavari.

Zvino hapana mumwe aigona kutsanangura zvaAkanga achangobva kutaura. “Ko vachadya sei Nyama yaKe nekunwa Ropa raKe? Zvino akadzika zasi sei, apo Akaberekerwa panyika pano chaipo?” Maona? Havana kugona kuZvinzwisisa.

Saka Akatendeukira kuvaapostora, zvino Akati, “Munoda kuendawo here zvakare?”

³⁰ Zvino ndipo apo muApostora Petro akaita chitaurwa chiya chikuru, “Ishe, ko tingaenda kuna aniko?” Maona? “Nekuti takagutsikana. Tinoziva zvirokawazvo kuti Imi, uye Imi moga, mune Shoko reHupenyu renguva ino.” Maona? “Uye takagutsikana naizvozvo.” Maona, havana kugona kuZvitsanangura. Ivo . . .

Haugoni kutsanangura kutenda. Chinhu chaunotenda, uye chakasimba kwazvo zvekuti hakuna chinhu chingatora nzvimbo yacho.

Naizvozvo, vakaziva kuti Shoko rakanga rakanyorerwa kuzera iroro ravairarama mariri, zera raMesia, kuti Aikwana panzvimbo iyoyo chaizvo. Uye chii chavaigona kuita kuti vadzokere mumachechi aya akatonhora, ezbitevedzwa avakanga vabuda kubva maari? Akati, “Ko tingazoenda kupi?” Maona? “Isu takagutsikana zvizere kuti Mune Shoko reHupenyu.” Maona? Uye ivo–ivo havana kukwanisa kuZvitsanangura, asi vakaZvitenda. Maona?

³¹ Zvino Jesu akazvitaura izvozvo kuti akamure boka raKe, munooна, kusvikira Agona kuunganidza boka pamwe chete. Zvino kubva pavanhу vose ivavo, ivo, gumi nemumwe wavo ndivo vakanzwisia chaizvo kuti Aiva Ani. Vaiziva kuti Aiva Mwari, uye Mwari voga. Zvino, chi . . .

³² Chidzidzo changu mangwanani ano ndeche kuzarura, kana, kuisa Mwari ivavo pachena.

³³ Mwari vakagara, muzera roga-roga, vakavanda seri kwechidzitiro, mazera ose, asi Vanga vari Mwari nguva dzose. Maona? Asi Vakagara vakazvivanza pachaVo kubva kunyika, uye vachiZvizarura kuVasanangurwa vaVo, sevaapostora pazuva iroro. Zvino, vaiva Mwari vaitaura muna Kristu.

³⁴ Zvino, munhu akagara, hwakagara huri hunhu hwemunhu, akatsvaga kuti aone (panyama) Mwari ivavo. Akagara achida kuZviona. Munhu agadzira zvisikwa zvakafanana naVo. Vanofunga nezve . . . MaIndia vainamata zuva. Uye—uye tinoona kuti, kuAfrica, zvimiyo zvakasiyana-siyana zvemhuka, nezvimwe zvakadaro. Uye kumusoro . . . pamatanda ezvidawo kuAlaska, ne—nezvimiro zvakasiyana-siyana zvavanofunga kuti Mwari ava ndizvo zvavari. SaPauro akataura uko paAtene nguva iya, pachikomo cheMars, ndokuvaudza kuti vaitenda zvinhu zvisipo pamusoro paMwari ava vasingazivikanwi, uyo, wavakaziva kuti Aiveko asi zvakadaro vakanga vasingaMuzive.

³⁵ Uye zavakare tinoona kuti kunyangwe kumashure kubva kuna Jobho. Jobho akaziva kuti kuna Mwari. Akazviziva. Zvino hakuna mu—mu—munhu, ari mupfungwa dzake dzakakwana, asi anoziva kuti panofanira kuva neChimwe chinhu pane imwe nzvimbo. Uye, zvino, Jobho aida kutaura naYe.

Uye ndinoda kuti mucherechedze chimiro icho Mwari vakasarudza kutaura naJobho vari machiri. Mwari vakange

vakafukidzwa paVakataura kuna Jobho. Vakange vakafukidzwa muchamupupuri, vakadzika pasi vari muchamupupuri. Munotenda here kuti Mwari vachiri kuuya vari muchamupupuri vanogona kuuya pamunoona? [Ungano inoti, “Ameni.”—Mupepeti]

³⁶ Pane vakati wandei vakagara pano, vakati kuti, vaiva nesu rimwe zuva paVakauya vari muchamupupuri. Vakatiudza nezuro wacho, Hama Banks Wood nevamwe, paVakati, “Tora dombo iri, rikandire mudenga, uye uti, ‘ZVANZI NAJEHOVHA! Muchazviona pakarepo.’” Zvino ndakanhonga dombo, kumusoro-soro kwegomo, ndikarikandira mudenga, uye... hongu, richidzika zasi, rakananga chamupupuri, munoona, kukweva kwaro.

³⁷ Unofanira kuita chimwe chinhu kukonzeresa chimwe chinhu kuti chichitevere. Jesu akatora chimedu chechingwa akachidimbura, ndokubva awedzera kubva pachidimbu chechingwa ichocco. Akatora mvura, akaidururira muchirongo. Eria akatora munyu, akausa mukasha; akatema chimuti, akachikandira pamusoro pemvura. Chimwe chinhu chekufananidzira.

Zvino ndichinhonga dombo iri nekurikandira mudenga, zvino richidzika zasi rakananga chamupupuri.

³⁸ Zuva raitevera, handiti, paiva nemumwe mushumiri pamwe nesu parwendo rwekuvhima. Aive akamira pedyo, zvino akati kwandiri, “Ishe vanopa here zviratidzo kunze kuno saizvozvi, Hama Branham?”

³⁹ Ndkati, “Hongu, asi ndinowanzouya kunze kuno kuzozorora.” Zvino pakare ipapo chiratidzo chakabva chauya.

⁴⁰ Zvino Hama Borders, ndinofunga kuti vari panze zvino, vaivepo. Hama Banks Wood, ndinofunga, uye, oo, vakati wandei vaiva kumusoro ikoko, vasere kana gumi. Zvino Hama Banks Wood vakatarisira izvi. Ipapo pagomo chaipo, mhiri chaiko kubva, chaipo, pangaite hafu yemaera apo Vatumwa vanomwe vakaonekwa, vandakabvira kuno kuti ndivaendere ikoko, avo vakadzoka uye vakaudza... pamusoro peZvisimbiso Zvinomwe. Zvingangoita sehaftu yemaera kubva ipapo.

⁴¹ Zvino zvadaro zuva raitevera, izvi pazvaiitika, handiti, zvi... Ndakati kuhama, hama iyi, ndakati, “Dambudziko renyu nderekuti, mune chisimbwa muziso renyu. Vanachiremba vakaedza kuchimisa kwemakore akati wandei zvino havasi kukwanisa kuzviita. Vanoti muchazo... chichadya ziso renyu rose.” Zvino ndakati, “Asi musanetsekane, Ishe Jesu varemekedza kutenda kwenyuu.” Zvino vakabva vangodonhedza pfuti yavo. Zvino ndakati, “Mai venyu,” zvavakange vari uye nezvakanga zvisina kumira zvakana ka navo.

Zvino vakati, “Ichokwadi.”

⁴² Hama Roy Roberson vanobva pachechi pano, vakamira ipapo, ndinofungidzira kuti imi mose munovaziva. Ndichiziva kuti vaiva gamba remuhondo, uye ndichiziva zvakanga zvava kuzoitika, ndakaisa ruoko rwangu pafudzi ravo; Ndakati, “Hama Roberson, ngwarirai, tarisai, chimwe chinhu chiri kuda kuitika.”

⁴³ Ndakafamba ndichidzoka pandaifanira kunge ndakamira, zvino kubva mudenga kwakauya chamupupuri, zasi nemumupata, kubva kumusoro, chakanga chakakura kwazvo kusvikira chakatsemura matombo, mainji masere kana gumi mukati, kubva pamusoro pegomo, ndokuakandira mayadhi mazana maviri kunze. Chikaita ruzha rwekuombera maoko katatu saizvozvi, zvino Izwi rakabuda kubva machiri. Maona?

⁴⁴ Zvino ivo vose vakamira ipapo. Hama Banks, vari pano zvino, vakauya vakati, “Ndizvo zvamakandiudza nezuro?”

Ndakati, “Hongu, changamire, ndizvozvo.”

Vakati, “Zvino, Rataura kuti chii?”

⁴⁵ Ndakati, “Zvino, ndezvangu ndega kuti ndizive, Hama Banks, maona, nekuti zvaiva... Zvaizovhundutsa vanhu.”

⁴⁶ Asi Chakapfuirira, zvakaitika zvishoma chete... chichienda kuchamhembe. Mazuva, mashoma akatevera Chakarova munyanza, zvino makaona zvakaitika munharaunda yeFairbanks. Chaiva chiratidzo chekutongwa. Zvino tinoona kuti—kuti Mwari vagara... Munoona, zvaizokandira vanhu mukuvhunduka. Uye saka zvino vaifanira... Izvozvo zvaifanira kuitika, maona. Zvinongofanira kuitika. Zvinhu zvinofanira kuitika zvinotofanira kuitika, zvakadaro. Munoona, zvichaitika, zvakadaro.

⁴⁷ Mosesi imwe nguva akashuvira kuona Mwari, zvino Mwari vakamuudza kuti amire padombo. Uye, padombo, Mosesi akamira zvino akaona Mwari vachipfura, zvino musana waVo waiita semusana wemunhu. Mwari vaiva muchamupupuri, uye Mwari... apo Mosesi aive akamira padombo.

⁴⁸ Ndinofungidzira kuti imi mose makaona mufananidzo kunze uko rimwe zuva, takamira padombo rimwe chetero. Zvino hechino Chiedza ichocco, Mutumwa waJehovah, ipapo chaipo paChakaita ruzha. Chakamira... Zviri pabhodhi chaipo rezviziviso ipapo zvino, zvakare.

⁴⁹ Cherechedzai, Jehovah weTestamende Yakare ndiJesu weTestamende Itsva. Maona? NdiMwari mumwe chete, vari kungoshandura chimiro chaVo.

⁵⁰ Zvino, mumwe munhu akati rimwe zuva, mu—mu—mushumiri weBaptisti kunze uko kuTucson, “Ko munogotaura sei kuti—kuti Jesu naMwari vaizova Munhu mumwe chete?”

⁵¹ Ndikati, “Zvakanaka, zviri nyore chaizvo kana mukangoregedza mafungiro enyu achibva, uye mofunga nenzira

yeBhaibheri pazviri. Vari Munhu mumwe chete. Mwari Mweya; Jesu mutumbi waVakanga vakafukidzwa mauri. Maona?" Ndakati, "Semumba mangu. Kumudzimai wangu, ndiri murume wake. Uye ndine mwanasikana mudiki, Rebekah, ndiri baba vake. Zvino ndine muzukuru, zvino zita rake ndiPaul, ndiri sekuru vake. Ndiri murume, baba, nasekuru. Zvino mudzimai wangu haana maruramiro kwandiri sababa kana sekuru; ane maruramiro kwandiri semurume chete. Uye mwanasikana wangu haana maruramiro kwandiri semurume kana sekuru; iye mwana wangu. Maona? Asi zvakadaro vanhu vatatu ava vose munhu mumwe chete. Maona? NdiMwari; Baba, Mwanakomana, neMweya Mutsvene, anongori madunhurirwa emwaka." Mwari mumwe chete, Mwari mumwe chete.

⁵² Mwari vakaZvishandura, vanoshandura chimiro chaVo. Kana mukacherechedza pano muna VaFiripi, Vakati, "Vasingazvifungi sehupambi, asi vakatora *chimiro* chemunhu."

⁵³ Zvino, izwi rechiGiriki ipapo *rechimiro* ichocco, ndakanga ndiri kuritarisa zuva rose nezuro, ndichiedza kufunga kuti raiva chii, ndakawana, ndauya neizwi iri rekuti *en morphe*. Rinoperengerwa kuti e-n m-o-r-p-h-e. Ndichitarisa muchiGiriki, kuona kuti *en morphe* raivei...Ndinogona kuritura zvisizzvo, asi chikonzero ndariperengera, ndeapo kana tepi yabuditswa, vanhu vachazenge, vadzidzi vachazenge, vachaziva zvandi—ndinoreva naro. Ivo, apo *en morphe*, zvinoreva kuti Vakazvishandura pachaVo. Ivo, Vakadzika pasi. Zvino, izwi rechiGiriki ipapo rinoreva, kuti, "Chimwe chinhu chakange chisingaonekwii, asi zvakadaro chiripo ipapo, uye zvakadaro chakazoshandurwa zvino ziso rinogona kuzvibata." Maona?

⁵⁴ SaEria aiva, paDhotani. Maona, mu—muranda aisakwanisa kuona Ngirozi dzose dziya dzakakomberedza ipapo, zvino Mwari vakangoshandura; kwete kuunza Ngirozi pasi, asi Vakashandura maonero emuranda. Zvino paiva nemakomo akazara neNgirozi, nemoto, nemabhiza emoto, uye nengoro dzemoto, zvakapoteredza Muporofita waVo. Maona, ivo, Vakashandura maonero. Chi—chinhu chacho chagara chiripo.

⁵⁵ Saka, ndizvo zvandiri kuedza kutaura, kuti Mwari vakagara variko vari pano. Chinhu choga chaVakaita paVakava munhu, Vakashandura chifukidzo chaVo. Maona? Ivo—Ivo, *en morphe* iyi, Va—Vakazvishandura pachaVo kune zvaVaiva kuva zvaVari, kana chifukidzo chaVo, chimwe chiito.

⁵⁶ Semumutambo mukuru. Sepandanga ndichitaura mangwanani ano, ndichiita sekubata pane izvi zvaShakespeare. Yange iri nguva yakareba. Asi Shakespeare paakanyora mu—mu—mutambo, wacho...kuna Mambo James wekuEngland, iye paaka... hunhu hwaMacbeth. Munoonaa, Shakespeare aisatenda mune zvevaroyi; asi mumutambo, nekuti mambo vaitenda mune

zvevaroyi, saka akatozoisa varoyi. Maona? Uye zvino, kuitira kuti azviite, akashandura vatambi vemutambo.

⁵⁷ Becky uyu, muna *Carmen*, vakaita mutambo iwovo mu—muchikoro kwaachangopedza dzidzo mavhiki mashoma apfuura. Zvino, pamwe munhu mumwe chete akatamba zvikamu zvitatu kana zvina. Kuitira kuti azviite, a—akashandura chifukidzo chake. Dzimwe nguva anobuda kunze, ari mutambi *uyu*; uye nguva inotevera yaanobuda kunze, anenge ari mumwe mutambi. Asi munhu mumwe chete nguva dzose.

⁵⁸ Zvino ndiMwari. Vakazvishandura pachaVo kubva—kubva kuShongwe yeMoto, ndokuva Munhu. NdokuZvishandura kubva ipapo, vachidzokera muMweya zvakare, kuitira kuti Vagare mumunhu. Mwari vachiita vari mumunhu zvaVaive chaizvo. Jesu Kristu, aiva Mwari vaiita mutambo vari muMunhu, muMunhu. MuMunhu, ndizvo zvaVaiva. Vakanga vashanduka kubva paShongwe yeMoto, uye ndokuzopinda; yaiva chidzitiro murenje, chaivanza Mwari kubva kuIsraeri. Mosesi akaona chimiro cheMutumbi waVo, asi chaizvo Vakanga vakavanzwa nguva dzose seri kweShongwe yeMoto iyi, yaiva Rogosi yakabva kuna Mwari.

⁵⁹ Zvino tinoona pano, zvino kubva paPentekosti, Mwari havasi kuita mutambo vari *mumunhu*, kana kuita... zvino Vari kuita *kuburikidza* nemunhu. Maona? Vailita vari *muMurume* kareko, Jesu. Zvino vari kuita *kuburikidza* nemunhu waVakasarudzira chinangwa ichi. Mwari, vari muchimiro chemunhu, Vakazvishandura pachaVo kubva pachimiro che—che...chaMwari, kuchimiro chemunhu.

⁶⁰ Vakauya mumazita matatu, mazita matatu emwanakomana. Vakauya muMwanakomana...zita reMwanakomana we—wemunhu, Mwanakomana waDhavidhi, neMwanakomana waMwari; mazita matatu emwanakomana.

⁶¹ Zvino, Vakauya kutanga muMwanakomana waDha.... Mwanakomana wemunhu, nekuti Vaiva muporofita. Zvino, Jehovha pachaVo vakadana Ezekieri nevaporofita, “Mwanakomana wemunhu, chii chaunoona?” Jesu haana kumbobvira akataura neZvake seMwanakomana waMwari; AkaZvidaidza kuti Mwanakomana wemunhu, nekuti ma—Magwaro haagoni kutyorwa.

Hakungave nechinhu chinogona kutyorwa muMagwaro. Shoko roga-roga rinofanira kuva saizvozvo. Ndiyo nzira yandinozvitenda nayo. Ndiyo nzira yaZvinofanira kuva, kwete nekuti ndinozvitenda, nekuti IShoko raMwari.

⁶² Zvino kana mukacherechedza kumavambo, Shoko rimwe chete, peji imwe muBhaibheri, muna Genesi 1, tinoona kuti zvose hazvo...Hurwere hwose, kusuwa kwose, marwadzo emoyo ose, uye nezvose zvakamboitika kuvanhu, zvakauya nekuti munhu *mumwe chete* akapokana Shoko *rimwe*, zvakakonzeresa

zvose izvi. Ndiko kumavambo kweBhaibheri. Kumagumo kweBhaibheri, Zvakazarurwa 22, Mwari vamwe chete vakati, "Ani naani achabvisa Shoko rimwe kubva mune Iri, kana kuwedzera shoko rimwe kwaRiri." Munoona, rinofanira kuva Shoko neShoko, sezvaRiri chaizvo.

⁶³ Saka, naizvozvo, nekungotora chinhu chidiki sezvandiri kuda kuzo... mumwe munhu anogara akati neni-neni pamusoro pevakadzi vachigera bvudzi ravo. Zvino, kwandiri, chero bedzi achizviita izvozvo, handina basa kuti anoita nehutsvene zvakadini uye kuti anoziva zvakadini, achiri kukanganisa. Anopfeka zvikabudura nehembe idzi dzakadaro; handina basa nezvaanoita, kuti anogona kuimba zvakadini, kuti anoparidza zvakakanaka sei, chero chipi chaanogona kuita, mhando yehupenyu hwaanorarama, richiri Shoko rimwe iroro rakatyorwa. Maona? Munoona, rinofanira kuva Shoko rogaroga. Kwete mutsara; Shoko rimwe, Shoko rimwe! Saka, Bhaibheri harisi redudziro yepakavanda. Rinofanira kuva Shoko neShoko, nenzira yaRakanyorwa nayo. Tinofanira kuRitenda.

⁶⁴ Uye kwete kungoRitenda chete, asi kuRirarama. Kana tikasaRirarama, zvadaro hatiRitendi; tinongotaura kuti tinozviita. Seizvo ini...Ndichidzokera kumashure pane zvadataura, vadzidzi ivavo havana kukwanisa kuZvitsanangura, asi vakaZvitenda, zvakadaro, uye vakapa kupupura kwavo uye vakarama saizvozvo. Apo vamwe vose vakaenda vachibva paZvir, vakagara naZvo! VakaZvitenda! Ndiyo nzira yatinozviita. Ndiyo nzira yaunofanira kuti uzviite. Zvisinei kuti chero ani anoitei, tinoZvitenda zvadaro tozoZviita. Kana ukasazviita, saka hauZvitendi.

⁶⁵ Zvino cherechedzai zvino paAkanya, Aifanira kuuya seMwanakomana wemunhu, nekuti Gwaro Dzvene rakati Aizodaro, "Mwari vaizosimudza Muporofita kwavari." Saka haAikwanisa kuuya Achizvidana kuti Mwanakomana waMwari, nekuti wakange usiri mwaka wacho iwovo. Aiva Mwanakomana wemunhu aiporofita, kuzadzisa, nekuvazarurira zvinhu zvose zvainge zvakaitwa, uye nevakafananidzira izvo zvaAiva. Ipapo Akava panyika seMwanakomana wemunhu.

⁶⁶ Tarisai mudzimai uya weSirofonike akamhanya kwaAri, ndokuti, "Mwanakomana waDhavhidhi, ndinzwireiwo tsitsi!" Haana kana kumbobvira asimudza musoro waKe. Aiva asina maruramiro kwaAri seMwanakomana waDhavhidhi. Aiva Murudzi.

Sezvakangoitawo mwanasikana wangu haana maruramiro kwandiri semurume wake; kana, mudzimai wangu, semwanasikana. Kunyangwe, ari mwanasikana wangu nemudzimai wangu, mwanasikana wangu muVhangeri. Asi, zvepanyika, haana kodzero yekundidana kuti ba—baba. Maona?

Zvino cherechedzai, mudzimai uyu weMurudzi akanga asina maruramiro kwaAri seMwanakomana waDhavidhi. Asi Bhartimeo bofu akazviita, maona, aiva muJudha. Zvino, Akauya seMwanakomana wemunhu.

⁶⁷ Munofanira kuziva mashoko aya nezvinhu izvi. Tarisai Hattie Wright nguva iya, apo Kudhonza Kwetatu. Munozvirangarira. Pazvinhu zvose, mudzimai iyeye akataura chinhu chakafanira. Unofanira kutaura shoko iroro rakafanira, chinhu chakafanira kuna Mwari.

⁶⁸ Cherechedzai zvino, Akauya pakutanga seMuporofita, uye vakaMuroverera. VokwaKe vakaMuroverera. Akauya seMwanakomana wemunhu.

⁶⁹ Zvino mushure mekuuya kweMweya Mutsvene, ipapo Akazova Mwanakomana waMwari. Mwari Mweya. Vaiva Mweya Mutsvene, Mwanakomana waMwari. Vakararama nemumazera echechi seMwanakomana waMwari.

⁷⁰ Zvino, muMireniyamu, Achava Mwanakomana waDhavidhi, akagara paChigaro chehumambo chababa vaKe, Dhavidhi. NdiYe Mwanakomana waDhavidhi.

⁷¹ Zvino, uye, rangarirai, pakati peMwanakomana waMwari...Muzera rechechi yeRaodhikia, vakaMudzingira kunze. Zvino muna Ruka, Akati Achazozarurwa zvakare seMwanakomana wemunhu, Muporofita, achizadzisa zvimwe zvose. Maona? Magwaro anobatana zvakakwana pamwe chete. Mwanakomana wemunhu, Mwanakomana waMwari, Mwanakomana waDhavidhi. Chaiva chii? NdiMwari mumwe chete nguva dzose, vari kungoshandura chimiro chaVo, *en morphe*. Vanongochishandura. Mutambo mukuru kwaVari. Vari kuzviita.

⁷² Vakauya seMwanakomana wemunhu, Muporofita. Vakaita izvozvo chaizvo. Kunyangwe mudzimai mudiki uya muchivi chake chose, ipapo patsime, akaMuziva. Akati, "Tinoziva kuti Mesiya ari kuuya, anonzi Kristu, ndizvo zvaAchaita." Munoona, akamuziva nekuti aiva Mbeu yakatemerwa. Ndokubva iye...

Apo, vamwe vose havana kuZviziva. Vakanga vasina chinhu chekuziva nacho. Vaive muchivi, kutanga kwacho.

⁷³ Nekuda, nekuda kwezviito zvaVo, Vanoshandura chimiro chaVo. Ndokubva Vauya nechimiro cheMwanakomana wemunhu.

Kuzera revavandudzi, Wesley, Luther, uye nevose zvichidzika, zvino tinoona kuti vakazvivhenganisa kwazvo, sezvakaitwa nevalIsraeri, kusvikira paVanoonekwa mumazuva ekupedzisira, muzera rePentekosti, seMweya Mutsvene, vakaUramba. Vakaita chinhu chimwe chete chakaitwa nelsraeri.

Uye Vanoitei zvino? Vanodzoka seMwanakomana wemunhu. Uye zvakare, kubva ipapo, Mwanakomana waDhavhidhi. Munoona kuti tiri pedyo zvakadini? Mwanakomana wemunhu, Mwanakomana waDhavhidhi, Mwanakomana waMwari. Anozarurwa mumazuva ekupedzisira seMwanakomana wemunhu, maererano naMaraki 4, zvimwe zviporofita zvose zvine chekuita nenguva ino. Hakuchina kushanda nechechi mushure mekunge Iye...VakaMburitsa kunze; panze, achigogodza pamusiwo. Imwe mbeu yakatemerwa mukati imomo, nazvino. Anofanira kuenda kwavari.

⁷⁴ Zvino Mwari, mumunhu, vakanga vakaZvidurura. Joere 2:28, tinoona cuti, Vakati, “Ndichadurura, mumazuva ekupedzisira, Mweya waNgu.” Zvino, kana mukacherechedza izwi ipapo, izwi rechiGiriki. Ndinogona kunge ndakanganisa, asi iro randakagona kuwana...

⁷⁵ Unofanira kutarisa mazwi. Chirungu dzimwe nguva chinoreva zvakapetwa kaviri. Sezvakangoita izwi ratinoti, “mwari.” “Mwari vakasika matenga nenyika,” Genesi 1. Asi zvino, muBhaibheri, Rakati, “Pakutanga Erohimu.” Zvino, Erohimu, Chirungu chinoti “mwari,” asi chaizvoizvo akanga asiri...*Erohimu*...Chero chinhu chinogona kuva mwari, kuizwi rekuti *mwari*; unogona kuita chimupunzo mwari; unogona kuita piyano iyo mwari; unogona kuita chero chinhu mwari.

⁷⁶ Asi hazvina kudaro muizwi rekuti *Erohimu*; Rinoreva cuti, “Uyo anogara ari ega.” Maona? Piyano iyo haigoni kuvapo iri yoga, hapana chinhu chingave chiripo chiri chega. Saka, izwi rekuti *Erohimu*, rinoreva, “Uyo akagara aripo.” *Mwari* anogona kureva chero chinhu hacho. Maona here musiyano muizwi racho? [Ungano inoti, “Ameni.”—Mupepeti]

⁷⁷ Zvino, paRakataura pano cuti Vakadurura zvose kubva maVari, kana *kudira* zvose panze, zvino, tinofunga seizvi, cuti Ivo “vakarutsa,” izwi reChirungu rekuti *kudurura zvose*, kana *kudira* zvose panze kubva maVari, munoonra, chimwe chinhu chakabuda kubva maVari chakanga chakasiyana naVo. Asi izwi rekuti *kenos*, muChigiriki, harirevi cuti Ivo “vakarutsa,” kana chimwe...Ruoko rwaVo rwakabva, kana ziso raVo rakabuda, mumwe munhu.

⁷⁸ Ndokuti, Vakazvishandura pachaVo, Ivo “vakazvidururira pachaVo mukati,” (Ameni!), mune chimwe chifukidzo, mune chimwe chimiro. Kwete cuti mumwe munhu akabuda maVari, anonzi Mweya Mutsvene, asi Vaiva Ivo pachaVo. Mazvibata here? [Ungano inoti, “Ameni.”—Mupepeti] Ivo pachaVo vakaZvidururira muvanhu. “Kristu mamuri!” Zvakanaka sei, zvinoshamisa sei, kufunga, Mwari vachiZvidururira mumunhu, mune mutendi. “Kudurura!” Chakanga chiri chikamu chemutambo waVo, kuita saizvozvo.

Mwari, huzaro hwose, Humwari hwose mumutumbi hwaiva muMunhu uyu, Jesu Kristu. Aiva Mwari, uye Mwari voga. Kwete munhu wechitatu kana munhu wechipiri, kana munhu wekutanga; asi Munhu *wacho*, Mwari vakafukidzwa munyama yemunhu.

⁷⁹ Timotio Wokutanga 3:16, “Pasinga gakava chikuru chakavanzika chohumwari; nekuti M-w-a-r-i, Erohimu,” vara guru M-w-a-r-i, muBhaibheri. Ritarisei kumashure, chero ani hake. Rinoreva cuti, mune repamavambo, Rakati, “Erohimu.” “Pakutanga, Erohimu.” Maona? “Uye, Erohimu, pasina gakava chikuru chakavanzika chaErohimu; nekuti Erohimu akaitwa nyama, uye takaMubata.” Erohimu, akafukidzwa munyama yemunhu! Jehovha vakuru vaizadza nzvimbo yose, nguva, uye nekwese, vakaitwa munhu. TakaMubata, Erohimu. “Pakutanga, Erohimu. Uye Erohimu akaitwa nyama, akagara pakati pedu.”

⁸⁰ Chii? Iyi ndiyo nzira yaKe, zvikamu zvemutambo. Ndiyo nzira yaVari kuzozviita nayo, nzira yaVo yekuZvizarura kwatiri semumwe munhu akasiyana. Tiri vanhu venyama, uye Vanozviviza. Zvino tinonzvisisa chete sevanhu venyama. Tinoziva chete sevanhu venyama. Tinoziva chete sekutenderwa kwatinoitwa nepfungwa dzedu cuti tizive, uye zvimwe zvachos zvose tinofanira kuzvitenda nekutenda. Tinofanira cuti kuna Mwari; kunyangwe tichiVaona, kana cuti kwete, tinozvitenda, zvakadaro. Maona? Kunyangwe aripo kana cuti kwete, tichiri kuzvitenda nekuti Mwari vakataura kudaro.

⁸¹ SaAbrahama, aisakwanisa kuona mwanakomana iyeye, pasina zviratidzo, pasina kuzvitakura kwa—kwaSara, pasina kana nguva yekuenda kumwedzi kana chero chinhu, asi zvakadaro Mwari vakataura kudaro. Tariro yose, kunyangwe chibereko chake—chake chakanga chakafa, uye hupenyu maari hwakanga hwapera, uye tsi—tsinga dzeheupenyu hwake dzakanga dzaoma, uye hupenyu hwake—hwake hwainge hwaoma maari. “Asi zvakadaro haana kudzadzarika pavimbiso yaMwari kubudikidza nekusatenda, asi aive akasimba, achipa rumbidzo, achiziva cuti Mwari vaigona kuita chero chinhu chaVakati Vaizoita.”

Heyo nzira yatinofanira kutenda Shoko iroro nhasi. Zvichaitika sei? Handizivi. Mwari vakati zvichaitika nenzira iyoyo, uye zvinenge zvatingana.

⁸² Ko ndianiko Munhu mukuru uyu asingaoneke? Ko ndianiko Uyu akaonekwa naAbrahama muzviratidzo? Kwekupedzisira chaiko, kunyangwe, Akaratidzwa munyama, mwanakomana asati auya. Mwari pachaVo vakauya kuna Abrahama vari muchimiro chemunhu, panguva yekupedzisira. Ndokuratidzwa! AkaVaona muChiedza chidiki pane imwe nguva; akaVaona muzviratidzo; akanzwa inzwi raVo; zvizaruro zvakawanda. Asi apo mwanakomana wevimbiso oda kuvapo, akaVaona

muchimiro chemunhu, akataura naVo, akaVapa nyama yekudya pamwe nechokunwa. Maona? Cherechedzai, Mwari pachaVo vakafukidza munyama yemunhu.

⁸³ Ichi chikamu chenzira yaVo. Iyi ndiyo nzira yaVanozviratidza pachaVo kватiri, kuratidza Shoko remuna Ziyendanakuenda, Mwari, Jehovha akaitwa nyama. Semuna Mutsvene Johani 1, “Pakutanga kwaiva neShoko, uye Shoko raiva kuna Mwari, uye... Pakutanga kwaiva naErohimu, uye Erohimu aiva... akava Shoko, uye Shoko raiva Erohimu. Uye Shoko rakaitwa Erohimu.” Maona? Chinhu chimwe chete, chiri kungobhdedhenuka.

⁸⁴ Sechizenga, munoona, chiri muna Mwari. Chizenga ipfungwa yako. Mwari pakutanga, wemuna Ziyendanakuenda, Vakange vasiri kana Mwari. Vaiva vemuna Ziyendanakuenda. Vakange vasiri kana Mwari; *Mwari* “chinhu chinonamatwa,” kana chimwe chinhu. Maona? Saka vakange vasiri kana izvozvo. Vaiva Erohimu, vemuna Ziyendanakuenda. Asi maVari maiva nepfungwa. Vaida kuva vanobatika. Zvino chii chaVakaita? Ndokubva Vataura Shoko, uye Shoko rikavapo. Ndiwo mufananidzo wacho wose, kubva kuna Genesi kusvika kuna Zvakazarurwa. Hapana chakatsveyama. NdiErohimu achiva anobatika kuitira kuti Agone kubatwa, kunzwikwa nekubata. Zvino muMireniyamu, pana Erohimu akagara paChigaro chehumambo, munoona, ndizvozvo, nevanhu vaKe vose vakaMukomberedza, vaAkafanotemera nheyo yenyika isati yavapo.

⁸⁵ Semunhu ari kuvaka mabhero kana kugadzira mabhero, foroma. Bhero rega-rega rinofanira kurira zvakasiyana nerimwe. Zvigadziriso zvakafanana, asi dare rakawanda kudai, simbi yakawanda kudai, ndarira yakawanda kudai, kuriita kuti ripe “kamwe kamuririro.”

⁸⁶ Ndiyo nzira yakaitwa naMwari. Vakasanganisa uyu kune uyo, kune uyu kune uyo, kune uyu kune uyo, kusvika Vawana chaizvo zvaVaida. Ndiwo mauyiro aVakaita pasi. Mwari vachiZvizarura muShongwe yeMoto vachidzika kuburikidza nemuvaporofita, ndokuzopinda muMwanakomana waMwari, uyo, Aiva Mwari. Munoono, ndiMwari vamwe chete vachiunza chaizvo, kubva pakukwana kuchienda pane kumwe kukwana, kubva pane kubwinya kuchienda pane kumwe kubwinya. Ndiyo nzira inoenda neChechi.

⁸⁷ Cherechedzai, kupfuura nemumazera, nzira imwe chete, kuburikidza nevaporofita vaVo, Vakazvizarura pachaVo. Ivavo vakange vasiri chaizvozvo vaporofita, vaiva vanamwari. Vakataura kudaro. Nekuti, zvavaitaura raiva Shoko raMwari. Vaiva nyama yakanga yakafukidza Mwari. Vaiva vanamwari. Jesu akati, pachaKe, akati, “MunoNdipomera sei kana Ndichiti Ndiri Mwanakomana waMwari, uye murairo wenyu imi

unotaura uchiti avo Shoko raJehovah rakauya kwavari vakanga vari vanamwari?" Maona?

⁸⁸ Saka vaiva Mwari vakaumbwa mumunhu anonzi muporofita. Maona? Zvino Shoko raJehovah rakauya kumurume uyu, saka akanga asiri muporofita; muporofita aiva chifukidzo, asi Shoko raiva Mwari. Shoko remunhu hariiti saizvozvo. Muri kuona zvandiri kureva? Harigoni kuita nenzira iyoyo. Asi chaizvoizvo raiva Mwari. Munoona, Vaiva Shoko raMwari muchimiro chemunhu, anonzi "munhu."

Cherechedzai, haVana kumbobvira vakashandura hunhu hwaVo, chimiro chaVo chete. VaHebheru 13:8, yakati, "Ndiye mumwe chete zuro, nhasi, nekusingaperi." Saka haAna kushandura hunhu hwaKe paAkauya. Anogara ari Muporofita iyeye, zvichidzika nemuzera, chinhu chimwe chete: Shoko, Shoko, Shoko, Shoko. Maona? Havakwanisi kushandura hunhu hwaVo, asi Vakashandura chimiro chaVo. VaHebheru 13:8, yakati, "Ndiye mumwe chete zuro, nhasi, nekusingaperi." Vakangoshandura chifukidzo chavo.

⁸⁹ Sekushanduka kwandakaita kubva kumurume, mwana wangu achiberekwa, ipapo ndokuva baba. Kana muzukuru wangu aberekwa, ndiri sekuru. Maona? Asi, handishanduki; ndichiri—ndichiri ini. Maona? (Zvino ndiMwari.) Zvinongova kuti ndashandura zvangu... Munoona, zvangoshandura chimiro chako. Maona?

Cherechedzai. Zvino zvemasikirwo zvinozvishandura kubva kumujaya mudiki kusvika pazera repakati, kuenda kuva harahwa. Zvino hezvoka izvo, munoonaa, unongoshandura chimiro chako.

⁹⁰ Zvino, haungati muchinda mudiki akamira kumusoro kuno, wemakore gumi nematanhatu ekuberekwa, woti ndisekuru. Haakwanise kudaro. Chimiro chake chinofanira kushandurwa. Makore mashoma anochishandura, zvino anozova sekuru. Munoona here zvandinoreva?

⁹¹ Asi Munhu mumwe chete nguva dzose, Munhu mumwe chete, Mwari nguva dzose. Nenzira iyi Vanozviratidza pachaVo kuvanhu vaVo, mukuita izvi. Cherechedzai, nemuzera reShongwe yeMoto, VakaZvizarura kuvanhu vaVo. Muzera ra—raJesu, Vakazvizarura pachaVo kuvanhu vaVo. Muzera reMweya Mutsvene, seMwanakomana waMwari. Mwanakomana waDhavhidhi... Vanogara vachizviratidza pachaVo nenzira iyoyo kuvanhu vaVo, vachiita kuti vanhu vaVazive. Vakafukidzwa seri kwechimwe chinhu, cherechedzai, nenzira imwe chete, kana hunhu humwe chete, nguva dzose.

⁹² Mwari vakafukidzwa muna Jesu, kuti vaite basa rerudzikinguro pamuchinjikwa. Mwari havaikwanisa kufa, seMweya. Ndeve muna Ziendanakuenda. Asi Vaifanira kupfeka chifukidzo zvino voita chikamu cherufu.

Vakatofa, asi vaisakwanisa kuzviita vari muchimiro chaVo chaMwari. Vaifanira kuzviita muchimiro cheMwanakomana, seMwanakomana weMunhu, panyika. Maona? Vaifanira kuva chimiro cheMwanakomana. Zvino paVakadzoka paPentekosti, Vaiva Mwanakomana waMwari zvakare. Munoona zvandiri kureva? Mazvinzwisia here? Vakanga...

⁹³ Vakatouya munyama yemunhu, kuti...zvino hapana munhu, pasina kusangana pabonde. Nekuti zvinoratidza zvakare chitaurwa chedu chembeu yenyoka, munoona, "kusangana kwepabonde," kusangana chaiko pabonde. Kwete maapurosi; kusangana pabonde! Ndizvozvo. Zvaifanira kuva saizvozvo. Cherechedzai pano, munoona, kune chero murume upi hake akanaka...Tarisai vaporofita ivavo kumashure uko, asi Aitofanira kupfuurira kuva muporofita. Maona? Kuti vaite saizvozvo, Vaitofanira kuuya nekuberekwa nemhandara, zvichiratidza kuti kuberekwa nemhandara kwakaratidza...Vaitofanira kuita maberekelerwo ekuberekwa nemhandara, kuti vabvise chituko, Mushonga wacho. Munoona zvandinoreva here? Saka, kwaifanira kuva kusangana pabonde. Vakazviratidza muKuuya kwaVo Ivo; haVana kuuya nechido chekusangana pabonde, asi kuburikidza nekuberekwa nemhandara. Zvino Vakashandura chifukidzo chaVo kubva pakuva Jehovha kuenda pakuva Jesu, kuitira kuti vatore basa rekudzikingura mumutambo waVinge vachiita, muna Mwari vari pamuchinjikwa.

⁹⁴ MaGiriki vaida kuMuona. Muna Mutsvene Johane 12:20, vazhinji venyu makandinzwa ndichiparidza pachirevo ichocco chekuti, "Madzichangamire, tингаonawо here Jesu." Makazvicherechedza here?

⁹⁵ Zvino, maGiriki vaiva vadzidzi, vaiva vanhu vakuru. Uye vaiva ne—vaiva ne—nemanzwiro mukuru kuna Mwari, saPauro akaparidza kwavari pachikomo cheMars. Zvino vaive, va—vakatungamira—vakatungamira pasi rose mune zvesainzi ne—nedzidzo, vaiva vanhu vakuru. Asi vainamata nekutenda mungano zvino saka, mabhuku ehumhizha uye nehumhizha hwakasiyana-siyana, nezvimwe zvakadaro.

⁹⁶ Asi vaka—vaka—vakadenhekana zvikuru pamusoro peMurume uyu Aigona kupodza vanorwara nekukwanisa kufanotaura zvinhu zvakaitika, nemo-nemo. Zvino vakadenhekana zvikuru, saka vakauya kuzoMuona. Zvino, tarisai pedyo zvino, musazvipotse. Maona? Zvino vakauya vakati kuna Firipi, aive weBhetisaidha, "Changamire, tингаonawо here Jesu." Zvino Firipi nemumwe mudzidzi vakamuunza kuna Jesu, kuti aone Jesu.

⁹⁷ Zvino cherechedzai mashoko chaiwo ayo Jesu akapindura kwavari, Nekuti vakauya kuzoona kuti Aiva Ani, zvino vakatadza kuMuona. Vakaona chimiro, asi Aiva mutemberi

yaKe. Mwari vaiva mutemberi yaVo, vakafukidzwa munyama yemunhu. Cherechedzai mashoko aAkataura, “Kunze kwekuti tsanga yegorosi yawira muvhу, munoona, zvino yofа, inogara yoga.” Maona? “Nguva yawkana, zvichava munguva pfupi kuti Mwanakomana wemunhu abwinyiswe, munoona, uye Anofanira kupfuura achibva panyika ino. Zvino kunze kwekuti nguva iyi yauya, hamuzombokwanisi kuZviona.” Maona?

⁹⁸ Pano, sei vasina kukwanisa kuona Jesu? Aiva akafukidzwa. Mwari vaiva vakafukidzwa. MaGiriki vaida Mwari, uye heunoi Ari apo, asi havana kukwanisa kuMuona nekuda kwechifukidzo. Uye ndicho chinhу chimwe chete nhasi, havagoni kuMuona nekuda kwechifukidzo. Chakavavhara kumeso kwavo. MaGiriki aya aiva akafukidzwa, kana kuti Jesu aiva akafukidzwa kumaGiriki aya.

⁹⁹ Cherechedzai, Akati kwavari, “Kunze kwekuti tsanga iyi yegorosi yawira muvhу, inogara yoga.”

¹⁰⁰ Ivo, vakatadza kunzwisisa kuti sei, ko sei vasina kukwanisa kuMuona. Hapo pamire murume uyo. Vakauya kuzoona Mwari, zvino vakaona munhu. Maona? Havana kukwanisa kuona Mwari nekuti Mwari akange akafukidzwa kwavari. Zvino zvichengetei mupfungwa dzenyu, Mwari vakange vakafukidzwa mumunhu. Vaigona kuti, “Hakuna munhu anogona kuita mabasa aya kunze kwekunge ari Mwari. Hakuna munhu anogona kuzviita, zvino inga wani pano pamire murume asi zvakadaro mabasa aMwari anoratidzwa kuburikidza nemaAri!” Munoona, vakanga vasinganzwisisi kuti Mwari vaiva vakafukidzwa.

¹⁰¹ Vakafukidzwa mumunhu, sekungogara kwavanoita Vakafukidzwa. Asi, Vakanga vakafukidzwa kwavari, Vaiva mutemberi yaVo yemunhu. Mwari vaiva mutemberi yemunhu. Zvino, ngwarirai chaizvo, zvino ndiYe mumwe chete zuro, nhasi, nekusingaperi. Maona? Mwari vakafukidzwa, vakaZvivanza kubva kunyika, vakafukidzwa mumunhu. Maona? Heunoi Mwari! MaGiriki iwayo vachiti, “TingaMuonawo.”

¹⁰² Zvino Jesu akati, “tsanga yegorosi inofanira kuwa yofа.” Unofanira kufa kupfungwa dzako dzose. Unofanira kubuda mupfungwa dzako.

Sezvaiva vadzidzi ivavo, vakanga vasingakwanisi kutsanangura pamusoro pekudyа mutumbi waKe ne—nekunwa Ropa raKe, asi, munoona, vakanga vakafa kare kuzvinhu izvozvo. Vakange vakafa kune Chitendwa, vakange vakafa kuna Kristu. Zvisinei kuti chaive chii, kana kuti kukundwa kwakadii kwaiita sekwaAiva nako, vakaramba vachiZvitenda zvakadaro. Maona? Vaigona kuona muMurume iyeye; Murume aidya, kunwa, kuraura, kurara, zvimwe zvese, akaberekwa pano panyika, ndokufamba pamwe navo, akataura navo, akapfeka hembe sevamwe vose, asi akange ari Mwari.

¹⁰³ Saka maGiriki vakatadza kuMuona, nekuti Akange akavanzwa kwavari, mumunhu wenyama. Cherechedzai Shoko raKe kwavari, “Kunze kwekuti tsanga ino yegorosi yawira muvhu.”

¹⁰⁴ Mwari vakafukidzwa muchimiro chemunhu, vakaZvivanza kumaonero avo. Vaingoona munhu chete. Asi avo Vakatemerwa vakaona Mwari. Mumwe akaona munhu, mumwe wacho akaona Mwari. Maona? Uye vaiva Mwari vakafukidzwa mumunhu wenyama, vachivaita kuti vose zvavaiona zvakange zvirizvo, asi kutenda kwako kuri mune izvo zvausingaoni. Unozvitenda, zvakadaro. Mwari vakafukidzwa mumunhu. Vaiva munyama iyoyo, uye nyama iyoyo yaiva chifukidzo chaVo. Chidzitiro chakabvarurwa, munoona, kuti Mwari vagoratidzwa.

¹⁰⁵ MuTestamende Yakare, Mwari vaiva vakavanzwa paVaiva pachigaro chaVo chetsitsi; pachigaro chetsitsi, nechidzitiro. MuTestamende Yakare, Mwari vakanga vari mutemberi yaVo. Asi vanhu vaiuya vachinamatu saizvozvi, asi, rangarirai, paiva nechidzitiro (ameni) chaivanza Mwari. Vakaziva kuti Mwari vaivapo. Havana kukwanisa kuVaona. Shongwe yeMoto iyoyo haina kuzooneka ipapo zvakare. Macherechedza here? Hapana kana imwe nguva muRugwaro, kubva panguva iyo Shongwe yeMoto yakapinda seri kwechidzitiro ichocco, kuti Yakazomboonekwa zvakare, kusvikira Yabva kuna Jesu Kristu. Mwari vakanga vakafukidzwa!

¹⁰⁶ PaAkamira panyika, Akati, “Ndakabva kuna Mwari uye ndinodzokera kuna Mwari.”

¹⁰⁷ Ndokubva Pauro, (mushure merufu rwaKe, kuvigwa, nerumuko), munzira yake kuDhamasiko, hepanoi paiva neShongwe yeMoto iya zvakare. Chaiva Chii? Kubva seri kwechidzitiro! Mbiri kuna Mwari!

¹⁰⁸ Vaiva mukati seri kwechidzitiro. Zvino Vakanga vari seri kwei? Chidzitiro cheganda. Munoono, “matehwe ematenhe,” seri kwechidzitiro. Zvino apo chidzitiro ichocco pachakabvarurwa pazuva rekurovererwa, chidzitiro chaVakanga vakaputirwa machiri chakabvarurwa pazuva rekurovererwa, chigaro chose chetsitsi chakabva chaonekwa.

¹⁰⁹ Zvino, maJudha vakatadza kunzwisia kuti Mwari vaigona kuva netsitsi pamusoro pevanhu vatadzi, vakaipa sezvatiri. Asi havana kukwanisa kuona Uyo Wacho aipa tsitsi, nekuti Akanga akavanzwa. Vaiva seri kwechigaro chetsitsi, mukati, nematehwe ematenhe akarembera pasi, akaVafukidzira. Kumashure . . .

¹¹⁰ Kumashure, kana chero munhu akafamba achipinda seri kwechidzitiro ichocco, rwaiva rufu pakarepo. Ameni. Oo, tichawana chidzidzo pano munguva shoma, munoona, kana muchikwanisa—muchikwanisa kuZvigamuchira. Kufamba seri kwematehwe iwayo . . . Kunyangwe mumwe wevanakomana wemuprisita akaedza kuzviita pane imwe nguva, ndokufa.

“Usaende seri kwechidzitiro ichocho.” Murume akafamba seri... Sei? Pakange pasati pava nerudzikinuro, imomo. Zvaive kuratidza kukwanisika kwazvo. Kwaingove kukwanisika. Zvino chero chinhu *chinongokwanisawo* hachisi chinhu chaicho, munoona, kungokwanisika. Rwaiva rudzikinuro... Chivi chakanga chakafukidzwa, kwete kusiiwa... kukanganwirwa, waro, kwete kukanganwirwa. *Kukanganwirwa* “kuramba nekuisa kure.” Zvino saka ropa remakwai nembudzi rakange risingakwanise kuzviita, saka Jehovha vakanga vakavanzwa seri kwechidzitiro. Zvino, kumashure seri kwechidzitiro ichi kwaVakanga vakavanzwa, kupinda mukati imomo, munhu aibva afa, kuedza kupinda maChiri.

¹¹¹ Asi kubvira paPentekosti, kubvira paKurovererwa, apo chidzitiro ichocho chakabvarurwa kubva kumusoro kusvika zasi, kuchizvarwa ichocho... Jesu akanga ari Mwari iyeye, akafukidzwa. Zvino paAkafa paKarivhari, Mwari vakatumira moto nemheni, zvikabvarura chidzitiro ichocho kubva kumusoro kusvika zasi, zvekuti chigaro chose chetsitsi chaiva chooneka pachena. Asi vakange vakanyanyisa kupofomara kuti vaZvione. Sekutura kwakaita Mosesi pano, zvakadaro, kana... Pauro akati, achiverenga nezvaMosesi, “Kana Mosesi achiverengwa, nazvino, chidzitiro ichocho chichiri pamoyo wavo.” Oo, hama, hanzvadzi, ndizvo zvakaitwa nemaJudha pakabvarurwa chidzitiro ndokuunza Mwari vachioneka pachena, vakaremberra pamuchinjikwa. Vaiva vachioneka pachena, asi havana kuZviona.

¹¹² Zvingave zvinogoneka here kuti veMarudzi vakaita zvimwe chetezvo? Oo Mwari! Pavakava nemazera echechi, eMwanakomana walMwari; asi apo zvino chidzitiro chemasangano aya nezvinhu, chidzitiro chino chetsika chatakawana kubvira paPentekosti, apo tsika dzechechi dzakabvarurwa, zvinhu zvakataurwa nevanhu, “Mazuva emashura akapfuura, nezvinhu izvi,” zvino Mwari vakabvisa chidzitiro kubva paZviri, uye vakaZviunza zvichioneka pachena, uye vagadzirira kuZviroverera zvakare, zvakangofanana chaizvo.

¹¹³ Mwari vakaiswa pachena, vachioneka pachena, vaifanira kunge vakaVaona vakamira ipapo. Asi Vakanga vakajairika zvakanyanyisa, Vakanga vari munhuwo zvake. Havana kugona kuZviona. Munoono, hapo pamire murume uyo. “Saka,” vakadaro, “muchinda uyu, Akabva kuchikoro chipi?” Asi, rangerirai, apo pfumo riya rakabaya mutumbi waVo, Mweya iwoyo wakaVasiya, temberi... matombo ezvipiriso akapidiguka, zvino mheni yakarova ichidarika nemutemberi ikabvarura chidzitiro. Chaiva chii? Hepanoi Mwari wavo akaremberra paKarivhari, zvino vakanga vakanyanyisa kupofomara kuti vazvione.

¹¹⁴ NdokuVaunza vachioneka pachena, uye zvakadaro havaZvioni! Vakapofomadzwa. Mwari, vakafukidzwa mumunhu!

¹¹⁵ Munorangarira, Vakadzokera ipapo kuna Pauro mushure maizvozvo, uye nekuna Petro mutirongo, seShongwe yeMoto. Munozvirangarira here? [Ungano inoti, "Ameni."—Mupepeti]

¹¹⁶ Asi mumazuva ekupedzisira Vanofanira kudzoka zvakare, asi Shongwe yeMoto inofanira kudzoka zvakare kuzoratidza Mwanakomana wemunhu, munoona, kuratidza Shoko, Chiedza. Tsika, dzakavepo, dzichabviswa. Hapana chinhu chichaInetsa; zvichaitwa, zvakadaro. Mwari vanongobvarurira masangano iwayo netsika pasi.

Imhandoi yeMweya yaVachazviita nayo? SezvaVakaita pekutanga. Tarisai zvaVakaita mumazuva aEria, mumazuva aJohane. "Musafungi kutaura mamuri pachenu 'muna Abrahama ari baba,' nekuti Mwari vanogona kumutsa matombo aya kuti ave vana kuna Abrahama." Maona? Musafunge kuti, "Nekuti, ndiri nhengo kune *iyo* uye ndiri nhengo kune *iyo*." Maona? Mwari vachibvarura chidzitiro, munoona, kuratidza kuti Ivo Ndiani. Munoona, tarisai chidzitiro pachinobvaruka pano zvino, tinoona zvino.

¹¹⁷ Zvino, uye pane imwe nguva, kana munhu akafamba achipfuura nemuchidzitiro ichocco, kwaiva kufa pakarepo. Zvino rwava rufu kusapinda naMo! Ameni. Kana ukasabvarura chidzitiro ichocco chetsika, kupaza mudhuri iwoyo wesangano, kuti uone Mwari musimba raVo, rufu. Pane imwe nguva rwaiva rufu kupinda imomo, zvino rwava rufu kugarira kunze. Chigaro chose cheTsitsi chigere chichioneka pachena, chero munhu anogona kuChiona, chidzitiro chakapamurwa. Mbiri kuna Mwari! Chigaro chose cheTsitsi chinobva chaoneka pachena.

¹¹⁸ Kuti Mwari vaizogona kuva netsitsi kuvatadzi vakaipa sesu, apo Vakanga vakaZvivanza, chaiva chakavanzika. Uye zvino Chiri kuoneka pachena, kana kuoneka zvizere, chazarurwa neShoko raVo. Rinogara riri Shoko, nguva dzose, ndiMwari. IShoko rinozvivhura. Dai vanhu ivavo vakaziva Shoko raMwari zuva iroro Jesu paakafa, vangadai vakaona Chigaro cheTsitsi, vangadai vakaona kuti Aiva Ani.

¹¹⁹ "Aiva Ani zvino? Sei chidzitiro chakapamuka?" Rangarirai, rwaiva rufu kupinda maChiri. Hapana munhu aigona kuChiona. Mosesi akaChiona muchimiro, Chaiva chamupu...chaiva mu—musana weMunhu. Saka, hepanoi Chiri pano, musana uri kukuja ropa, Murume mumwe chete iyeye! Chaiva Chii? Mwari vaida kuvaratidza Chigaro cheTsisti. Mwari vaida kuvaratidza zvaVakange Vari. Saka chidzitiro mutemberi, kubva paruoko rwaMwari, kumusoro, chakapamurwa kubva kumusoro kusvika kuzasi, chikaratidza Mwari vachioneka pachena. Aiva Jesu Kristu akarembera pamuchinjikwa, Chigaro cheTsitsi.

Zvino chaiva chii? Vanhu vakanga vakanyanyisa kupofomara kuChiona.

¹²⁰ Zvino zvadzokorora zvakare, tsika dzavo! Kuti, zvino, paZuva rePentekosti, Shoko rakauya uye raiva riri muchimiro che “Mwanakomana waMwari.” Uye vakatanga kuzviita sangano paNicaea, Rome. Zvino, chinhu chekutanga, vakaenda kuMethodisti, Baptisti, Presbyteriani, maPentekosti, nevamwe vakadaro. Itsika dzakaitwa sangano kusvikira munhu haazivi paakamira.

Asi, kubwinya kuna Mwari, Vakavimbisa mumazuva ekupedzisira izvo zvaVaizoita. Vaizoratidza Shoko raVo richioneka pachena, rakazaruka pamberi pedu zvakare, munoona, kuRizarura.

¹²¹ Dai chete vakaziva Shoko, vangadai vakaziva kuti Jesu aiva Ani. Kana munhu akangoziva Shoko raMwari, anozoziva nguva yatiri kurarama nezviri kuitika. Vanongoramba kuteerera kuShoko iroro. Tsika dzavo! Chii chakaita kuti maJudha iwayo azvione? Chii? Zvaitaridzika kuti vaigona kunge vakanyatsoona, nekuti chinhu chacho chakabvarurwa chikazaruka. Chakabvarurwa chikazaruka nekuda kwechinangwa.

¹²² Rumutsiriro urwu rwatanga nderwei pari zvino? Ko rwungabudirira sei? Ko rwungaropafadzwa sei? Handina basa kuti rwune kutevedzerwa kwakawanda zvakadii, kana chimwe chinhu, izvozvo hazvi... Mosesi paakabuda kunze, pakanga paine mhomho yevakasangana-sangana yakaenda naye. Asi zvinoitirwei? NdiJehovha pachaVo vari kubvisa chidzitiro pana Mwari, kuratidza musiyano pakati pechakanaka nechakatsveyama. Vanova, Methodisti, Baptisti, Presbyteriani, kana kuti ndiyani ari pachokwadi? Shoko raMwari ndiro rinova chokwadi! “Shoko remunhu wose ngarive nhema, uye raNgu Chokwadi.” Mwari havadi mududziri. Vanoita dudziro yaVo Voga. VanoZviratidza, nekuzvi... zvinopa dudziro. Mwari vachizviisa pachena pachaVo. Oo, ini zvangu! Ipapo pakati pedu, tinoona ruoko rwaVo rwukuru rwuchituraura zvinhu izvi, rwuchiita zvinhu izvi.

¹²³ Ndine chimwe chinhu pamusoro pazvo husiku huno, munoona, kuti unotarisa ruoko rwaMwari sei, zvaRwunoita, mabhedhenukiro aRwunoziita. Maona?

¹²⁴ Zvino vanhu vanoti, “Oo, Hazvina maturo. Ndiko kupengereka uko. Hapana Zviripo apa. Hazvina maturo. NdiBherizebhabhu. Ndidihiyabhere. Ndiko kuuka. Ndizvo izvi.” Munoona, chinhu chimwe chete chavakataura pamusoro paKe.

¹²⁵ O chechi, zvino kana tepi ino yabuda, hamusi kukwanisa kuona here, vashumiri veVhangeri, pamuri kurarama? Hamusi kuona here nguva yatiri mairi? Mwari, vachizviratidza pachaVo, vachiisa parutivi... Tarisai, Vakatora chidzitiro chemutemberi

ichocho vakachibvarura kuita zvidimbu, kuitira kuti vagoona Mwari achioneka pachena, zvino vakange vakanyanyisa kupofomara kuZviona. Zvino Vakaita chinhu chimwe chete nhasi, kuisa Shoko raVo pamberi chaipo, izvo zvaVakavimbisa. Vimbiro yoga-yoga iri muShoko, yakaiswa pamberi pedu, ichioneka pachena!

¹²⁶ Munoziva here zvinoitwa nechechi yeMarudzi? Chinhu chimwe chete chakaitwa nechechi yemaJudha, vakanyanyisa kupofomara kuZviona. Ndizvo zvoga. Zvinenge zviri pamoyo pavo sevazvaiva muzuva iroro.

¹²⁷ Cherechedzai, rufu, kugarira kure naCho zvino. Unofanira kupinda maChiri kupinda nemuchidzitiro ichi, kana kuti hauzozviiti. Kuti Mwari vaigona kuva sei netsitsi kwavari, asi rangarirai zvazvaiva, kuti Mwari vari kuratidza zvaiva seri kwechidzitiro ichocho. Tarisai zvaiva seri kwechidzitiro, Shoko! Chaifukidzei? Shoko! Chaiva chii? Riri muareka. Raiva Shoko iro rakange rakavanzwa nechidzitiro. Maona? Zvino Jesu aiva Shoko iroro, uye Ndiye Shoko iroro, zvino chidzitiro chenyama yaKe chakaRivanza.

¹²⁸ Zvino nhasi chidzitiro chetsika chinovanza Shoko zvakare, chichiti, “Harina kudaro.” Asi ndizvo zvaRiri! Mwari vachipupura nezvaRo, vachiZviratidza ipapo zvakajeka sekupenya kwezuva, pamberi pemunhu wose, asi vanotadza kuRiona. Mwari, ivaiwo netsitsi kwatiri.

¹²⁹ Mumufananidzo, Mosesi achibva muHupo hwaMwari, aine Shoko raMwari kuzera iroro. Zvino tarisai, tiri muna Eksodho 19 zvino. Musazvipotse zvino. Eksodho 19, Mosesi ari kubva muHupo hwaMwari, kana kuti 20 na21, 19:20 na21. Mosesi ari kubva muHupo hwaMwari. Ainge ambenge ari muShoko. Shoko rakanga ranyorwa. Uye iye, muHupo hwaMwari, aine Shoko, aiva neShoko rezera iroro. Pane Shoko rezera roga-roga. Zvino Mosesi achiuya, huso hwake hwaipenya kwazvo! Maona? Shoko raiva maari, rakagadzirira kuratidzwa, kupihwa kuvanhu.

¹³⁰ Shoko rechokwadi, Mwari vakanga vaRinyora, uye Raiva naMosesi. Cherechedzai, Raiva naMosesi uye rakanga ragadzirira kuratidzwa. Aiva Shoko kwavari, aiva Shoko rinorarama, rakavanzwa. Akazvifukidza, Mosesi akatozoisa chifukidzo kumeso kwake iye. Sei? Aiva Shoko iroro. Ameni. Kuzosvikira Shoko iroro raziviswa, Mosesi aifanira kuzvifukidza. Ameni!

Muri kuZviona here? Chero kupi kune Shoko, Rakafukidzwa.

¹³¹ Mosesi aiva neShoko. Zvino rangarirai, mushure mekunge Shoko raratidzwa, Mosesi akava Mosesi zvakare. Maona? Asi Shoko iroro paraiva maari kuti rizopihwe, aiva Mwari; ipapo, akanga asisiri Mosesi zvachose. Aiva neShoko raJehovha rezera iroro. Hapana chaigona kumubata kusvikira zvapera;

aiva neShoko iroro naye. Saka, naizvozvo, paakauya, vanhu vakatendeudza misoro yavo; havana kugona kunzwisisa. Vakanga vashandurwa. Aiva mumwe muchinda akasiyana. Akauya neShoko iroro. "Zvino akaisa chifukidzo," Bhaibheri rakati, "kumeso kwake," nekuti aiva neShoko. Uye aiva Shoko kwavari.

¹³² Zvino tarisai, kana Mosesi...O hama, pano pachava nekuzvidza. Asi kana Mosesi...Sezvakataurwa naPauro pano muna VaKorinde Vechipiri, chitsauko 3. Kana Mosesi aifanira kufukidza huso hwake nemhando yakadaro yeKubwinya iri pamusoro pake...munoona, nekuti kwaiva kubwinya kwepanyama, waiva murairo wepanyama. Zvino kana Mosesi, achiziva kuti murairo iwoyo waizofanira kupfuura, asi Kubwinya kwacho kwakanga kwakakura kwazvo zvekuti kwakapofomadza vanhu, saka vakatzoisa chifukidzo kumeso kwake, Zvichava zvikuru sei? Vanhu vakapofomara paMweya! Uh-huh. Kubwinya ikoko kwaifanira kupera, asi Kubwinya kuno hakuzoperi. Maona? Mosesi aiva nemirairo yepanyama, kupomerwa, pasina nyasha, pasina chinhu; waingokupomera. Asi Uku kwatiri kutaura nezvako...Kwakanga kusina kuregerera, kwaingokuudza zvawainge uri. Uku kunokupa nzira yokubuda nayo.

¹³³ Zvino kana Shoko iroro raiswa pachena, oo, ini zvangu, imhandoi yehuso hwaRinozova? Richafanira kufukidzwa. Rinofanira kunge rakafukidzwa. Zvino cherechedzai. Saka Mweya wakafukidzwa mutemberi yemunhu, munoona, Iwo uri kuzotaura mashoko epanyama nechifukidzo chepanyama.

¹³⁴ Zvino, Pauro achitaura pano zvino, uye mupfungwa iyi—iyi, Shoko reMweya, "Tiri vashumiri, kwete vetsamba, murairo; asi vashumiri vanokwanisa veMweya," kuti Mweya unotora tsamba woRiratidza.

¹³⁵ Wakanga uchingova murairo, waifanira kutoutarisa, uchiti, "Usaita upombwe. Usaba. Usanyepe. Usaita *ichi*, *icho*, kana *chimwewo*." Maona? Waifanira kutarisa pane iwoyo.

¹³⁶ Asi uyu Mweya unouya paShoko rakavimbiswa rezera *rino*, uye rinounza pamwe nekuratidza, kwete mahwendesa maviri edombo, asi Hupo hwaMwari vanorarama. Kwete imwe pfungwa yengano yakagadzirwaho nemumwe munhu, kana mumwe Houdini, mamwe mano; asi vimbiso chaiyo yaMwari yakazarurwa uye ikaratidzwa pamberi pedu chaipo. Imhandoi yechidzitiro yachinenge chiri kumashure kwacho? Uye ku-kusunungura izvozvo...

¹³⁷ Munoona, zvakanga zvakakura kwazvo kusvikira vanhu vakati, vakati pavakaona Jehovah vadzika zasi muShongwe yeMoto iyi, vakatanga kuzunguza nyika, ne—nezvinhu zvaVakakaita, uye negomo richibvira moto. Zvino kunyangwe chero munhu akaedza kuenda kugomo iroro, aiparara. Zvakanga

zvakakura kwazvo kusvikira Mosesi akatya kundengendeka kwacho. Zvino, kana nguva iyoyo Vakangozunguza gomo, nguva ino Vachazunguza matenga nenyika.

¹³⁸ Totii Kubwinya kuno Uku? Kana kuya kwakafukidza nechidzitiro chepanyama, uku kwakanyanya...kwakafukidza nechidzitiro chepamweya. Saka usaedze kutarisa pane zvepanyama; pinda muMweya uone pauri, uone nguva yatiri kurarama mairi.

¹³⁹ Zvine musoro here kwamuri? Munoona, Chidzitiro chepamweya chiri pamusoro pevanhu, voti, “Ndiri muMethodisti. Ndakangonaka semunhu wese. Ndiri muBaptisti. Ndiri muPentekosti.” Hauzvione here, kuti chinhu ichocho chifukidzo chetsika? Chiri kuvanza Mwari kubva kwauri. Ndizvo zvinhu zvinokutadzisa kunakidza nevzose....

Oo, unoti, “Ndinodanidzira uye nokusvetuka-svetuka.”

¹⁴⁰ Akati, “Shoko Rose!” Evha akatenda Shoko rose kunze kwerimwe chete. Maona? IShoko raMwari rizere, vimbiso yenguva ino ichiratidzwa. Maona?

¹⁴¹ Cherechedzai zvino tichipfuirira mberi. Ndine zvizhinji pano zvekutaura pamusoro pazvo, asi ndine mapeji angangoita makumi maviri, asi zvi...e-ezvinyorwa, asi ini—ini handichangotauri nevzavvo zvose. Munoona, ndichakurumidza.

¹⁴² Akafukidza nechifukidzo chepanyama asati ataura Shoko kuvanhu. Zvino, Mwari vanofanira kuZvifukidza, sekuvimbisa kwaVakaita, vari munyama yemunhu. Mwari! Muri kuZvibata here? [Ungano inoti, “Ameni.”—Mupepeti] Mwari vanofanira kuZvifukidza munyama yemunhu, voisa chidzitiro chepamweya pamusoro pavo, (voti, “Saka, ndiri *izvi* uye ndiri *izvo*”), kuitira kuti vataure kuvanhu. Kana chidzitiro ichocho, chinova chidzitiro chetsika, chapamurwa, zvino...ndizvo zvavanoti, “Nhai, mazuva eminana akapfuura.”

¹⁴³ Mumwe muchinda akati kwandiri rimwe zuva, mu—muparidzi mudiki wechiBaptisti kunze uko, akauya kwandiri, Hama Green, zvino akati, “Hama Branham, hechino chinhu chimwe chete chandinopesana nemi.” Akati, “Muri kuedza kuita kuti vanhu...” Kwaiva zasi kuRamada Inn, patakava nemusangano zasi ikoko. Akati, “Muri kuedza kuita kuti vanhu vatende muzera rechiapostora, kurarama nhasi sezvavaiva muzera rechiapostora.” Akati, “Zera rechiapostora rakapera nevaapostora.”

Ndikati, “Rakadaro here?”

“Hongu.”

Ndakati, “Ndiani aiva mutauri muzera rechiapostora?”

Akati, “Vaapostora gumi nevaviri mukamuri yepamusoro.”

¹⁴⁴ Ndikati, "Saka Pauro aiva asimo." Ndakati, "Mutauri wacho aiva Petro. Zvino Petro akati, neZuva rePentekosti, pavakaona zvose izvi zvichiitika, uye Mweya Mutsvene uchishanda, akati, 'Vimbiso ndeyenu, nekuvana venyu, neavo vari kure, kunyangwe vazhinji avo Mwari wedu vachazodana.' Kana Vachiri kudana, saka Chinhu chimwe chete chiri pano. Saka zera rechiapostora rakaguma riinhi? Zera rechiapostora rinoguma kana Mwari vaguma kudana." Haana kana chinhu chaakataura asi akatora ngowani yake ndokufamba achienda.

¹⁴⁵ Zvinotora Shoko kuzviita. IShoko. Jesu akaudza Satani, "Zvakanyorwa." Maona? Ndizvozvo, "Zvakanyorwa."

¹⁴⁶ Ndakati, "Petro akati harimbofi rakaguma. Avo vose vakadanwa naIshe, Ropafadzo iri raiva ravo. Zvino munoti, 'Vakamira.' Riinhi?"

"Hapana chakaipa chaitwa?"

Ndakati, "Kwete, changamire, kana nepadiki zvapo. Pfuirirai mberi." Uh-huh. Ipapo chaipo. Maona?

¹⁴⁷ Petro akataura kuti zvakanga zviri zvemunhu wese Mwari wavaidana, aizogamuchira Ropafadzo rimwe chete rechiapostora. Ndiro—Ndiro Shoko raShe. Maona?

¹⁴⁸ Zvino chifukidzo chepanyama. Mwari, Shoko, vakafukidza munyama yemunhu. Chaiva chii? Mwari vakanga vakafukidza muna Mosesi. Mwari vaiva muna Mosesi, vakafukidza, uye Hupo hwaMwari hwakanga huri maari. Aiva akakwana kwazvo neShoko iroro riri maari saizvozvo, kusvikira akatofukidza chiso chake. Zvino aiva muporofita akasimbiswa akabhedhenura Shoko ndokuvaudza, "Haufaniri! Unofanira! Uye haufaniri!" Maona?

¹⁴⁹ Kuti vase Shoko raVo kuchizvarwa ichocco, VakaZvifukidza mumunhu, kana kuti Shoko ringadai rakapofomadza kunyangwe vakadanirwa kunze. Maona? Kunyangwe vanhu vaiva kunze uko, vakanga vasingafariri kuona izvozvo. Muna—muna Eksodho tinoona kuti, vakati, "Regai Mosesi ataure, kwete Mwari." Munona sei Shongwe yeMoto isingaoneke zvakanyanya? Maona?

¹⁵⁰ Mwari vakati, "Ndi—ndi—ndichazviita izvozvo. Ndichavamutsira Muporofita." Amen! "Ndichavamutsira mumwe." Zvino Akauya saizvozvo chaizvo. "Ndichamutsa, uye Achange aine, ari Shoko."

¹⁵¹ Vakati, "Kana vachida kuona zviri Shoko..." Vakati, "Zvino, Mosesi, ndakauya kwauri mhiri uko, mugwenzi raipfuta." Vakati, "Ndichadzika zasi ndopfutidza gomo iroro nemoto." Vakati, "Vachaona kuti wakataura chokwadi. Ndichauya pano ne—ne—nenzira imwe cheteyo yekupfuta. Ndichauya pano ndoratidza kuvanhu, Ndichasimbisa shumiro

yako." Ndizvo zvaVakaudza Mosesi pano, nemashoko mazhinji kwazvo.

¹⁵² Cherechedzai, Vakati, "Zvino ndiri ku—ndiri kuzokubwinyisa pamberi pevanhu." Vakati, "Zvino, wakavaudza kuti Ndakasangana newe kunze uko mugwenzi raipfuta; zvino Ndichadzika pasi, Moto mumwe chete, uye Ndichaita kuti vanhu vaone kuti hauna kumbobvira wakanyepa neZvazvo." Unogona kuZviratidza kuburikidza nesainzi, kunyangwe, kana uchida. Maona? "Ndichadzika zasi ipapo uye ndovazivisa."

¹⁵³ Zvino paVakatanga kutinhira, apo Jehovha pavakatanga kutinhira, vanhu vakati, "Kwete! Kwete! Kwete! Musatendera kuti Jehovha vataure; tino—tinofa."

¹⁵⁴ Munoona, Aitofanira kufukidza, saka Mwari vakazvifukidza pachaVo muna Mosesi vakapa Mosesi Shoko. Zvino Mosesi akadzika zasi akataura Shoko raJehovha, ari muchifukidzo chakavhara chiso chake. Ndizvo here? Jehovha vakafukidza vari muchimiro chemuporofita, nekuti zvirokwazvo zvingadai zvaka... Zvino Mwari vakati Vaisazotaura navo zvakare saizvozvo. Vaizotaura navo chete kubudikidza nemuporofita. Ndiyo nzira yoga yaVaizofa vakataura kubva ipapo zvichienda mberi. Ndiyo nzira yoga yaVakafa vakataura nayo. Ndizvozvo. Hapanazve imwe hayo nzira. HaVanyepi.

¹⁵⁵ Cherechedzai, Mosesi chete ndiye aiva neShoko. Zvino, pakanga pasina bo—boka rakadzika zasi, pakanga pasina vaFarisei chete, kana vaSadhuse, kana kuti rakanga risiri ri—rimwe bato kana rimwe dzinza. Akanga ari Mosesi! Vakatora munhu mumwe chete. Havakwanisi kutora pfungwa mbiri kana nhatu dzakasiyana. Vanotora munhu mumwe chete. Mosesi aiva neShoko, uye Mosesi oga. Kunyangwe Joshua akanga asinaRo. Hapana kana mumwe aiva naRo. Amen! Joshua aiva mu—mukuru wehondo; Joshua aiva mukuru wemauto; Joshua aiva mutendi, Mukristu. Asi Mosesi aiva muporofita! Shoko harigoni kuuya kuna Joshua; Rinotofanira kuuya kuna Mosesi. Ndiye aiva muporofita mukuru wenguva. Cherechedzai, Shoko harina kumbobvira rakauya kuna Joshua kusvikira Mosesi aenda. Kwete, changamire. Mwari vanoshanda nemumwe chete panguva imwe chete. Mwari mumwe chete. Maona? Zvino, Mosesi chete ndiye aiva neShoko, kwete boka.

¹⁵⁶ Tarisai, Mwari vakayambira chero vanhu vapi zvavo kuti vasaedze kutevera Mosesi muchidzitiro ichocco; vatevedzeri. Maona? Mudzimai, murume, muprisita, chero angave ani, aine humwari hwakaita sei, aine hunhu hwakaita sei, aine kuremekedzwa kwakadini, vangadai vakaita sei; Vakayambira, "Regai Mosesi auye ari oga! Uye kana chero munhu, kunyangwe mhuka, ikaribata, inofanira kuuraiwa pakare-ipapo." Usambofa

wakapinda seri kwechidzitiro ichocco. Chidzitiro ichocco ndeche munhu mumwe chete. Mharidzo iyoyo imwe chete. Maona? Mutemberi, murume mumwe chete aipinda kamwe pagore, akazodzwa nekugadzirirwa kupinda imomo; kwete kuburitsa Shoko, asi kupirisa ropa. Kutongofamba imomo pamberi paRo, mumwe bedzi. Chero mumwe munhu aifa. Maona?

¹⁵⁷ Vanofa pamweya zvino. Ichi chidzitiro chepamweya. Maona? Ichocco chaiva chidzitiro chepanyama. Ichi chidzitiro chepamweya. Maona? Vanoramba vachifamba vachienda kuseri ikoko, unotogona kuvaudza. “Oo, ndinoziva! Ndinoziviza izvozvo, asi ini...”

Ndakati, “Pfuurrai mberi, zvakanaka, zvinongotaura kuti...” Munorangarira, denda rekupedzisira muEgipita raiva rufu, eksodho isati yatanga. Denda rekupedzisira panyika rufu rwepamweya, eksodho isati yatanga. Zvino vachapiswa vodzoserwa kuva ivhu, uye vakarurama vachafamba pamusoro pemadota avo. Asi chinhu chekupedzisira rufu rwepamweya, kuramba Shoko.

¹⁵⁸ Zvino cherechedzai, Mwari vakayambira chero vanhu kuti vasaedze kutevera Mosesi muchidzitiro cheMoto. Mosesi aifanira kufukidzwa, aitofanira kubuda kunze kweimomo. Mosesi akapinda saMosesi, akaenda achinopinda muShongwe yeMoto iyi; zvino paakabuda achidzoka kunze, aiva akafukidzwa. Nekuti, akapinda mukati Imomo, kunze kwetsika dzake, tsika dzevakuru. Akanga *aona* Shongwe yeMoto, asi zvino anopinda muShongwe yeMoto. Maona? Amen! Zvino akabuda, akafukidzwa. Shoko raMwari riri mumunhu, rakafukidzwa! Heunoi achiuya achifamba kunze, oo, ini zvangu, ndiri kuzviona. Vakayambira mumwe munhu wese kuti asazviedze, hapana anogona kuZvitevedzera. Zviri nani kuti usazviita. Maona? Kunyangwe muprisita kana munhu mutsvene, chero angave ani, mukadhinari, mubhishopi, chero chimwe chinhu, chaiedza kunopinda muchidzitiro ichocco, chaifa. Mwari vakavayambira. Hativova nekutevedzera.

¹⁵⁹ Shoko raVo rinozarurirwa kumunhu mumwe chete. Zvakagara zvakadaro, kuti muporofita akauya neShoko raShe, muzera rimwe nerimwe, nguva dzose, zvichidzika nemuRugwaro. Shoko rinouya kune mumwe. Muzera rogaroga, zvimwe chete, kunyangwe mumazera echechi, kubva pane rekutanga chairo kusvika pane rekupedzisira. Vamwe vane nzvimbo dzavo, ndizvozvo, cherechedzai, asi garirai kure neShongwe yeMoto iyoyo. Maona? Chidzidzo chakadini chatadzidza pano! Munoono, munhu wese achida kuva Mosesi, uye munhu wose... .

¹⁶⁰ Munorangarira here zvakataurwa naDhatani nevamwe kunze uko? Vakati, “Zvino, Mosesi, chimbomira pano zvishoma!

Unozvitakudza mitoro yakawandisa uri woga, munooona. Zvino, pane vamwe varume pano vakadanwawo naMwari.”

¹⁶¹ Ichokwadi. Ivo, mumwe nemumwe, vaitevera zvakanaka chero bedzi vaienda vari pamwe, asi mumwe munhu paakaedza kusimuka achitora nzvimbo yaMwari yaVakanga vapa Mosesi, yakanga yakatemerwa nekugadzwa kubasa iroro, ndokuedza kuitora, moto wakadzika zasi ukavhura nyika ukavamedzera mukati imomo mayo. Maona? Maona? Ngwarirai. Maona? Chingova Mukristu waMwari akanaka, ane humhari, anotenda Shoko. Maona? Garirai kure neShongwe. Chidzidzo chakadini!

¹⁶² Mwari vakanga vauya kuna Mosesi kutanga vari mugwenzi raipfuta, Mwari vaiva vakafukidzwa muShongwe yeMoto. Zvino nyatsoteereresai zvino kwechinguvana. Mwari, pavakatanga kuuya kuna Mosesi, Vaiva vakafukidzwa. Mwari vaiva muShongwe yeMoto, vakavanzwa seri mugwenzi, munooona; sekuseri kwematehwe, munooona, kuseri pachigaro chetsitsi paartari. Maona? Vakanga vakafukidzwa. Vanogara vakafukidzwa. Zvino paVakauya kuna Mosesi, Vaiva muShongwe yeMoto, vakafukidzwa muShongwe yeMoto. Asi pano, pamberi pevanhu, Mwari vakamusimbisa neShongwe yeMoto imwe cheteyo. Maona? Mosesi akati . . .

¹⁶³ Zvino tarisai. Muri kuverenga here? [Ungano inoti, “Ameni.”—Mupepeti] Muri kuregedza pfungwa dzenyu dzichimbeya-mbeaya kunze here? Munokwanisa here? Munogona . . . “Uyo ane nzeve, ngaanzwe.” Maona?

¹⁶⁴ Mwari pavakazviratidza kuna Mosesi, maiva muShongwe yeMoto, paVakamudana kushumiro yake. Zvino Mosesi akauya akaudza vanhu nezvazvo. Havana kukwanisa kuzvitenda, kunyangwe akaita minana nezvinhu. Asi, nguva ino, Ivo vakauya zvinooneka, zvesainzi uye vakasimbisa shumiro yaMosesi kuva Mwari vamwe chete vakataura naye, nekuti Vakauya muchimiro cheShongwe yeMoto vakapfutidza gomo nemoto. Zvino Yakauya kuna Mosesi mugwenzi, ikataura naye. Zvakana.

¹⁶⁵ Kutanga kuzviratidza kwaMwari, kuna Mosesi, muchidzitiro, chegwenzi raipfuta. Pamberi pevanhu, Mwari vakafukidzwa zvakare uye vakasimbisa Mosesi, nechidzitiro, nekuZvifukidza neMoto mumwe chete, Shongwe yeMoto imwe chete yakadzika pasi. Kubva—kubva ipapo . . . Kubva kwavari, kuitira kuti vanzwe Shoko raMwari roga. Mazvibata here? Shoko chete, vakanzwa Izwi raVo. Nekuti, Mosesi aiva, kwavari, Shoko rinorarama. Mosesi! Munoona, Mwari vakange vanyatsoratidza Shoko iroro kuburikidza naMosesi! Munoona, Moses akati . . . Mwari vakati kuna Mosesi, “Enda zasi ikoko. Ndichange ndiinewe. Vari . . . Hapano chimwe chinhu chichamira pamberi pakos. NDIRI WANDIRI.”

¹⁶⁶ Mosesi akadzika zasi, zvino akati, “Munogona kusatenda izvi, zvichida, asi Mwari vakauya kwandiri muShongwe yeMoto Vakandiudza zvinhu izvi.”

¹⁶⁷ “Oo, tine mhando dzose dzezvinhu izvo sezviri kuitika.” Farao akati, “Nhai!” Mufundisi Farao vakati, “Saka, une manomano akareruka evemasaramusi. Nhai, ndine vanoita masaramusi pano vanogona kushandurawo nyoka kuva... chimuti—chimuti kuva nyoka. Huyai pano, imi vemasaramusi.” Zvino vakauya ipapo vakaita chinhu chimwe chete.

¹⁶⁸ Mosesi akaziva. Hapana kana chinhu chakamunetsa. Kuti vakanga vase vatevedzeri vakawanda sei, hazvina kana mutsauko mudiki wazvakaita. Mosesi akangoramba akamira. Chekutanga munoziva, dzakakambaira dzichitenderera kwechinguva, zvino, ipapo chaipo, nyoka yaMosesi yakangodya dzimwe dzose. Maona? Sei? Sevaapostora vaya, havana kukwanisa kuZvitsanangura. Mosesi akanga asingazivi kuti Mwari vaizozviita sei, asi Vaizozviita.

¹⁶⁹ Rangarirai, Vakati Jambure naJane vachadzoka mumazuva ekupedzisira, munoona, zvokutevedzera. “Uye vachanyengera Vasanagurwa kana zvaikwanisika,” Mateo 24:24. Maona? Chaizvoizvo zvinhu zvimwe chete, vachiita mhando imwe chete yeminana nezvose. Tarisai Shoko iroro! Tarisai Shoko iroro! Munhu anoti anoita munana zvino oramba achida kutenda kuti kuna vanaMwari vatatu, uye kune mhando yeizvi zvose; ibva pane mhando yakadaro. Tinoziva kuti zva—zvakatsveyama, munoona, hakuna chinhu chakadaro. Maona? Shoko, Shoko roga-roga, Shoko roga-roga rinobuda mumuromo maMwari! Genesi, Shoko rimwe chete! Neche pano, rinoti, “Usabvise kana kuwedzera shoko rimwe.” Munoona, Rinofanira kuva riri Shoko rimwe chete iroro. Maona?

¹⁷⁰ Cherechedzai, vanhu vakaona chimwe chinhu chakange chaitika. Mosesi akanga akafukidza se... Aiva muporofita, uye Mwari vakanga vasimbisa Shoko raVo zvino, ndokuenda zasi ikoko. Zvino akaona zviratidzo nezvishamiso. Uye zvakare, zvakanaka, vanhu ava vakazvipatsanurira kwavari, chechi. Munoona, *chechi* zvinoreva “vakadanirwa kunze.” Maona? Mushure mekunge vadanza kubva munyika vakava vanhu, munoona, saka Mwari vakaita kuti Vazivikanwe kuti Vaiva Shongwe yeMoto iyoyo. Vakaratidza mharidzo yaMosesi. Maona? Ndivo vaiva Shongwe yeMoto. Vanogona kunge vakatora mufananidzo waYo, ndinofungidzira, dai vaiva nemakamera, nekuti rose raipfuta Moto. Asi vaka—vakazviratidza, Mwari vachiratidza kuti Mharidzo yaiva yechokwadi. Mharidzo yakanga yave kusvika, zvose zvaiva zvadaro, vakange vachizobuditswa zvino. Vakafukidza muporofita waVo kuvanhу ava veeksodho.

¹⁷¹ Vanhu, ndokufunga, vakaona chimwe chinhu chainge chaitika kwaari. Akanga zvino asiyana nevamwe valsraeri vose. Akanga asiyana, mharidzo yake yakanga yakasiyana, akanga akasiyana nevaprisita, akanga akasiyana nechero chinhu chipi zvacho. Munoono, akanga ari munhu akasiyana. Vanhu vakaona kuti chimwe chinhu chaive chaitika. Mwari vakanga vaZvifukidza mumuporofita waVo, kuti vataure Mashoko aVo kwavari. Ndizvo zvaVakanga vaita. Mosesi aiva Shoko iroro rinorarama kuvanhu, akafukidzwa neShongwe yeMoto, achitaura pamusoro pezvakanga zvichazofukidza munguva inotevera seri kwematehwe ematenhe. Maona?

¹⁷² Shoko raifanirwa kuuya kuna Mosesi, kutanga. Maona? Mosesi aiva neShoko. Akange akanyorwa naMwari, hapana aigona kuAdudzira, Mosesi aitofanira kuAdudzira, kutanga. Ndicho chikonzero akafukidza chiso chake, nekuti iye... Muri kuZviona here? [Ungano inoti, "Ameni."—Mupepeti] Maona?

Herinoi iRi. [Hama Branham vanosimudza Bhaibheri ravo—Mupepeti] Tinogona kuRisimudza, toRitakura, nezvimwe zvose ipapo, asi Rinofanira kuti rizarurwe. Kuitira kuti azarure, Mosesi aifanira kuva Mwari kuvanhu.

Unoti, "Hazvina maturo."

¹⁷³ Handiti, Vakaudza, kunyangwe kutoudza Mosesi, pachaVo, "Uchava Mwari, uye Aroni achava muporofita wako!...?" Maona? Saka hevanoi Vachiuya, munoono, VakatozoZvifukidza, nekuti Mwari vanogara vari seri kwechifukidzo. Oo, ini zvangu! Munozviona here? [Ungano inoti, "Ameni."—Mupepeti] Mwari vakavanzwa kubva kune veruzhinji.

¹⁷⁴ Akati, "Baba, NdinoKutendai, MakaZvivanza kubva kune vachenjeri nevakangwara, mukaZvizarurira kuvacheche, kune avo vanoda kudzidza." Maona?

¹⁷⁵ Mwari vakavanda seri kwechidzitiro. Mosesi akafukidza chiso chake. Mosesi akanga ari Shoko rinorarama rakafukidza ipapo. Vanhu vakaona Shongwe yeMoto iyoyo, vakati, "Zvino tagutsikana." Maona? "Regai Mosesi ataire." Maona? "Musatendere kuti Mwari vataure, pada tingazofe." Mosesi akafamba achipinda imomo muShongwe yeMoto. Munoono?

¹⁷⁶ Vakati zvino, Vakati, "Zvino Ini-Ini handichatauri navo zvakare saizvozvi. Ndichavapa muporofita." Maona? Zvino ndiyo nzira yaVakagara vachizviita nayo. Maona? Vakati, "Zvino ngavakwire kumusoro." Asi muporofita uyu anofanira kuva neShoko iri. Kana akafukidza netsika, Mwari havana kumbobvira vakamutuma. Kana akafukidza neShoko, Mwari vanoRisimbisa. Mwari vanodudzira Shoko raVo Voga. Mosesi akaAtaura; Mwari vakaAdudzira. Ameni.

¹⁷⁷ Mosesi akati, "Ishe vakataura kudaro!" Uye Ishe vakaita chaizvo sezvaVakataura. ZvakaZviita chokwadi.

¹⁷⁸ Zvino Vakati, “Zvino, Mosesi, unonzwisia. Vanhu vanonzwisia zvino. Unoona, Ndakuratidza, Ndakusimbisa.” Mwari vakanga vaZvifukidza mumuporofita uyu, kuti vataure Shoko raVo kuvanhu. Mosesi aiva Mwari vanorarama kwavari, Shoko raMwari rinorarama rakaratidzwa. Ndicho chikonzero chiso chake chakafukidzwa. Maona?

¹⁷⁹ Zvino munoziva here kuti chinhu chimwe chetecho muMukristu wechokwadi akafukidzwa nhasi, kune vasingatengi? Vanoona madzimai iwayo vaine bvudzi rakareba nezvinhu, voti zvaka... “Honai chinhu chechinyakare.” Vakadzi vanomonera bvudzi ravo kumashure, voti, “Vane vhiri rakaponja, vhiri resipeya kumusoro uko.” Munoono, Zvakafukidzwa zvose. Ivo mapofu. “Oo,” vanoti, “ndine Ph.D, L...” Handina basa kuti unei, uchiri uyo asingazivi nezveShoko. Chaizvo-chaizvo. “Oo, izvozvo, zvinongova chimwe chinhu chidiki. Ini...” Tanga watora zvidzidzo zvidiki.

¹⁸⁰ Ko vanhu vanotaura kuti vakafukidzwa muHupo hwaMwari, asi vachiparidza dzimwe tsika dzechechi? Oo, nhai vedu, zvangu kani! Vanowedzera nekubvisa, nezvimwe zvose, nekuisa zvidzidzo zvavo ivo nepfungwa dzavo, uye risiri Shoko raMwari, munonna, imhandoi yechidzitiro? Vane chidzitiro chechechi. Mwari vakabvarura chidzitiro ichocco chikazaruka zvizere!

¹⁸¹ Vakati, “Hakuna chinhu chakadaro sevaporofita. Hakuna chinhu chakadaro, mumazuva ano ekupedzisira, sevaapostora nevaporofita. Hakuna chinhu chakadaro sekupodza kwaMwari. Hakuna chinhu chakadaro sevaoni, zvachose. Hakuna chinhu chakadaro seMarko 16 ichizadziswa. Zera revaapostora rakapera.” VakaZvifukidza kubva kuvanhu. Asi Mwari vakafamba vachibuda ipapo neMweya waVo Mutsvene weMoto, vakabvarura chinhu ichocco kubva kumusoro kusvika kuza-... [Chibenga chisina chinhu patepi—Mupepeti] Mwari vakabvarura chidzitiro.

¹⁸² Mosesi akanga ari chidzitiro, Shoko raMwari rinorarama rakafukidzwa seri kwenyama yemunhu. Shongwe yeMoto yaiva muna Mosesi, zvirokwazvo, ichitaura izvo zvaizofukidzwa gare-gare seri kwematehwe, munonna.

¹⁸³ Zvino, nokuti, Shoko, Shoko rakaunzwa, ipapo Ranyorwa, ndokubva Razoiswa kuseri uye richakafukidzwa, nekuti Mwari vaigara vari muShoko iroro. Amen! Ndivo Shoko, nguva dzose. Vakanga vari muShoko iroro. Ndicho chikonzero Shoko iroro raifanira kufukidzwa.

¹⁸⁴ Oo, hama, hanzvadzi, muri kuZvibata here? [Ungano inoti, “Ameni.”—Mupepeti] Tarisai! Hamusi kuona here? Rakanga rakafukidzwa kudarika nemumazera aya, maererano nezvakataurwa naMwari, uye Richazarurwa mumazuva ekupedzisira, Zvisimbiso Zvinomwe zviya zvinozozarurwa,

uye Chinhu chakazara chaizoonekwa pamberi pevanhu, izvo zvakaitika nguva yose iyi. Nguva yeMharidzo yemutumwa wechinomwe, zvakavanzika zvose zvaMwari zvinofanira kuziviswa muna Eria iyeye, nguva ino yekupedzisira; kuti Kristu anoburitswa kunze kubva muChechi yaKe, Mwanakomana waMwari; kuti Ari kuzarurwa seMwanakomana wemunhu zvakare; kuti Chechi iri kuzoiswa muhurongwa sei, nezvose kuitira zuva rekupedzisira, pasina chitendwa, pasina sangano, richingova Shoko chete-chete richirarama mune dungamunhu. “Ndichatora mumwe, ndosiya mumwe. Ndichatora *uyu*, ndosiya *uyo*.” Maona? Panongova... Hapana tutambo, hapana masangano, hapana zvinosunga kana zvimwewo; moyo pamwe naMwari, uye Ivo voga. Maona?

¹⁸⁵ Cherechedzai, kufukidzwa munyama yemunhu. Mosesi neShoko iroro, achitaura izvo gare-gare zvaizoisa seri kwematehwe ematenhe. Kuitira kuti... Naizvozvovo Kristu ndiMosesi wedu. Kristu ndiMosesi wedu. Aiva Mwari vakafukidzwa munyama yemunhu, vakafukidzwa muvanhu, munyama. Ndizvozvo chaizvo. Uye ndiye mumwe chete zuro, nhasi, nokusingaperi. Vakanga vakafukidzwa nematehwe ematenhe. Vakanga vakafukidzwa. Zvino nguva iyi Vakanga vakafukidzwa muMunhu. Maona? Zvino cherechedzai, “mumwe chete zuro, nhasi, nekusingaperi,” vakavimbisa Shoko raVo kuzera *rino*. Achiri Kristu, Shoko rakavimbisa kuzera rino, rakafukidzwa munyama yemunhu. Shoko ndiMwari.

¹⁸⁶ Chizoro munhu. Izwi rekuti *Kristu* rinoureka kuti “muzodziwa,” munoona, “muzodziwa.” Kumashure, Mosesi aiva Kristu mumazuva ake, aiva muzodziwa. Jeremia aiva Kristu mumazuva ake, aine chikamu cheShoko rezuba iroro.

¹⁸⁷ Asi Jesu paakauya, Akauya seMudzinkinuri Uyo Akazodzwa; uye zvakanga zviri zvose Mosesi nevose vaiva muna Mosesi, neShoko rose, neHumwari hwose mumutumbi hwaiva maAri. Ndicho chikonzero chidzitiro chose chetemberi chakapamuka, uye chigaro chetsitsi chakange chave kuonekwa pachena zvizere, Aiva Muzodziwa wacho.

¹⁸⁸ Cherechedzai zvino, chidzitiro munyama yemunhu, Shoko rakavimbisa kuzera rino rinofanira zvakare kufukidzwa. Cherechedzai. Nhengo dzechechi dzinofarira chivi uye nevatadzi havagoni kuRiona nekuda kwechidzitiro chemunhu.

¹⁸⁹ Ndicho chikonzero vasina kukwanisa kuMuona. “Nhai, Iye munhu. Ko Akabva kupi? Ko aine kadhi ripi reruwadzano? Ko Anobva kuchechi ipiko?” Ndinoda kutaura pamusoro pazvo manheru anhasi, “Ko Anobva kuchechi ipiko?” Maona? Uye saka, munoona, zvino, “Ko Anobva kuchechi ipiko, boka ripi—ripi? Ko Aiva nechikoro chipi? Dzidzo yaKe Akaiwanira kupi? Saka, Murume uye akaberekwa, maererano netsika, kana kuti maererano nenho—nhoroondo yaKe munharaunda

muno, Murume uyu akaberekerwa kunze kwemuchato. Handiti, Iye, chokwadi, Ndewadhiyabhore. Munoona, Nde—Ndewadhiyabhore. Akaberekerwa kunze kwemuchato, uye Josefa akangomuroora kuti asatakwe nemabwe, nekuti aiva chipfeve. Zvino Murume iyeye akauya pano kuzotiuenda isu vaprisita zvekuita?”

¹⁹⁰ Zvino havo Mwari vaive vakamira ipapo, vachizarura Shoko iroro, vachichema, “Mwari waNgu, ko MaNdisiireiko?” Nziyo idzodzo dzavaiimba mutemberi, dzavakagadzirirwa naDhavhidhi makore ainge akapfuura, dziine chekuita naKristu. “Mapfupa aNgu ose anoNditarisa. Vakabvoora maoko aNgu netsoka dzaNgu.” Zvino hevanoi vakamira ipapo, vachiimba izvozvo, asi Munhu wacho chaiye achifa pamuchinjikwa. Zvino pavakapedza uye...

¹⁹¹ PaAkafa, Mwari veKudenga vakadzika zasi, sezvaVakaita paGomo reSinai, neMoto Mutsvene, vakapisa chidzitiro chetemberi kubva kumusoro kusvika zasi, vakachibvarura nepakati. Zvino vaigona kuita sei? Kutarisa apo chaipo kunze kwehwindo retemberi, paKarivhari, zvino heunoi Mwari vari kuonekwa pachena, Chipiriso.

¹⁹² Asi havaZvioni nazvino, nhasi uno. Mwari muzuva rino rekupedzisira vakapamurira tsika idzodzo kure, vakaunza Shoko rezera rino rakaiswa pachena chaipo, uye ivo zvakadaro havaRizive. HavatomboRizive. Zva—zvakanyanya kuva zvinyoro kwazvo. Munoona, zvakangonyanya kuva zvinyoro kwazvo. Zvakanyanya kuva kure nezvinhu zvenyika.

¹⁹³ Ndakaparidza rimwe zuva pane imwe ungaro, nezve, “Kuva mupengo.” Rimwe remazuva ano ndinoda kutaura nezvazvo, “Kuva mupengo.” Tose tiri mupengo kune mumwe munhu, saka—saka ndichava mumwe kuna Kristu. Pauro akati iye “akanzi ibenzi.” Chokwadi, unofanira kudaro. Munoona, zvinotora nati kusunganidza zvinhu pamwe chete. Munoona? Ndizvozvo.

¹⁹⁴ Saka cherechedzai chidzitiro, nyama yemunhu. Kwete, zvino, vanhu vanoda chivi havagoni kuzviona. Vanhu vetsika vezvinamato, havana kuwanisa kuzviona, nekuti Aiva munhu. Sei? Nyama iyoyo yemunhu yakavanza Mwari.

¹⁹⁵ Zvino, kana Vaiva Shongwe yeMoto huru yakadzika pasi, munoono, Shongwe yeMoto huru yakanga yadzika pasi ikavaratidza izvo zvaVaiva, kuti Vaiva Shongwe yeMoto huru iyi, vangadai vakazvitenda; kana dai Jehovha vakaenda vachitenderera.

Asi munoono zvaVakaita, kuitira kuti Vagovadarika vose vanhu ivavo vakangwara, vane huchenjeri, VakangoZvizarura sezvaVakavimbisa Mosesi, munoono, “Ndichataura navo kuburikidza neMuporofita.” Zvino Aiva Mwanakomana wemunhu, Muporofita. Zvino vamwe vavo vakaZviziva, vangaite

kachikamu kadiki-diki kubva mune chikamu chimwe kubva muzana vari munyika, vakaZvitenda; vamwe vavo vose havana. Asi, Vaive, vangori zvimwe chete.

¹⁹⁶ Asi hevanoi Mwari Samasimba vakamira vachinyatsoonekwa pachena zvizere, Chigaro chetsitsi! Vakafa apo vana vaKe pachaKe vachiti...vana vaKe pachaKe ipapo, vachiti, "HatiMudi! Kure naYe!" VakaMusvipira.

¹⁹⁷ Mufananidzo, kare-kare, apo Dhavhidhi akanga achibuda mutemberi, ari mambo ainge arambwa. Akadzika zasi nemumugwagwa, zvino mumwe muchinda mudiki wakare, akaremara aikambaira achiuya, haana kumbobvira akamuda, akamudana kuti "munyengeri wakare" kana chimwe chinhu, akamusvipira kumeso kwake chaiko. Zvino murindi akazvomora munondo, akati, "Ndingatendera here kuti musoro wembwa iyo ugare pairi; uye achisvipira mambo wangu?"

¹⁹⁸ Dhavhidhi akati, "Musiye akadaro, Mwari vamuudza izvozvo." Dhavhidhi pamwe akanga asingazine zvaakanga ataura. Akwira pamusoro pegomo, achitarisa kumashure, achichema.

¹⁹⁹ Makore mazana masere kubva ipapo, Mwanakomana waDhavhidhi aikwira gomo rimwe chete, akatarisa kunze, achichemera Jerusarema, Mambo akarambwu. Uye vakasvipira kumeso kwaKe.

²⁰⁰ Hamuoni here? Chinhu chimwe chete. Honai Shoko iroro richidzika zasi, richitevera zasi nhasi uno? Nguva dzose richirambwa neruzhinji, munoona, uye richitendwa nevashoma.

²⁰¹ Zvino, munoona, vakatadza kuRitenda. MaGiriki iwayo, vakatadza kuMuona, Aiva mutemberi yaKe yemunhu. "Handiti," vakati, "zita remurume uyu ndiJesu; Anobva kuNazarea."

²⁰² Zvino, vaiva nezita rimwe chete ikoko mumazuva iwayo. Sekuti, "John, Jim," vanoti, "John wekuJeffersonville, Jim wekuNew Albany," kana zvimwe zvakada kudaro, munoona.

²⁰³ Akati, "Uyu ndiJesu weNazarea. Zvinonyanyotendwa kuti amai vaKe vakapihwa pamuviri nemusoja." Maona? Uye izvozvo ndizvo chaizvo zvavaitenda. Chokwadi! Uye vachitaura vakati, zvino, "Zvino uyu ndiJesu weNazarea." Muri kuona? "Iye Ndiyaniko?" Munoona, havana kukwanisa kuZvinzwisia.

²⁰⁴ Asi, handiti, Shoko iri rezuba iroro, paAiparidza, akati, "Nzverai Magwaro. Imo maAri munofunga kuti mune Hupenyu Husingaperi, uye Anopupura kuti Ndiri Ani. Kana mukatadza kuNditenda; Ndikanganwei, sechidzitiro, tendai Shoko riri kuuya. Vaviri chapupu," Akati, "Ndinotaura uye Baba vanotaura vakaNdimirira." Ameni. Ndizvozvo chaizvo.

²⁰⁵ Ndinotaura Shoko rezuba rino, zvino Baba vanoRisimbisa. Zvino chappu kwamuri here? [Ungano inoti, “Ameni.”—Mupepeti] Chitori, munoona. Ndiwo mazadzikisirwo acho.

²⁰⁶ Cherechedzai muna VaKorinde Vechipiri zvino, mu... muna VaKorinde Vechipiri, chitsauko 3, ndima 6, temberi yakare yakachengeta Mwari seri kwematehwe akare, kubva kumaJudha. Chidzitiro chakare pachakapamurwa, zvakadaro maJudha...vaive vakapofomara kuti Iye aiva Ani, uye kuti Ndiye Ani nazvino. Uye zvadaro Pentekosti yakazarura kuti Mwari vechokwadi uye vanorarama vakanga vari Ani, pakacheckwa chidzitiro ichocco kuita zvikamu zviviri, naMwari, kubva kumusoro. Sei chidzitiro ichocco chakadaro? Sei chakazviita?

²⁰⁷ Sei kwakauya Mharidzo yakadaro nhasi kuti iite Zvayakaita? Sei Yakauya? Sei?

²⁰⁸ Pakanga paine mumwe munhu anga ari kuzondifonera, rimwe zuva pano kasiri kare, aida nhaurirano neni pamusoro pe—pezera rechechi, kuti, “Mwari vaiva muchechi yaVo tsvene,” nezvinhu zvakadaro. Zvino ndakaona kuti aiva mumwe muparidzi wechidzimai, zvino ndakangokanganwa nezvazvo. Munoona, dai aiva ari mumwewo murume zvaizova zvakanaka, zvingadai zvakasiyana. Asi, saka, asi zvinobatsirei kuenda mhiri kune imwe nyika uko, apo ndichifanira kusiya musangano pano kuti ndizviite, maona? Saka ndakangovasiya vakadaro. Bofu rinotungamirira mapofu, vose va—vanowira mugoronga.

²⁰⁹ Saka, saka zvino muzera rino, apo chidzitiro chakare chemasangano netsika chakapamurwa, kubva paShoko raMwari, kuitira kuti Riratidzwe! Munoona zvandinoreva? Tsika dzinoti, “Zvinhu zvose izvozvo zvakapfuura.” NgaZvinyatsosinina zvishoma. “Zvinhu zvacho zvakapfuura.” Asi, muzuva rino rekupedzisira, chidzitiro ichocco chetsika chakabvarurwa nepakati, uye heinoi Shongwe yeMoto yakamira. Maona? Heunoi Ari pano, achiratidza Shoko rezuba rino. Chidzitiro chakapamurwa.

Zvino, nyika, zvakadaro haiRitendi. Kunyangwe zvikadii, HavaRione. HavaRione. Harina kutumirwa kwavari.

²¹⁰ Rangarirai, Mwanakomana waMwari haana kuzarurwa kuSodhoma; nhume mbiri dzakazarurwa. Ndizvozvo chaizvo.

²¹¹ Asi, ava, Mwari pachaVo munyama yemunhu vakazarurwa kuna Abrahama, Musanangurwa. Zvino tarisai zvaVakaita kuti vazvizarure pachaVo. Uye zvino Abrahama akaziva, paVakaziva zvaiva mupfungwa dzaSara ari seri kwaVo, akati, akaVadana kuti, “Erohimu! Muranda wenyu...”

²¹² Cherechedzai zvino, kuitira kuti zvigoratidzwa. Shoko raiva riine chidzitiro pamusoro paRo makore ose aya, kuvanhу, “Hazvgoni kuitwa.”

²¹³ Munorangarira here mharidzo yandakaparidza mangwanani aya pandakasiya pano kekutanga, pamusoro paGoriati naDhavidhi? Ndakati, “Tarisai mupikisi kunze uko, ari kutaura kuti ‘mazuva eminana akapfuura.’”

Tarisai matepi iwayo achidzika, tarisai rimwe nerimwe, kuti Rakauya richiwedzera kujeka uye richijeka; kana muine nzeve dzekunzwa, munoono, maziso ekuona.

Chii? Ndakati, “Hapo pamire nyika huru yechinamato kunze uko, ichiti muzera rino resainzi, kuti hazvigone kuitwa.” Asi ndakati, “Mwari...” MuChiedza ichocco, Chisati chambotorwa mufananidzo, asi kamwe; hachina kumbobvira chakatorwa mufananidzo kumashure. Kwaiva zasi kurwizi uko; havana kumbotora mufananidzo waCho. Maona? Ndakati, “Vakandiudza kuti zvichazoitwa; Vaizodana uye zvaizotsvaira nyika dzose.”

²¹⁴ Uye kunyangwe kuna Chiremba Davis, vakati, “Iwe, uine chikoro chepuraimari, wakangopfuura nemugiredhi rechinomwe, uchanamatira madzimambo nemadzishe, uye uchatanga rumutsiriro rwuchatsvaira nyika?”

Ndikati, “Ndizvo zvaVakataura.”

²¹⁵ Uye zvakatoitwa. Maona? Munoono, zvakatoitwa. Ndicho chinhu chacho, kuti, haVadi dudziro. Vakatozviita. Munoono, Vakatozviita kare, zvinozvidudzira pachazvo, munoono, vachidana Vasangangurwa vaVo, munoono, kubva—kubva zumararamiro ose akasiyana-siyana ehupenyu. Zvino zvaratidzwa.

²¹⁶ Ndakati Dhavidhi akamira kunze uko, muchinda mudiki, kwazvo, akakokonyara nemusana wake wakakombamira, chimvii chiri muruoko rwake. Uye, handiti, Sauro akamutarisa, mukuru webato revashumiri, akati, “Nhai, iwe, hauna kana kumbodzidziswa!” Akati, “Rega ndione kuti handingagona here kukupa Ph.D. kana zvime.” Mupfekedzei nhumbi dzekurwa nadzo idzi, iyo...Akazviona kuti dzakanga dzisingakwani pamunhu waMwari.

²¹⁷ Akati, “Bvisai chinhu ichi pandiri.” Akati, “Hapana chinhu chandinoziva nezvadzo.” Akati, “Ndiregei ndiende nenzira yandinoziva, yandakarwisa shumba nayo, yandakarwisa chitsere nayo.” Aiva akaita semunhu wemumasango. Akati, “Ndiregei ndiende ndakadai.”

²¹⁸ Zvino Goriati uyu wakare akati, “Munotumira imbwa here kuti iuye kuzondirwisa?” Akati, “Ndichakunhonga nekwakagumira pfumo rangu ndigoreembedza mutumbi wako pamusoro apo uye ndoregedza shiri dziudye.”

²¹⁹ Dhavidhi akati, “Unosangana neni semuFirstia, nenhumbi dzokurwa nadzo nepfumo, zvino ndichasangana newe muZita raJehovha Mwari weIsraeri.” Tarisai muporofita, Dhavidhi,

akati, "Nhasi ndichadimbura musoro wako kubva pabendekete rako." Ameni! Oo, ini zvangu! Aiziva zvaava nazvo, Uyo waakange atenda, uye akanga akagutsikana zvizere kuti Aikwanisa kuchengetedza izvo zvaakakumikidza kwaVari. Maona? Saka zvakaitika zvakadaro.

²²⁰ Chitaurwa chakare, "Mazuva eminana akapfuura," madziro akaputsirwa pasi! Jehovha vachakamira panooneka pachena zvizere, vachiratidza Shoko raVo, Avo vakaiswa pachena. Ndizvozvo chaizvo. Cherechedzai.

²²¹ Chechi yeMarudzi zvakare yakanga yakapofomara zvokubva pachidzitiro, mushure mekunge chabvarurwa ndokuratidza Mwari, chidzitiro chechinamato. Sei? Nekufukidza Shoko mumunhu zvakare. Ndizvo chaizvo Israeri yakatadza kuona. Dai yanga iri imwe Ngirozi kana chimwe chinhu, Israeri ingadai yakaRitenda. Asi nekuda kwekuti yaisava Ngirozi, aitofanira kuva ari munhu. Ameni!

Mwari havakwanise kutyora Shoko raVo. Mumazuva ekupedzisira zvinofanira kuva chinhu chimwe chete zvakare. Maona? Chii chakapofomadza Israeri? Murume Iyeye. "Uri Munhu ari kuZviita Mwari." Ndizvo zvavakaMuuraira, uye, nhasi, nekuti Mharidzo yauya kuburikidza nemunhu uye kwete neNgirozi. Maona? Mwari havagoni kushandura nzira yaVo, kushandura Shoko raVo. Vakati haVashanduki. Maona? Cherechedzai, ndokuvimbisa! Zvino Marudzi akangopofomara nhasi sezvakanga zviri Israeri, nemhaka (yei?) yechidzitiro. Mwari vakafukidzwa mumunhu, zvakapofomadza Israeri.

Cherechedzai, zvakambopofomadza mumwe. Mumwe, Richamupofomadza; mumwe wacho, Richazarura Zvokwadi. Richavhara meso evamwe, uye rigovhura meso evamwe.

²²² Tarisai, Jesu akamira akati, "Saka, zita rako ndi—ndi—ndiSimoni, uye zita rababa vako raiva Jonasi."

Akati, "Ishe Mwari!" Maona? Firipi . . .

Akati, "Ko Maziva sei?"

Akati, "Tarisai muIsraeri, maari hamuna nduru!"

Zvino akati, "Rabhi, Makandiziva riinhi?"

²²³ Akati, "Firipi asati akudana, pawakanga uri pasi pemuti, Ndakakuona."

²²⁴ Akati, "Rabhi, Muri Mwanakomana waMwari. Muri Mambo weIsraeri."

²²⁵ Saka, hepanoi pamire avo vaya apo, vakati, "NdiBherizebhbabhu." Maona? Chii chaRakaita? Rakavhura meso emumwe, ndokupofomadza mumwe. Ko vaprisita vakati kudini? "Nhai, Muchinda iyeye ndiBherizebhbabhu!"

²²⁶ Mudzimai mudiki akati, "Ndinoziva kuti Mesia ari kuuya, anonzi Muzodziwa. Munoonaa, Muzodziwa achauya. Hatina

kumbova nevaporofita...Unofanira kunge uri muporofita. Asi Muzodziwa achauya. Tiri kuMutarisira. Ano mazuva ekupedzisira kune Marudzi...kana kuti kumaJudha." Akati, "Rino ndiro zuva rekupedzisira." Munoono, vose muSamaria nemuJudha vaitarisira Mesia. Maona? Akati, "Ino ndiyo nguva yekuti Aonekwe. Tinoziva kuti, paAnouya, Achaita zvinhu izvi. Achatiudza zvinhu izvi."

Jesu akati, "Ndini Iye."

Meso ake akazaruka, vaprisita vaiva vakapofomadzwa.

²²⁷ Ndizvo zvinoita Vhangeri nguva dzose. Rinovhura meso evamwe, rozarura Zvokwadi kune vamwe, apo Richipofomadza vamwe; rine chirevo chakapetwa kaviri. Vamwe vanogona kutora Mwanakomana iyeye uye votarisa maRiri chaimo, votopofomara; vamwe vanogona kuRitora vofamba vachibuda kunze naRo, ndiwo musiyano.

²²⁸ Sezvazvakaitwa muzera roga-roga, Mwari vakafukidzwa munyama yemunhu. Cherechedzai, Vakazviita. Vaporofita vaiva Mwari, akafukidzwa. Vaiva Shoko raMwari (ndizvozvo here?) rakafukidzwa munyama yemunhu. Saka, havana kucherechedza Mosesi wedu kana, munoona, Jesu.

²²⁹ Cherechedzai chaive chakavanzwa seri kwematehwe ekare ematenhe mutemberi yakare, raiva neShoko, raiva Shoko rakaratidzwa pahwendef a yemabwe.

²³⁰ Zvino, ndichaedza kuzobva mumaminitsi angaita makumi maviri zvino, kana ndichikwanisa, kuzviita pana half past eleven. Cherechedzai, kana mukacherechedza, ndavhura mamwe mapeji pano, munoona, kuti ndisaramba...kuita kuti ndisadimura...kuiita kuti inyanye kurebesa. Ndinoziva kuti muri kutsva, maneta.

²³¹ Seri kwetemberi yakare, muchidzitiro, chii chaiva seri kumashure ikoko? Chii chaiva Jehovha? Chii chaiva chakavanzwa seri ikoko? Ko chidzitiro chaive chakavanzei? Oo, hareruya! Chidzitiro chaive chakavanzei? Chaive chakavanza Shoko. Chidzitiro, matehwe ematenhe akare, aiva akavanzwa, akavanza Shoko kumeso avo, epanyama. Seri imomo, zvakare, maiva nechingwa chokuratidza. Seri imomo, zvakare, maiva neKubwinya kweShekina. Asi zvose Zvakanga zvakavanzwa kwavari. Zvose zvakanga zvakavanzwa. Kubwinya kwose kwaMwari kwaiva seri chaiko kwematehwe ematenhe ekare iwayo, ndizvozvo, zvose zvakavanzwa kuziso repanyama.

²³² Zvakadaro nhasi uno, zvakare. Zvinonzi "boka revaumburuki vatsvene, vapengerek," asi havazivi zvakavanzwa seri ikoko. Ndizvo zvavasingazivi. Maona?

²³³ Zvino apo Mwari, mutsitsi, vakabvarura chidzitiro kuti ivo vaone, vakanga vakaputirwa kwazvo mutsika dzavo ivo...

zvakanga zvichakavanzwa kwavari, kunyangwe kusvikira pazuva rino.

²³⁴ Zvimwe chete nhasi! Kubwinya, Simba reMweya Mutsvene, Kubwinya kweShekina kunouya pamusoro pemutendi, zvino ndinoreva mutendi wechokwadi, zvinoita kuti mabasa aMwari pamwe nekutenda kupinde maari, kuti atende Shoko raMwari, zvose izvozvo zvakavanzwa kumeso iwayo. Vanoti, “Zvinhu izvozvo zvakapfuura.” Munona, vachiri kurarama seri kwechidzitiro.

Hamuchisiri seri kwechidzitiro ichocco zvachose, Vadiki, Mwari vauya vachioneka pachena zvizere kunemi.

²³⁵ Rimwe zuva, Hama Fred Sothmann, Hama Tom Simpson... Handizivi kuti vambosvika pano here kana kuti kwete. Vazhinji vedu taiva kumusoro kuchechi yeBaptisti, zvino mushumiri akataura chimwe chinhu chakanzwika sechakanaka chaizvo. Isu tose takati, “Ameni!” Munhu wose muchechi akasimudza mutsipa wake ndokutarisa kumashure. Maona? Maona? Takawana fufu rechingwa rakabva seri kweShekina ikoko, munoziva, uye takaita setakafara kuriwana. Takati, nemamwe mashoko, “Maita heNy, Ishe!” Maona? Uye, pavakadaro, machinda aya akanga akafukidzwa kwazvo vakangozviseka. Havana kuziva kuti Zvaiva zvei. Maona? Ivo vachiri vakafukidzwa. Saka, kune vamwe vari mukati uye vamwe vari kunze. Zvino saka... Asi Mwari vari kuonekwa pachena zvizere nesu, vakavanzwa. Zvimwe chete zvino!

²³⁶ Zvino apo Mwari, mutsitsi dzaVo, vakabvarura chidzitiro, Vakaunzwa ndokuonekwa pachena. Asi, vakanga vakaputirwa kwazvo mutsika dzavo, Vakanga vachiri vakavanzwa kwavari.

Zvimwe chete zvino! Kubwinya kwose ikoko, kwakavanzwa, kwakavanzirwa isusu muna Kristu, Shoko, Anova Temberi yedu.

²³⁷ Oo, zvino, ndichafanirwa kuti ndichere ndichidzika zasi mune izvi zvishoma. Ndiregererei nekuda kweshungu dzangu mangwanani ano, asi, oo, ndanga—ndanga ndichida kupa izvi kwenguva refu, Ini... zviri kungosunga mandiri. Maona?

²³⁸ Cherechedzai, Kubwinya kwose kuri muna Mwari kuri muShoko. Maropafadzo ose ari muna Mwari ari Mushoko. Zvakavanzwa, kune asingatendi, netsika. Munona zvandinoreva? Asi zvose Zviri muna Kristu. Zvose zvakanga zviri Mwari, Vakazvidurura pachaVo, “kenosi,” zvino ndokuuya vachipinda muna Kristu; zvino isu, muna Kristu, tiri seri kwechidzitiro.

²³⁹ “Saka, ndiri muna Kristu,” unodaro. Uye wotenda kuti kuna vanamwari vatatu? Kubhabhatidza muzita “raBaba, Mwanakomana, neMweya Mutsvene”? Kutenda mutsika dzose idzi nezvinhu zvaunotenda mazviri, zhevakuru? Kwete, uchiri

kuseri kwechidzitiro. Maona? Pinda muchidzitiro. Iye, Kristu, ndiyе Shoko.

²⁴⁰ “Sei? Handitende mukupodza kwaMwari. Handitendi muminana iyi nezvinhu zvakadaro.”

²⁴¹ Saka, unoona, iwe—iwe hausi mukati, mukati mechidzitiro. Hapana zvaunoziva neZvazvo. Maona? Kristu iShoko! Zvino kana tiri muShoko, tiri muna Kristu. Uye ko ndingava sei muna Kristu, ndichiramba Kristu? Aiva ari Iye akati, “Hapana shoko rimwe richawedzerwa kana kubviswa kwariri.” Ko unogobvisa kwariri uye nokuwedzera kwariri sei, ipapo? Munoona, zvinokuratidza kuti chidzitiro chipi chakakufukidza kubva kwazviri. Maona?

²⁴² Isu maAri! Zvino isu, tichiva maAri, tichiri takafukidzw a kune vezvinamato navana muzvinafundo venyika ino. Munoona, Kubwinya kwedu kwatiinako uye tichinakidzw a, tichiri takafukidzw a kwavari avo vekunze. Vanofunga kuti “tinopenga, mupengo,” zvakare. Maona? Maona? Ndizvozvo chaizvo. Asi isu vari imo muno, muna Kristu, yakabhabhatidzw a maAri, (Vakorinde Vekutanga 12), maAri, tiri vagoverani veKubwinya uku. Maona? Asi kwete kunze; uchiri kutarisa mukati, uchiZviramba. Maona?

²⁴³ Saka zvino takakokwa kupinda maAri, kuti tive vagoverani vezvoze zvaAri. Takakokwa kupinda maAri, akavanzwa kune vasingatendi, nechifukidzo chenyama yemunhu. Maona? Vanoziva Kubwinya ikoko, vakaverenga nezvaKo, Kuri muShoko pano, “Kubwinya kwaMwari” nezvinhu zvakadaro, rinongovawo shoko kwavari. Kwatiri, kuratidzwa! Maona? Harichisiri rimwewo shoko; ava mazvirokwazvo! Ameni!

²⁴⁴ Mwari vakati, “Ngakuve nechiedza,” ndiro raiva shoko. Asi zvino kwava nechiedza. Harisi shoko; chiedza. Munoona zvandinoreva?

²⁴⁵ Zvino haringori Shoko bedzi rakanyorwa kwatiri, ave mazvirokwazvo. Tiri maAri. Zvino tiri kunakidzw a. Zvino tinoMuona. Zvino tinoMuona, Shoko, richizviratidza pachaRo. Rakavanzwa, kunze uko, nemhaka (yei?) Rakavanzwa munyama yemunhu. Maona?

²⁴⁶ Oo, vanoti, “Boka iro revanhu, vakaenda kuchikoro kupi? Idzidzo ipi—ipi yavainayo? Kupi, va—vakabva kupi? Va—va—vanobva kuboka ripi?” Maona? Huh! Munoona, havaRinzisisi.

²⁴⁷ Mumwe murume akati kune mumwe murume, rimwe zuva, akati, “Unotofanirwa kuva nhengo yesangano kuti uve Mukristu.”

²⁴⁸ Iye akati, “Ndiri Mukristu; handisi nhengo yechero rimwe rawo.” Uh-huh. Akati, “Mwari vakabvisa kenza iyi kubva mandiri,” akati, “zvino unofungei pamusoro paizvozvo?” Aiva

chiremba. Akati, “Ndiratidze masangano ari kuzviita.” Maona? Zvakanaka. Maona? Zvichiri zvakafukidza.

²⁴⁹ Tiri mukati Makristu. Zvino, sakare, vatendi vose vechokwadi vanoMuona, Shoko revimbiso rezuba rino, richiratidzwa pachena. Ishoko guru kana ukagona kuzvinzwisisa. Maona? Maona? Vatendi vose vechokwadi, vari muShoko, vanoona Mwari pachena. Chidzitiro chakapamurwa, uye Mwari vakamira pachena pamberi pako, vachiratidzwa. Maona? Mwari, vachiratidzwa, pachena.

²⁵⁰ Kuti tiite izvi, chidzitiro chedu chakare chetsika dzemasangano chinofanira kubvarurwa zvakare. Kuitira kuti tione chaizvo zvaZviri, unofanira kubuda kubva pakati pezvinhu izvozvo. Maona? Haufi wakazviita; vacharamba vachidhonzerwa chidzitiro ichocho pamberi pako, nguva dzose, “Oo, hapana chinhu paZviri.” Asi hezvinoi Zvakanyorwa pano, uye hezvinoi Zvichiratidzwa pano, munoonaa. Maona?

²⁵¹ Zvino, ko kana mumwe muchinda akaramba kuona zuva, oti, “Oo, apo, ndinoziva Mwari vakati, ‘Ngakuve nechiedza,’ asi hapana chinhu chakadaro. Ndiri kuenda zasi mubhesimendi. Ndi—ndinoramba chete kuzviona”? Muchinda wacho anopenga. Pane chakatsveyama naye.

²⁵² Pane chimwe chinhu chakatsveyama nemurume kana mudzimai, anogona kuona vimbiso yaMwari uye, oIona ichiratidzwa, uye ipapo oramba kuItenda nekuti sangano rinodhonzerwa chidzitiro pasi. Munoonaa, akafukidza!

²⁵³ Kuitira kuti tiite izvi, zvidzitiro zvedu zvetsika dzemasangano zvinofanirwa kudamburwa, neMweya waMwari weMoto uye neMunondo, unova Shoko raVo. Nguva dzose Shoko raVo ndiro Munondo waVo. Maona? Zvino Vakatora Munondo waVo zuva iroro, wakazara neMoto, ndokubvarura chidzitiro ichocho kubva kumusoro kusvika kuzasi. Vanoita chinhu chimwe chete neMunondo mumwe chete nhasi! Kwete “chitendwa changu, mabhuku angu ezzitendwa, katekazi yangu—yangu.” Asi Munondo waJehovha, munoonaa, unobvarurira chidzitiro pasi, uye unoona Mwari vakamira vachioneka pachena, vachiratidzwa muShoko raVo. Mataridzikiro akabwinyiswa sei kuatarisa! Maona? Zvakanaka. Mweya Mutsvene waMwari neMoto, Munondo waVo, unochnibvarura. Shoko rinobvarura chidzitiro chesangano.

²⁵⁴ Saka, kana ukangoti, “Shoko,” uye Shoko risingashandi? Unozobatsirei Munondo pano, uye woti, “Haugoni kubvarura”? Woti, “Uh,” uye usingapamuri?

²⁵⁵ Asi ukaisa Munondo waMwari kumusoro uko zvino woutarisa uchibvarura, uno—unobatwa neruoko rwakagadzwa rwakatumirwa kuzviita. Munoonaa, unochnibvarura chozaruka, zvino havo Vari apo. Ipapo zvinoratidza Mwari vachionekwa pachena, Jehovha mukuru. IShoko raVo raratidzwa, chikamu

chakavimbisa chezuva rino. Munozvibata here? Maona? Apo Munondo, vimbiso yanhasi, muzuva rino, zvaunofanira kuva, zvino Mwari vanotora Munondo waVo vobvarura chidzitiro chesangano vochidhonzerwa kumashure, uye vozviratidza pachaVo uye voratidza kuti Varipo, vachiri Shongwe yeMoto iyoyo imwe chete. Cherechedzai, ndiro Shoko rakaratidzwia kuitira vimbiso dzanhasi.

²⁵⁶ TinoRiona sezvakaitwa naPetro paakati, “Ishe, tingaenda kuna aniko, mushure mekuona Izvi?” Tingaenda kupi? Ichechi ipi yatingajoine, apo takaberekwa mune Mumwe? Maona? Chii chaunga... Isangano ripi raungajoina mushure mekuziva Zvokwadi idzi, munoona, apo ivo (munhu wose) vachiChiramba? Mumwe nomumwe wavo! Handina mumwe achati kana kuita chinhu nezvaCho. Ndizvo. Ndizvozvo chaizvo.

²⁵⁷ Ndakatanga nenzendo idzi zasi kuno, apo machechi makumi mana namaviri munzvimbio imwe chete ndiwo aitsigira nemari; pandakasvika ikoko, ndakanga ndisina kana imwe. Imwe neimwe yawo akati, “Anotenda muchengetedzo yemuna Ziyendanakuenda.” Zvakaita kuti vemitemo vabude. Mumwe akati, “Anobhabhatidza muZita raJesu.” Zvinoita kuti vamwe vose vabude, munoona. Saka, imwe yawo yakati, “Anotenda mumbeu yenyoka. Nyoka haina mbeu!” Zvakaita kuti...

²⁵⁸ Bhaibheri rakati, “Ndichaisa ruvengo pakati peMbeu yemudzimai nembeu yenyoka.” Maona? Maona apo?

²⁵⁹ Ichu, chi-chidzitiro, chakasimudzwa chichibviswa paShoko. Maona? Ndizvozvo. Zvakazarurwa kuvacheche. Cha—chasimudzwa. VanoZviona. Uye zvichava saizvozvo, sezvazvakambotaurwa... Ndizvozvo chaizvo. Zvino zvichava saizvozvo, sezvazvakambotaurwa imwe nguva, “Kana moona,” kana chidzitiro ichi chabviswa kubva paShoko, tsika dzabviswa kubva paShoko, sezvakataurwa naJesu imwe nguva, “Kana maNdiona, maona Baba.” Maona? Mwari neShoko raVo mumwe. Zvino mavala kunzwisia? Kana Shoko richiratidzwia, Rinenge riri chii? Maona?

²⁶⁰ Jesu akati, “Nzverai Magwaro, munofunga kuti mune Hu... Makatenda muna Mwari, tendaiwo zvakare maNdri. Kana ndikasaita mabasa aBaba vaNgu, zvino musaNditende. Asi kana Ndikaita mabasa, Ini naBaba vaNgu tiri Mumwe. MukaNdiona, maona Baba.”

²⁶¹ Zvino kana mukaona Shoko raratidzwia, munoona Mwari Baba, nekuti Shoko ndiBaba. Shoko ndiMwari. Uye Shoko, rakaratidzwia, ndiMwari pachaVo vachitora Shoko raVo Vomene vachiRiratidza pakati pevatendi. Hapana chinoRiita kuti rirarame asi vatendi, vatendi chete. Hazvizi... Hazvizo...

²⁶² Unogona kutora gorosi woridyara mune—mune—imwe mhando yakasiyana yevhu, harimbofe rakakura. Asi, chaizvo, rinofanira kuwana imwe mhando yefotereza muvhukukudza

gorosi. Uye kana pasina—kana pane...kana fotoreza iri muvhу isiriyo—isiriyo, gorosi risina kugadzirirwa fotoreza iyoyo, harimbofi rakakura. Saka zvisinei kuti Shoko radonhera papi, kana Rikasadonhera mumhando chaiyo yemoyo...

²⁶³ Jesu akadaro. “Dzimwe dzakadonhera parutivi rwenzira, panzvimbo ine matombo, zvino shiri dzedenga dzakauya dzikaidya.” Ndokubva Ati, “Dzimwe dzakadonhera muminzwa nemurukato, zvakakura zvikadzivhunga pakarepo,” tsika, masangano, zvideo zvenyika zvakalIdzipa. Asi akati, “Dzimwe dzakaenda muvhу rakanaka dzikabereka zvakapetwa kazana,” akati, “ndihwo Humambo hwaMwari.”

Ndicho chinhу chimwe chete, munoona, vamwe havazotendi zvachose.

²⁶⁴ Vamwe vachatenda kwenguva pfupi, sevadzidzi. VakaMutevera, vazhinji vavo, vaya makumi manomwe vakaMutevera kwemakore, ndokuona; ringaite gore nehafu, kana makore maviri; kungoda kuona, kusvika vagona kuwana chimwe chinhу maAri, chimwe...seimwe nzira yaAiva nerimwe simba rekuita zvinhu izvi, kana tsoka yetsuro, imwe mhando yewemashiripiti, zvaAigona kuita kuburitsa zvinhu izvi, kuti Aigona sei kuziva zvakanga zviri mumoyo yevanhu uye nezvavainge vachifunga. Zvino vakazopedzisira vaona kuti Akataura kuti Iye “akauya pasi kubva Kudenga,” Iye “aiva Shoko pachaKe.” Zvino pavakadaro, izvozvo zvakavaremera zvakanyanya. Vakati, “Hapano munhu anogona kunzwisia Izvi.” Zvino vakafamba vachibva paAri. Ndivo avo vakawira pakati peminzwa.

²⁶⁵ Zvinodzosa zvakare kuchinhу chimwe chete, muungano yoga-yoga, mune vatendi vekabanga, vasingatendi, nevatendi. Zvakagara zviri muungano yose. Munowawana nguva dzose. Vamwe vavo vanonyepedzera kuita sevatendi, ndiyo mhando yakaipisia. Uyezve vane avo vanova vasingatendi chaivo; iyeye haakunetsi, anongofamba achienda achizunguza musoro wake. Asi avo vanotenda zvekabanga, vanozviti ivo vatendi, ndiyo mhando yacho, ndiyo mhando yamunofanira kutarisa, ndeivavo vatendi vekabanga. Uyezve pane vamwe vatendi vechokwadi. Munoona here vatatu ivavo ipapo?

²⁶⁶ Paiva neavo vasingatendi. PaAkangotaura kuti, “Idyai Nyama yeMwanakomana wemunhu,” oo, varume, ndipo pazvakaperera!

²⁶⁷ Vamwe vaiva vatendi vekabanga. Vakagarirapo kusvikira, sezvakaitwa naJudhasi, kusvika kwekupedzisira.

²⁶⁸ Asi zvakadaro vatendi vechokwadi, havaigona kuZvitsanangura, asi vakaZvitenda, zvakadaro. Vakaenderera mberi.

²⁶⁹ Chidzitiro, tsika dzevasingatendi, dzabviswa, unoona Mwari. Kana chidzitiro chetsika chabviswa, unogona kuona

kuti Mwari vachiri Mwari weShoko raVo. Vachiri kuchengeta Shoko raVo. Ndivo—Ndivo Mwari, Muvambi weShoko raVo.

Vakavanzwa seri kwezvifukidzo zveganda, kune vamwe. Hongu, ndizvozvo. Kune avo vasingakwanisi kuenda seri kwechidzitiro, Vachiri seri kwezvidzitiro zveganda.

²⁷⁰ Cherechedzai. Zvino, isu, ipapo tinova chikamu chaVo, sezvo uri chidzitiro chinoVafukidza. Uri chikamu chaVo, chero bedzi Kristu ari mauri, sezvo Kristu aiva waMwari. Nekuti Mwari vaiya maAri, zvakaMuita Mwari. Zvino sezvo Kristu ari mauri, tariro yeKubwinya, unova chikamu chaKristu. “Uyo anotenda maNdiri, mabasa aNdinoita naiyewo zvakare.” Maona? Unova chikamu chaKristu chero bedzi Kristu akavanda mauri. Zvadaro zvakavanzwa kune asingatendi, asi iwe unoziwa kuti Ari mauri. Uri temberi yaKristu ari seri kwechidzitiro, cheganda. Zvino isu, neku-... Seri, nekuda kwechidzitiro ichi, chidzitiro zvakare munyama yemunhu, chinovanza Mwari (Shoko) kubva kune asingatendi.

²⁷¹ Sezvazvakanyorwa, munoona, “Zvakanyorwa, muri tsamba dzakanyorwa,” Bhaibheri rakadaro. Zvino, *tsamba* chii? I “shoko rakanyorwa.” Zvino iwe ndiwe “zvakanyorwa.” Nemamwe mashoko, unoZviverenga sekudai, “Imi,” Rakati, “muri tsamba dzakanyorwa,” kana kuti, “muri Shoko, rakanyorwa, rikaratidzwa,” hapana chinogona kuwedzerwa paRiri. Haugoni kuti, “Ndiri tsamba yakanyorwa,” uye uchirarama imwewo mhando yechimwe chinhu kune zvakatonyorwa kare neRino, [Hama Branham vanorova-rova Bhaibheri ravo—Mupepeti] nekuti hapana chinogona kuwedzerwa kana kubviswa.

²⁷² SaChiremba Lee Vayle vari kunyora bhuku rine mukurumbira iri, ndinoda kuti murione mushure mechinguva. Hama Vayle vari pano, vari munharaunda pane imwe nzvimbo. Ndavaona panze. Handifungi kuti vanokwanisa kupinda. Asi vari kunyora bhuku ikoko, uye—uye rinoshamisa kwazvo, reZera reRaodhikia. Zvino ndinoda kuti imi...Richange rapera kudhindwa munguva pfupi. Saka, tava kuriverenga kekupedzisira zvino. Uye vainyora, uye taikurukura nezvaRo imomo, muoona, pamusoro...

²⁷³ Munhu wese agara achiuya kwandiri, achiti, “Hama Branham, mitinhoiro minomwe iya yakatinhirwa neizwi, zvino Akati, ‘Regedza kuZvinyora, munoona, asi Zvizare,’” akati, “ichava mitinhoiro minomwe ichazarurwa mumazuva ekupedzisira, munoona, mitinhoiro minomwe ichatiudza?” Zvino, izvozvo hazvinzwiki sezvakanaka kwazvo here? Maona? Asi tarisa zvaauri kutaura nezvazvo paunotaura saizvozvo.

Akati, “Uone kuti usaZvinyore.” Maona? Mitinhoiro minomwe iyi yakataura manzwi ayo, munoona, zvino Akati, “Usazvinyore, munoona, asi Zvir kufanira kupfigirwa muBhuku kusvikira mazuva ekupedzisira.”

²⁷⁴ Zvino mumwe munhu akanga, vazhinji vakanga vachiti kwandiri, uye nevadzidzi vebhaibheri akati, "Hama Branham, kana Ishe Mwari . . ." Akati, "Kana—kana . . . Neruzivo rwenyu, urwo Ishe vakakupai kuitira vanhu vavo," ndokutaura izvi nekuzvininipisa, vakati, "munenge makakodzera kunyora bha—Bhaibheri pachenyu, Shoko renyu, kana Mwari vakaratidza."

²⁷⁵ Ndakati "Zvinogona kuva chokwadi." Munoona, vaiedza kutsvaga pekundibatira. Maona? Ndikati, "Asi, munoona, handaikwanisa kuzviita."

Akati, "Ko munogotadza sei? Mune zvose zvinodiwa."

²⁷⁶ Ndakati, "Asi, imi tarisai, shoko rimwe harigoni kuwedzerwa kana kubviswa." Maona?

²⁷⁷ Zvino akati, "Saka, zvino, mitinhoiro minomwe iyoyo, munoona," vakati, "mitinhoiro minomwe iyoyo ichitinhira kunze, chinenge chisiri chimwe Chizaruro chinenge chakapihwa kune mumwe munhu here?"

²⁷⁸ Ndakati, "Kwete, changamire, kunenge kuri kuwedzera chimwe chinhu kwaRiri kana kubvisa Chimwe chinhu kubva maRiri."

²⁷⁹ Zvose zvakazarurwa Imomo, uye Zvisimbiso Zvinomwe zvakazarura chizaruro cheZvazvaive. Ndizvo zvazvakanga zviri. Munoona, zvichiri muShoko. Munoona, haukwanisi kubuda muShoko iroro. Hazvisiyi Shoko. Uye Mweya waMwari haufe wakasiya Shoko iroro. Unogara ipapo neShoko; richipofomadza vamwe, uye rovhura meso evamwe. Rinogara richidaro.

²⁸⁰ "Muri tsamba dzakanyorwa, dzinoverengwa nevanhu vose." Kana kuti, muri . . . ndinodudzira Izvozvo, ndotendeudza nenzira iyi, munoona, ndongoZvitendeudza, "Muri tsamba dzakanyorwa," nekuti hamukwanisi kuwedzera chimwe chinhu kwaRiri, "dzinoverengwa nevanhu vose; Shoko raMwari rakaratidzwa," nemamwe mashoko.

Zvino Petro naJohani, kuzviratidza, pavakaenda kumusoro ikoko, vakacherechedza kuti vakanga vasingazive uye vasina kudzidza, vakanga vasina dzidzo, asi vakacherechedza kuti vakange vaina Jesu. Maona? Vakange vasingazivi uye vasina kudzidza, asi vaiva tsamba dzakanyorwa, munoona, dzakaverengwa kuti vaimbova naJesu. Nekuti, Jesu aizviratidza pachaKe kuburikidza navo, Kristu akafukidza munyama yavo; akaratidzwa, akaitwa mupenyu.

²⁸¹ SezvaAiva muna Mosesi. Apo Shoko raiva muna Mosesi, aiva Mwari munyama. PaRaiva muna Jesu, Raiva Mwari munyama. Maona? Chinhu choga chaVakaita kwaiva kushandura chifukidzo chaVo, kwete Shoko raVo, kwete hunhu hwaVo. Ndiye vamwe chete zuro, nhasi, nekusingaperi. Vakangoshandura chimiro chaVo chete. Vakashanduka kubva kuna Noa kuenda kuna Mosesi; Vakashanduka kubva kuna Mosesi kuenda kuna

Dhavhidhi; kubva kuna Dhavhidhi, Josefa; zvichidzika zasi kusvika Vasvika pahuzaro weHumwari mumutumbi. Maona?

²⁸² Vachiri Mwari mumwe chete! Ameni. Ameni. Ndinovimba kuti zvapinda. Maona? NdiMwari vamwe chete, asi Vanongotora chimwe chifukidzo. Maona, Vanopfeka chimwe chifukidzo.

²⁸³ VakaZviita muvavandudzi, vakapfeka chifukidzo, vakapfeka chifukidzo. Kusvikira, kwekupedzisira, Zvakadzika zvichipinda nemuzera raLuther, zvichidzika zvichipinda nemune rimwe reza, zvino pakupedzisira Zvakazobuda zvichipinda mune Chakakwana. Chisati Chauya, muporofita anosimuka zvakare. Zvazvinoita, zvinofanofananidzira Shoko, zvichiratidza kumashure uku, zvichizarura zvakange zvaitwa, izvo zvakasiirirwa, kuti Chechi inenge isina... isave isina kunzwisia. Zvino izvi pazvinopera, zvino, sekutura Shoko kwakaita Johani, "Ndinofanira kudzikira, Iye anofanira kukwirira," zvino zvose muna zvose zvinouya maAri. Vanoratidzwa zvizere, kuburikidza naLuther, Wesley, nezera rePentekosti, uye zvichienda zvichidzika, zvichienda zvichidzika, Vanoratidzwa zvizere, munoono, kudzika zasi, kuratidzwa chete, Mwari vachibhedhenuka: MuVaone (Zvino, cherechedzai.) vachizadziswa muVimbiso dzaVo dzezuva *rino*, sezvavakaita.

²⁸⁴ Zvino Mosesi aiva Shoko zuva iroro, nekuti Shoko rakapihwa kwaari kuitira zuva iroro; Mosesi. Josefa aiva Shoko mumazuva ake, achiratidza Kristu nemazvo. Munoono, mumwe nemumwe wavo aiva Shoko.

²⁸⁵ Zvino Jesu paAkauya, Aiva Shoko riri muhuzaro hwaRo, nekuti zano rose rerudzkinuro raiva rakazorora maAri. Zano rose rerudzkinuro harina kuzorora muna Mosesi, harina kuzorora muna Josefa, harina kuzorora muna Eria. Munoono, vaingova chikamu cheShoko, vachinongedzera kwaRiri. Maona? Zvino cherechedzai, chengetai pfungwa yenyu; heRinoi rasvika, sevzandinotaura. Munoono, zano rose rakanga risiri mavari. Vainongedza kwaRiri.

²⁸⁶ Naizvozvo, mushure maKe, Huzaro, hatigoni kunongedzera kune chimwe chinhu zvakare. Chinonongedzera zvichidzokera kwaAri, Shoko. [Hama Branham vanosimudza Bhaibheri ravo—Mupepeti] *Iri* ndiro Chizaruro chakazara; hapana chinogona kuwedzerwa kana kubviswa paRiri. *Hecho* Chizaruro chakakwana. Zvose izvozvo, mumvuri waKe achiuya; asi paAkauya, Aiva Chakakwana. VaHebheru 1, "Mwari munguva dzakare vakataura kumadzibaba kuburikidza nevaporofita," Mwari vakataura kuburikidza nezvifukidzo, vaporofita, "asi mumazuva ano ekupedzisira kuburikidza neMwanakomana waVo, Jesu Kristu." Hezvoka izvo. Akaiswa pachena kunze uko paKarivhari, Mwanakomana waMwari, akaiswa pachena.

²⁸⁷ Cherechedzai, “akaitwa mupenyu.” Uye, nhasi, apo Shoko richiratidzwa mumidziyo yevanhu, zvifukidzo, zvirokwazvo iShoko razadziswa muzuva iroro, rinodzokera kuna Mwari. Nekubhabhatidzwa maAri, maererano naVaKorinde Vokutanga 12, tinobva tabatanidzwa naYe. Ameni.

²⁸⁸ Ndati hafu yeawa, asi ndinogona here kuwana nguva yakati rebei zvishoma? [Ungano inoti, “Ameni.”—Mupepeti] Maona? Tarisai, handitongofaniri kupotsa izvi zviri imo muno. Cherechedzai, kubatanidzwa naYe!

²⁸⁹ Zvino cherechedzai. Vangani vagari wemuAmerica vari muno? Simudzai maoko enyu. Zvakanaka, uri mugari wemuAmerica, zvino unobatanidzwa nenyika ino. Chero zviri nyika ino, unofanira kunge wakadaro. Ndizvozvo here? Uri kubwinya kwayo kwose uye uri kunyadziswa kwayo kwose. Unobatanidzwa nayo. Uri wemuAmerica, saka munotora America. Hareruya!

²⁹⁰ Ndaiva naGeorge Washington paakayambuka Delaware. Ndinobatanidzwa naye. Ndizvozvo chaizvo. Ndaiva naAbraham Lincoln paGettysburg Address. Ndaiva ndakamira ipapo. Ndaiva nemauto paGuam, imi vakomana, pamakasimudza mureza uya. Ndaivako. Ndiri wemuAmerica; ndinobatanidzwa nayo. Ameni. Zvino, kuva wemuAmerica, chero zviri kunyadziswa kwayo muChimurenga, ndinokutakura, nekuti ndiri wemuAmerica. Ndizvozvo chaizvo.

²⁹¹ Uye seMukristu, ndinobatanidzwa naYe. Ameni! Ndaiva naNoa paakapinda muareka. Ndaiva naMosesi paakabuda kubva muEgipita. Ameni! Ndaiva Eria paGomo reKameri. Hongu, changamire! Kubwinya kuna Mwari! Ndaiva naye paakazviita. Ndaiva naYe zvechokwadi, ndakazvibatanidza pachangu murufu rwaKe ipapo paKarivhari pandakafa kuzvinhu zvenyika, kune zvandiri netsika dzose. Ndakabatanidzwa naYe. Ndakabatanidzwa naYe pamangwanani eEsta paAkamuka kubva kuvafi. Ndakabatanidzwa naYe paZuva rePentekosti, Mweya Mutsvene pawakadzika zasi semhepo inovhuvhuta zvine simba. Ndaiva ndakabatanidzwa naYe. Zvose zvaAiva ndiri, zvose zvandiri Aiva; ameni, nekufira maAri tinobatanidzwa naYe. Izvo zvaAri ndiri. Ameni!

²⁹² Zviri nyika ino ndiri. Ndinodada nekuva izvozvo. Ndakagadzirira kutakura kunyadziswa kwayo. Ndakagadzirira kutakura kuzvidzwa kwekuva wemuAmerica. Ndizvozvo chaizvo. Uye ndiri izvozvo zvakapetwa kaviri kuna Jesu Kristu! Zvose zvaAkambobvira ava ndiri. Ndinoda kubatanidzwa naYe.

²⁹³ Ivo Vaapostora, pavakadzoka, vakafunga... vakanga vaitwa dambe navo, nekudanwa zvinhu zvose, vakafunga kuti kwaiva kukudzwa kukuru kutakura kuzvidzwa kweZita raKe.

²⁹⁴ Ndinofara nhasi kuva mumwe wavo, ndichibatanidzwa neShoko, rinoVa Kristu. Ndichibatanidzwa naYe! Ndichibhabhatidzwa maAri, tinova vanobatanidzwa; kubatanidzwa mumufananidzo waKe, kubatanidzwa neShoko raKe, rinoVa Iye. Kana ndiri muna Kristu, ndiri Shoko raKe; nekuti Ndiye Shoko, uye zvaAri ndiri. Ameni! Muri kuzvibata here? [Ungano inoti, "Ameni."—Mupepeti] Zvakakanaka.

²⁹⁵ Shoko rakaratidzwa, kana kuzarurwa muChizaruro imomo, zvino izvozvo zvinondiisa pai? Kana Iye ari Kubwinya kweShekina ikoko, ndiri chikamu chaKwo. Ameni! Oo! Ameni! Ndizvozvo. Shoko pachaRo rakazarurwa, rinozvizarura pachaRo.

Fungai! Zvakavanzika zvaMwari zvakazivisa kватири muzuva rino, neMutumwa weKudenga mumwe chete akazivisa kwavari mumazuva iwayo; cherechedzai, Shongwe yeMoto imwe chete yakatuma Mosesi; Shongwe yeMoto imwe chete yaiva pana Mosesi yakanyora Bhaibheri; Shongwe yeMoto imwe chete iyo Pauro akasangana nayo ari parwendo rwake kudzika kuDhamasiko.

²⁹⁶ Zvino Pauro akanyora Testamende Itsva. Rangarirai, Mateo, Marko, Ruka, naJohani, vakanyora chete zvavakaona; asi Pauro aiva neChizaruro. AkaChibuditsa, nekuti aiva asangana neShongwe yeMoto, pachake. Uye fungai, mumwe chete . . .

²⁹⁷ Ipapo, Josefa, vose ivavo vakanyora zvakaitika, munhu wose akanyora kare muzuva iroro. Asi Mosesi paakauya panzvimbo, aiva neChizaruro. Akanga asangana neShongwe yeMoto, uye Zvakazarurirwa kuna Mosesi kuti Genesi. Akanyora mabhuku mana ekutanga eBhaibheri, Mosesi akazviita. Ndizvozvo here? Nekuti akasangana naMwari muchimiro cheShongwe yeMoto, vakafukidzwa muShongwe yeMoto.

²⁹⁸ Pauro paAkasangana naYe panzira . . . Vadzidzi vakangonyora zvavakaMuona achiita, asi Mosesi aiva neChizaruro; akadzika zasi muEgipita kwemakore matatu achinzvera, akaona kuti Mwari weTestamende Yakare akange ari Jesu weItsva, Chizaruro chacho! "Handina kurega kuteerera kuchiratidzo cheKudenga." Ndizvozvo. Ndizvo!

²⁹⁹ Uye Zvifungei! Shongwe yeMoto imwe cheteyo yakauya pane varume ivavo vakanyora Bhaibheri, ndiyo Shongwe yeMoto imwe chete pano, nhasi, iri kududzira Bhaibheri. Ameni! TinoMutenda zvakanyanya nekuda kwazvo! Mumwe chete! Kunyaradzwa kwakadini! Kubatanidzwa kwakadini uku! Ndinofara kwazvo kubatanidzwa mazviri, handizivi zvokuita! Ndingasva hangu ndabatanidzwa maZviri pane ose maBaptisti, maMethodisti, maPresbyteriani, maLutherani, nemamwe acho ose. Kubatanidzwa muShoko iroro uko kunogara Kubwinya kweShekina ikoko uye neChizaruro!

³⁰⁰ Shongwe yeMoto ichioneka pachena pakati pedu, ichizivisa kuti Mharidzo ndeye chokwadi, sezvaVakaita paGomo reSinai. Rangarirai, mharidzo yechokwadi isati yauya, Mosesi akaparidza uye akavatungamirira kunze kweEgipita; asi ipapo, mitemo chaiyo isati yaiswa pasi (Zvisimbiso zvakaunzwa), Mwari vakadzika pasi pamberi pevanhu vakaratidza kuti Mosesi akatumwa kubva kwaVari, (ndizvozvo here?) muShongwe yeMoto iyo Mosesi yaakati akaona mugwenzi uye ikataura naye.

³⁰¹ Oo, mumazuva ano ekupedzisira, kuona Shongwe yeMoto imwe chete iyoyo pakati pedu chaipo, ichitaura Shoko rimwe chete; kwete izvozvo chete, asi ichiRidudzira nekuRiita kuti riratidzwe, nekuRiratidza, kuti Ndiro Chokwadi.

Saka, vanhu havana imwe nzira yekusatenda, kunze kwekunge vachitongoda havo nemaune. Uye, zvadaro, “Uyo anotadza nemaune mushure mekuwana zivo yeChokwadi, hakuchisina zvachose chipiriso chechivi.”

³⁰² Cherechedzai, Shongwe yeMoto imwe chete yakatumwa kuna Mosesi nekuna Pauro, avo vakanyora Bhaibheri, zvino yakatumwa kuzoRizarura. Nyasha dzaMwari, Mwari vasingashanduki, vachizadzisa vimbiso dzaMateo 28, “Tarirai, Ndinemi nguva dzose”; vachizadzisa Mutsvene Johani 14:12, “Mabasa aNdinoita, nemiwo zvakare”; vachizadzisa Mutsvene Ruka 17:28-29, “Mumazuva ekupedzisira Mwanakomana wemunhu achazarurwa,” munona, munona; Maraki 4, “Tarirai, Ndinokutumirai Eria muporofita, achadzoreredza Kutenda kwevanhu kuchidzokera kuShoko repamavambo.” Maona? Kuti izvi... Maona? Oo, ini zvangu!

³⁰³ Akafa, kuti azvizarure pachaKe kwatiri. Zvino ngatifei kune zvatiri, kuti tiMuzarure kune vamwe. Ngatifei kutsika nezvinhu, kuti tiMuzarure kune mumwewo. Kufa kumasangano, kuti tiMuzarure kune vamwe.

³⁰⁴ Cherechedzai, temberi yakare yaiva neKubwinya kweShekina mairi, uye neChiedza cheShekina chiri pamusoro peShoko. Shoko iMbeu; Yakaunza chingwa chokuratidza kuvatendi chete. Ropawo zvakare raiva pamusoro pesungano; zvino Ropa imvura, mvura inopa hupenyu kutsanga, gorosi, mbeu, inova Shoko.

³⁰⁵ Sezvakataurwa naJesu, “SaMosesi akasimudza nyoka yendarira,” uye zvakare Akati, “Mwari vakada nyika kwazvo Vakapa Mwanakomana wavo akaberekwa ari oga; ani naami anotenda maAri haazoparari.” Mosesi akarova dombo murenje, kuti aponese vanhu vakange vachiparara, kana kuti kuburitsa mvura. Mwari vakarova Jesu, kuti vaburitse Mweya kubva MaAri, kuitira vanhu vakange vachiparara. Ropa rakabuda kubva maAri, rinoval iro, “Mvura yekushambwa kubudikidza neShoko.” Iyoyo, Mvura inounza Hupenyu kuMbeu. Zvino yakaburitsa Kubwinya kweShekina; ndokupenya pamusoro

peShoko, rakaunza chingwa chokuratidza. Zvino chingwa chokuratidza chaingova chevanhu vakasarudzwa. Uh-huh. Ndizvo here? [Ungano inoti, "Ameni."—Mupepeti]

³⁰⁶ Zvino kupamura tichipinda muchidzitiro, kupfuura nemuchidzitiro, kupinda muHupo hwaKe, umo munova ndimo mune Shoko (kwete chitendwa), Shoko; mukati imomo tichiona Kubwinya kweShekina, Shekina, Simba, Mweya Mutsvene uchipenya pamusoro peShoko, zvichiunza vimbiso, zvinoratidza kuti uri kuseri kwechidzitiro. Ameni!

Ndayambuka zvidzitiro zvakapamurwa uko
Kubwinya hakumbopera, (Uh!)
Hareruya, hareruya; ndiri kurarama muHupo
hwaMambo.
Ndayambuka zvidzitiro zvakapamurwa uko
Kubwinya hakumbopera,
Ndiri kurarama muHupo hwaMambo.

³⁰⁷ Dehwe rakare rematenhe, masangano, rakabvarurwa. Ndapaza nepariri, ndichipinda muKubwinya kweShekina, zvino ndinoona Shoko. Ndinoona Shongwe yeMoto ichifamba. Ndinoona Shoko richiratidzwa. ZvaVakataura kuti Vanoita mumazuva ano ekupedzisira, ndinoriona richikura. Ndinoona vana vachidya Chingwa cheShekina ichocco chichibva pakuibva kweShoko iroro, avo vanoRitenda. Ameni! Inguva inoshamisa yakadini yatiri kurarama mairi! Munoona, Shekina yaiva pamusoro peShoko; uye pasi ipapo paiva ne Chingwa. Uye ipapo paiva neRopa, rakasaswa, rinoChipa mvura. Mweya unopa Hupenyu kuShoko. Uye . . .

Vangani vakaverenga, vakanzwa tepi yekuti *Kutonga Mhosva?* Hongu. Vazhinji venyu makainzwa. Munoona ipapo, zvinotora . . .

Shoko iroro rinofanira kukura. Kuitira kuti rikure, Rinofanira kuva muvhru remhando yakafanira. Maona? Zvino Mwari vanoita vimbiso, zvino inorova moyo iwoyo, haigoni kukundika.

³⁰⁸ Noa akamirira kwemakore zana nemakumi maviri. Abrahama akamirira kwemakore makumi maviri nemashanu, pamusoro pemwana. Mwari vakazvitaura, zvakatoringana. Maona? Chii ichocco? Shoko rakanga riripo richidiridzirwa nekutenda, achiRitenda, rikaunza zvibereko. Rakabereka mwanakomana; rakaunza mvura; rakaunza mafashama; rakaunza mhandara yakabata mimba.

³⁰⁹ Muporofita akati, "Mhandara ichava nemimba." Asi pasina kupokana musikana mudiki wese akaenda akanogadzirira hembe dzake dzemwana mucheche. Zvakanaka, muporofita Isaya uyu aiva muporofita akaratidzwa, akasimbiswa naMwari. Zvino Ishe vakati, "Mhandara ichabata mimba. Ndiri kuzovapa

chiratidzo chepamweya, chiratidzo chikuru; mhandara ichabata mimba.”

³¹⁰ Ipapo, vanhu vose ivavo, vatendi ivavo, sezvamuri mese. Zvino vakanzwa muporofita iyeye achizvitura, musikana mudiki wese... Murume wese akati, “Achange ari mwanasikana wangu. Hongu, changamire.” Munhu wese akaenda akanotenga mabhatisi nemanapukeni nezvinhu zvose, vachigadzirira, nekuti vaiziva kuti aizova naye. Chizvarwa ichocho chakapfuura, zvino vakafunga, “Muporofita iyeye akaratidzwa, akasimbiswa naMwari, ko aigotaura sei chero chinhu chaiva chisicho? Zvinofanira kuva saizvozvo!”

³¹¹ Aiva makore mazana masere akazotevera, asi akabereka mwana wacho. “Matenga nenyika zvichapfuura, asi Shoko raNgu haringatopfuuri.”

³¹² “Zvino zvichaitika mumazuva ekupedzisira,” Mwari vanodaro. Munoona, hezvinoi tiri pano, chi—Chiedza pamusoro peShoko. Sechiedza chezuba pachinoshandura mbeu ichibva pakubwinya ichienda pane kumwe kubwinya, isuwo zvakare takava—tinova takafanana naVo zvakawedzerwa patinogara muHupo hwaVo; saVo, tichifanana nemufananidzo waVo wakaropafadzwa patinofamba naVo.

³¹³ Tarisai zvinoitwa nezuva. Unodyara mbeu, chii chinoitika? Mbeu iyoyo inowora. Mukati membeu mune hupenyu. Hupenyu hunobuda hwobuditsa gunde. Zvino, haritaridzike seyekutanga.

Heunoi Luther. Raiva gunde. Zvakanaka.

Gunde rakapfuirira zvino, chinhu chekutanga munoziva, rakaburitsa muchekechera. Munoona, rwaiva rumutsiriro rwechiHwisiri; rwakanga rwusina kuita sechimwe.

Zvino kwakazouya rumutsiriro rwechiPentekosti, munoona, rwakaburitsa rubhabhatidzo rweMweya Mutsvene. Zvakanaka.

Chii chakaitika? Tinowana chakuvhe pachikwande. Zvinotanga kuratidzika sezvisiri izvo. Chinhu *ichi*, chinhu *icho*, hachitaridzike seShoko. Hachina kufanana neImwe yose. Hachina kufanana neMbeu yapamavambo yakapinda muvhу.

³¹⁴ Asi Mwari vachiripo kuti vaite izvozvo—izvozvo zvakangofanana. Cherechedzai, zvinoita sei? Pakupedzisira zvinodzokera kuMbeu yapamavambo zvakare. PaVakauya vari muchimiro chaMartin Luther; paVakauya vari muchimiro chaJohn Wesley; paVakauya vari muchimiro chechiPentekosti; Vanofanira kuzvizarura pachaVo zvakare seMbeu imwe chete yakapinda muvhу, Mwanakomana wemunhu. Vakazvizarura pachaVo seMwanakomana waMwari, nemuzera regunde nezvimwe zvakadaro, asi muzera rino rekupedzisira Vanofanira kuzvizarura pachaVo seMwanakomana wemunhu zvakare. Mazvibata? [Ungano inoti, “Ameni.”—Mupepeti] Zvakanaka, sepamavambo, kuumbwa!

³¹⁵ Zvino gunde rinokudzei? Riri kukura nguva dzose. Kagunde kadiki ikako kanokura, zvakadaro hakana kufanana nembeu yapamavambo. Kunyangwe kana nemharidzo yaLuther; kwete, kwakazouyawo dzi—dzimwe mharidzo, Finney, Sankey, Knox, Calvin, zvichidzika, hapana kana mumwe wavo. Vakange vachiri havo mharidzo asi, zvayaiva, havana kuwana Chizaruro chakakwana chaYo nekuti nguva yakanga isati yakwana. Haugoni kuisa chikwande pachibage isati yava nguva yacho yekuti chiuye. Maona? Uye zvadaro, pakupedzisira, hepanoi podzokazve Mbeu yapamavambo yakapinda muvhу.

³¹⁶ Munoona, Mwari vanotevera zvisikwa chaizvoizvo. Munoona, Vakaberekwa vari gwayana, ndicho chikonzero Vakaberekwa kunze muchidyiro. Makwai haaberekerwe pamibhedha. Munoona, Akatungamirirwa kuKarivhari. Gwayana, makwai anotungamirirwa. Ndizvo chaizvo. Mbudzi dzinoatungamirira kunzvimbо yekuurairwa, munozviziva izvozvo, imba yekuuraira. Mbudzi inoatungamirira, asi anofanira kutungamirirwa. Huh! Ndizvozvo chaizvo. Saka Akatungamirirwa kunzvimbо yekuraiwa, munona, nekuti Aiva Gwayana.

³¹⁷ Zvinhu zvose zvakaMuratidza muzvisikwa. Ndicho chikonzero Akaberekwa muna Kurume kana Kubvumbi, kwete muna Zvita; HaAikwanisa kudaro, kune mafiti makumi maviri echando kumusoro ikoko munguva iyoyo yegore. Kwete asiri chimwari chezuva, asi Aiva Mwanakomana waMwari. Maona? Chimwari chezuva chechiRoma nezuva ramakumi maviri nemashanu aZvita, apo zuva rinopfuura nzvimbо dzaro mukati imomo zvino vaiita mitambo yakasiyana-siyana yechiRoma, ndokudana kuti bhavhadhe rechimwari chezuva, zvino vanoriita Mwanakomana waMwari. Kwete, kwete. Akanga ari Mwanakomana waMwari. Bhavhadhe raKe rakange riri pamwe nezvisikwa. Chaizvoizvo.

Zvino cherechedzai zvakare zvino tichipfuirira mberi, tava nenguva shoma yasara.

³¹⁸ Zvino kune chakakwana. Mushure mekunge gunde ragadzirwa; mushure mekunge muchekechera wagadzirwa; mushure mekunge tsanga yauya pachiguri; ipapo inofanira kusvika pakukwaniswa, ichidzokera kuva tsanga yamazuva ose zvakare.

Uye, rangarirai, tsanga inofanira kuva nehupenyu. Maona? Kana ikasadaro, hairarami. Maona? Hakuna avo vaiva kunze kwemharidzo idzodzo vachafa vakauya kuHupenyu. Inofanira kuva nehupenyu kwaIri. Asi, rangarirai, Hupenyu humwe chete hwaiva mugunde huri mutsanga. Iyo iri kungosvika pakuibva ichidzokera kwekutanga, munona. Akazvizara pachaKe, (chii?) Mwanakomana wemunhu, mbeu yakaenda muvhу. Muri kubata here Mharidzo? [Ungano inoti, “Ameni.”—Mupepeti]

MaGiriki akati kwaAri, “Tingaonawo here Jesu.”

³¹⁹ Akati, “Kunze kwekuti tsanga yechibage yawira muvhу.” Maona? Zvakanaka.

³²⁰ Zvino chii chakatevera chaAkazarura pachaKe? Muchimiro chakasiyana; gunde nemuchekechera, nezvimwe zvakadaro, nemashizha ose nezvinhu zvose. Akazvizarura pachaKe kareko, (chii?) Mweya mumwe chete, asi uri muchimiro chakasiyana. Maona? Asi mhedzisiro yegorosi iroro chii? Rinodzoka zvakare kumbeu yapamavambo. Ndizvozvo here? [Ungano inoti, “Ameni.”—Mupepeti]

³²¹ Uye shumiro yaKe inouya, kubva pakuvandudzwa ikoko, kudzokera kuShoko repamavambo zvakare. Shoko rinouya kumuporofita. Zvino Vakazvivimbisa, muna Maraki 4, “Uye kudzoreredza Kutenda kwevanhu kuchidzokera kumbeu yepamavambo.” Chakaenda muvhу chiri pano chakafanana. Mbeu yakauya ichipfuura nemumo. Inouya seMwanakomana waMwari, zvino InoZvizarura pano seMwanakomana wemunhu, uye zvadaro InoZvizarura seMwanakomana waDhavidhi ari paChigaro chehumambo. Munoono, Vanakomana vataku ivavo, chaizvoizvo. Oo, ini zvangu, sezvepamavambo zvakare!

³²² Zvino kushumiro yakakwana yavo pachaVo; kwete mumwe munhu, kwete rimwe sangano, sezvavakashanda zvichidzika nezera iro ikoko, munoono; asi pachaVo vachiratidzwa, vanozviratidza pachaVo kuvimbiso, vachiita kuti Mutsvene Ruka 17:28, Maraki 4, nemamwe akadaro, VaHebheru 13:8, zvive chaizvoizvo. Panguva iyoyo, inofanira kuva iri nguva ipi? Apo Mbeu yehumambo yaAbrahama iri kutsvaga Mwanakomana akavimbiswa. Uye mifananidzo yose inofanira kuzadziswa. Zvino Mwari pachaVo vakauya vari muchimiro chemunhu, kumbeu yaAbrahama yapanyama, kuparadzwa kusati kwaitika, zvino Jesu akati chichava chinhу chimwe chete kuMbeu ino yehumambo Mwanakomana akavimbiswa asati adzoka.

³²³ Cherechedzai chidzitiro chakare chaiva chakavanza Kubwinya. Matehwe ematenhe akare, pakange pasina runako rwungadiwa paari; kunyangwewo nenyama yaKe. Ndicho chikonzero vanhu vakati, “Muchinda mudiki wakare akakombama kudaro?” Pamwe aine makore makumi matatu ekuzvarwa, uye achenya musoro, uye nendebvu dzaKe dzachena, asingataridziki zvakanyanya. Bhaibheri rakati, “Hapana runako rwekuti tiMude” Aisataridzika saMambo, dehwe rematenhe rakare, asi, oo, chii chaiva mukati!

³²⁴ Neboka diki “revaumburuki vatsvene” vakagara pamwe chete muchivakwa chinopisa saizvozvi, vanovadana kudaro, vasina runako rwakanyanya kuti uvashuvire, asi izvo zviri mukati! Ndine chokwadi chekuti chakafukidzwa kubva kumoyo yakawanda, munoono. Muri kuona? Zvakanaka.

³²⁵ Nечекунзе Yaisava chinhу, аси звое зваива мукати. Wava mukati maYo, unobva walona. Unopinda maIri sei; kukwazisa maoko, kujoina? Kwete. Kuberekwa maIri. Kufa, uchibvisa dehwe rako rematenhe rakare, munnoona, hunhu hwako hwakare, kuti upinde mune hutsva. Maona? Siya dehwe rematenhe rakare.

³²⁶ Chiedza cheShekina hachi...Teerera, vashumiri! Vashumiri, ndinoda kuti muteerere kune Izvi. Kana wangopinda mukati...Zvino ndiri kuda kutora izvi nyore-nyore chaizvo, kuitira kuti muzova nechokwadi chekuZvibata. Wangova mukati mechidzitiro, pasi peKubwinya kweShekina, Chiedza cheShekina hachitori Shoko raMwari choratidza Jesu kuve "muuki," kwete, sezvinoita masangano nhasi, "kuverenga pfungwa, muumburuki mutsvene, Bherizebhabhu." Kubwinya kweShekina hakuMuratidze sekudaro.

³²⁷ Asi Kubwinya kweShekina kunoibvisa Mbeu yakavimbisa yenguva iyoyo, yeShoko, kuchiMuratidza kuti achiri Hapa yemuMupata. Kunobereka Mbeu iyoyo, Hapa yemuMupata, Chingwa cheHupenyu, Arufa naOmega, mumwe chete zuro, nhasi, nekusingaperi. Ndiye mugove wemutendi. Kubwinya kweShekina kunozarura, kumutendi, Ndiye mumwe chete zuro, nhasi, nekusingaperi.

³²⁸ Kwete, "Mazuva, aAkafuura, uye Akafa zvino zvose zvakapera." Saka shamwari, kana uchizvitenda izvozvo, kana uchizvitenda izvozvo, hauna kumbopinda muKubwinya kweShekina. Ko Kubwinya kweShekina kungamboMuzarura muvanhu vatatu chirudzii? Maona? Ko Kubwinya kweShekina kungamboMuzarura sei sekubhabhatidza, vanhu, muzita "raBaba, Mwanakomana, neMweya Mutsvene," ipo pasina kumbobvira pakaita munhu muBhaibheri akabhabhatidza nenzira iyoyo? Ko Kubwinya kweShekina kungaMugumisidza sei angori muapostora, apo iYe ari mumwe chete zuro, nhasi, nekusingaperi? Maona?

³²⁹ Kubwinya kweShekina kunoMuratidza. Kunounza Shoko revimbiso, richiuya kwauri chaiko. Ndicho chikonzero chaVakafukidzira chiso chaMosesi, nekuti maari maiva neShoko. Vakafukidza Jesu, seMurume mudiki akaninipa, kuvadzivisa kuti vasaona Jehovah. Uye Vanozvifukidza pachaVo nhasi, mumidziyo yevhu, neShekina. Kunze kunoratidzika seboka revaumburuki vatsvene, matehwe ematenhe akare, аси mukati munovanza Kubwinya kweShekina.

Uye Kunoibvisa Chingwa chokuratidza chatinodya, nekuchityairira nemunyika yose, mazana emamaera, munnoona. Ndicho Chikafu chevatendi. Ndechemutendi bedzi. Rangarirai, Chingwa chokuratidza chaiva bedzi chemutendi, munnoona, Mbeu yeChingwa chokuratidza. Cherechedzai. Chinoitei? Kubwinya kweShekina ikoko, pamusoro peChingwa chokuratidza, kwaiChichenetedza kubva pakuora.

³³⁰ Rangarirai, mana yakabva Kudenga, yaiva yakaiswa muKubwinya kweShekina, kubva kune chimwe chizvarwa kuenda kune chimwe. Kunze, chine makonye machiri, husiku humwe, chaiwora. Ndizvozvo here? [Ungano inoti, "Ameni."—Mupepeti]

³³¹ Kunze kweKubwinya kweShekina, "Mazuva eminana akapfuura. Munoona, zvose kupengereka." Asi mukati . . .

³³² Tarisai, vane mbeu yesanifurawa kubva mudura remuEgipita yakaiswa mukati imomo mumazuva aJosefa, makore zviuru zvina, potse, akapfuura. Josefa akadziisa mudura. vakadzidzyara. Dzikararama. Sei? Dzaiva nehupenyu.

³³³ Ko Kubwinya kweShekina uku chii nhasi? Kupinda seri kwechidzitiro, nokuona kuti Mwari Ndiyani vakamira pamberi pako, kuona kuti Mwari Ndiyani vakamira pano pamberi pedu, sho—Shongwe yeMoto. Vakafukidzwa munyama yemunhu. Ko inodiniko Shekina, yakaitei? Mbeu yeChingwa chokuratidza, Shoko ratiri kufanira kurarama naro muzuva rino, kubudikidza nevimbiso idzi, Kubwinya kweShekina kunoibvisa ichocco Chingwa chekuratidza, kunoita kuti Chiitike, kunoChiita Chingwa kumutendi; chaiva chiri mumapeji eBhaibheri, gore negore, Shoko rezera rino.

³³⁴ Kumasangano, Chigumbuso. Kumasangano, vanogumburwa naCho. Zvichidzika nemumakore, Luther, Wesley, Martin Luther, nevose, Sankey, Finney, John Smith, Knox, vose vakagumburwa naCho.

³³⁵ Asi chii chinofanira kuitwa mumazuva ekupedzisira? Chii "Kuzarura"? "Kuunza!" Ko Maraki 4 achaitei? Kudzorera vanhu kubva pachigumbuso ichocco, kuputsira tsika pasi, nekuzarura Chingwa neKubwinya kweShekina. Tarisai Chichiibva nekubereka chaizvoizvo izvo zvaChakati Chaizoita, oo, ini zvangu, Chingwa chekuratidza chezera rino. Kusangano, chigumbuso, "boka revapengereki." Asi, isu vanotenda!

³³⁶ Asi zvino sezvakavimbiswa naZvakazarurwa 10, "Zvakavanzika zvose zvaMwari, zvakanga zvakavanzwa mumapeji zvichidzika nemumakore ose, zvichaibviswa, zvounzwa muzera reMharidzo yemutumwa wechinomwe." Ndizvozvo here? [Ungano inoti, "Ameni."—Mupepeti]

Vakati chii, gore nemwedzi mitanhatu yapfuura, makore maviri chaiwo zvino? "Enda kuTucson; kuri kuchamhembe kweTucson, kuputika kukuru," uye nezvaizoitika, "Zvisimbiso zvinozozarurwa," Zvisimbiso zvinozurara zvinhu izvi. Ndokudzoka sezvaVakataura.

Chii ichocco? Zvinoratidza kuti haZvigoni kuva munhu. Zvinoitika nemazvo, zvakananga sekungonanga kwazvingagona kuva, nguva dzose. Chii ichocco? Ruoko rwaMwari, munoonaa, pamberi pedu. Zvino nekuti zviri muboka diki, zvakafukidzwa munyama yemunhu, zvakafukidzwa kune nyika yekunze.

Vakavanzwa kunyika yekunze. Vari kuZvizarura kuvacheche avo vanodzidza. Maona? Ndizvozvo chaizvo.

³³⁷ Wose, munoonaa, mufananidzo wose uri muBhaibheri, mufananidzo wese wemuBhaibheri, unoratidzwa pano pamberi pedu chaipo. Mwari mumwe chete, muShongwe yeMoto, vakanyora Bhaibheri, zvose muTestamende Yakare neItsva, vari pano chaipo vachiRiratidza, vachiratidza chaizvoizvo zvaraiva, vachinyatsodudzira, uye nekuriita chokwadi chokuti ndiyo dudziro yacho.

³³⁸ “Tine dudziro!” Zvinoka ngatizvionei zvichiitika. Munoonaa, ndizvozvo, ngatizvionei zvichiratidzwa.

³³⁹ Kuratidza! Jesu akati, “Kana ndikasaita mabasa aBaba vaNgu, regai kuNditenda.” Munoonaa, zvinofanira kuratidzwa.

³⁴⁰ Asi zvino—zvino, kwete kuratidzwa saJesu, vakamoneredza chi—chidhende musoro waKe ndokuMurova mumusoro, vakati, “Kana Uri Muporofita, tiudze kuti ndiyani aKurova.” “Uye kana uri Mwanakomana waMwari, shandura chingwa ichi.” Munoonaa, ndidhiyabhore. “Kana Uri Mwanakomana waMwari, buruka kubva ipapo pam...”

³⁴¹ Ndinoreva, Chizaruro chaAri kufanira kuita, ndizvo zvaChiri. Asi zvino, sekuzarurwa kwakaitwa Zvakazarurwa 10, zvakavanzika zvaMwari zvakaratidzwa, zvikazivikanwa, sekuvimbisa kwakaita Bhuku reZvisimbiso Zvinomwe.

Zvino itai kuti kutenda kwenyu muna Iye Uyo anova Shoko...Nekuti, muna Zvakazarurwa 10 inoti...

³⁴² Kana, Zvakazarurwa 19, waro. Ndanga ndinayo ndainyora pasi pano, Zvakazarurwa 10, kuenda kwairi; asi haisi 10, i 19. PaAnouya, Achadanwa kunzi, “Shoko raMwari,” vakatasva pamusoro pebhiza jena, uye vanotevera vari veKudenga vachange vari kumashure kwaKe.

³⁴³ Putsai chidzitiro chesangano chedzidzo! Putsai chidzitiro chesangano chetsika! Putsai zvidzitiro izvozvo zviri kuVavanza kubva kwamuri! Putsai zvidzitiro izvozvo zvekudada, imi madzimai. Muri—muri vanasikana vaMambo; itai saizvozvo, raramai saizvozvo. Putsai chidzitiro chose, zvisinei nekuti Ph.D. neLL.D. zvinotaurei. Kana zvichipesana neBhaibheri iroro, pindai nepachidzitiro ichocco!

Nekuti, tayambuka chidzitiro chakapamurwa. Tave kune rumwe rutivi zvino, kune rumwe rutivi. Zvino muchaona, kana mukangoziita, putsai tsika idzodzo dzakare nezvinhu, uye muuye kwaVari, muchaVaona vakamira, Mukundi Mukuru, Shoko revimbiso rezera rino, richiratidzwa. Muchaona Mwari Samasimba vakaiswa pachena, moVaona chaipo pakati pedu pano, vakaiswa pachena, Mwari Samasimba, vasingakundwi netsika.

³⁴⁴ Vakaedza kuVanza seri ikoko; vakazviita, kwemakore, asi nguva yevimbiso yakaswedera pedyo. Mwari vakasimudza Mosesi imwe nguva, zvino akasunungura vana kubva kuzvinhu izvozvo. Zvino Vachiri...haVagoni kukundwa. “Matenga nenyika zvichapfuura, asi Shoko raNgu haringadaro.” NdiVo mumwe chete zuro, nhasi, nokusingaperi.

³⁴⁵ Vanoti, “Hazvigoni kuitwa.” Asi zvakaitwa. Zvino, pazvakaitwa, vakati, “Ndezva dhiyabhore.”

³⁴⁶ Asi izvozvo hazvishanduri Shoko raMwari, nepadiki zvapo. Rinongoramba riri “Mwari,” kumutendi, “Mukundi Mukuru; mumwe chete zuro, nhasi, nekusingaperi,” nehunhu hwaVo, neShoko raVo, VaHebheru 13:8.

³⁴⁷ Ndava kuvhara, mukutura izvi, nekuti dzava five minutes to twelve, ndichangotaura izvi. Ndine angaita mamwezve mapeji gumi, gumi nemaviri. Ndichazvitora neimwe nguva, pamwe nhasi husiku.

³⁴⁸ Cherechedzai, cherechedzai izvi. Paiva nemusika pane imwe nguva, zvino vaiva nechiridzwa chakare ikoko. Makazvinzwa kwenguva zhinji. Imwe vhayorini yakare; zvino mutengesi akati, “Imarii yandingapihwa nekuda kwayo?” Ndinogona kusazvitura chaizvoizvo, maererano nenhetembo yacho. Ava makore mazhinji, akawanda, asi yauya mupfungwa dzangu. Zvino vakasimudza chiridzwa chakare, chakange chisingataridziki zvakanyanya; chichitaridzika kusakarasakara, nezvose hazvo. Haana kutombokwanisa kuwana akataura mari achiida. Pakupedzisira, ndinofunga akawana akati anoidea nedhora, kana chimwe chakada kudaro.

³⁴⁹ Zvino paiva nemumwe aive akamira ipapo akufunga kuti hayaifanira kutengwa nemutengo iwoyo, saka akaenda akaisimudza. Akaibata mumaoko ake, akasimudza chokuridzisa ndokuchiisa mushonga wacho, zvino ndokuridza mumhanzi. Zvino paakadaro, munhu wese akatanga kuchema. Havana kumbobvira vakanzwa mumhanzi wakadaro muhupenye hwavo.

Zvino mutengesi akati, “Mungada kundipa marii?”

³⁵⁰ “Zviuru zviviri!” “Zviuru zvishanu!” “Zviuru gumi!” Maona? Chaiva chii? Ruoko rwatenzi rwakazarura zvaive zvakafukidzwa muchiridzwa chakare.

³⁵¹ Zvimwe chete zvino! Bhuku rakare, Rakakwasharara, Rakasekwa, rikapiswa, rikaitwa dambe naro. Asi nguva yasvika yavanova nemusika wemasangano, Mubatanidzwa wemaKereke ePasi rose. Vari kuRitengesa zvisina akamboona. Kune musika wemasangano uri kuuya.

³⁵² Asi, rangarirai, pane chimwe chinhu chiri muBhuku rakare chakavimbisa kuti kuchava neruoko rwakafanotemerwa, rwakagadzwa rwuchauya rimwe zuva, rwuchaRisimudza

uye rwoita kuti Shoko reBhuku iri, kuburikidza nemoyo wakatemerwa, kubasa raRakagadzirirwa, rozarura vimbiso dziri maRiri. Rinogona kutaridzika, oo, seboka rakare revaumburuki vatsvene, kana chimwewo chinhu; asi zvinongotora ruoko rwaTenzi, Shoko paRiri, kuzarura Shoko iroro, zvino zvinobva zvapfuirira kuva muumburuki mutsvene. Zvava izvozvo kune mumwe nemumwe wedu, hazvina kudaro here, shamwari? Harisi boka rekupengereka. Zvinoenderana nekuti chinoridza chiri muruoko rwaAni.

Ngatinamatei.

³⁵³ Baba vedu Vekudenga, nekutenda, nhasi uno, ndinoona Tenzi weBhuku rakare, iro ravakatsivanisa netsika. VakaRitsivanisa nemasangano. Vakaedza kuRitengesa nemutengo wakaderera. Zvino vari kuRitengesa kuti vawane Mu—Mubatanidzwa wePasi rose wevanhu, wemachechi, wechikoministi, wevasingatendi kuti Mwari variko. Kutengesa kuri kuenderera mberi, Ishe.

³⁵⁴ Mwari, budai! Zvirokwazvo, Muchadaro. Titumirei muporofita uya, Ishe, anosimudza chokuridzisa ichocco, anosimudza Shoko rino oratidza kuti Jesu Kristu mumwe chete zuro, nhasi, nekusingaperi. Vazhinji, Ishe, vachatengesa hupenyu hwavo, vacharasa tsika dzakare, vachabvarura zvidzitiro. Vanopida, Ishe. Vanopa chero chinhu chipi hacho, chero chinhu chipi hacho, chingovapai Jesu.

³⁵⁵ Ishe, ndinofunga kuti MaZviratidza kwavari zvino. Vanobva kwese-kwese. Vanopedza zvinovararamisa. Vanoita zvose, kuedza kuti vasviké kumisangano, kuti vaite zvose zvavanogona, nekuti vakawana Parera riya remutengo wakakura. Zvimwe zvinhu zvidiki kwazvo. Varopafadzei, Baba.

³⁵⁶ Pakaradzikwa papurupiti pano, mangwanani ano, Ishe, pane mahengechepfu. Pamwe mamwe acho anofanira kuenda nhasi, shumiro yekupodza isati yaitwa husiku huno. O Mwari Vokusingaperi, tarisai pasi. Ndinoziva kuti Muri pano, Makafukidzwa. Uye ndiri kutumira zvifukidzo zvidiki izvi, Ishe, zvinonzi “mahengechepfu,” ne “maapuroni,” madiki ne “mabhatisi” madiki evacheche vadiki. Uye ndiri kuzvitumira sezviratidzo zvidiki zvechifukidzo, kuti Shoko reNyu raparidzwa pamusoro pazvo mangwanani ano, uye, semutendi, ndinoisa maoko angu pamusoro pazvo, mutumbi wangu, ndichiratidza kuti ndinoZvitenda. Uye, nekutenda, mumwe nemumwe muchivakwa chino ari kuita zvimwe chetezvo, Ishe. Dai vanorwara vapora.

³⁵⁷ Munogona kuridza Sho—Shoko kubva pano, Ishe, sezvakaitwa nemuridzi wakare wevhayorini kuvhayorini, zviitei saiuzzovo, Ishe. Itai kuti irire chuni chaiyo, chinoridziswa chiri muruoko rwaTenzi, zvino tichaVaona vakamira panooneka pachena.

³⁵⁸ Kuti vanhu ivavo vakafunga sei zuva iroro, apo pavaisada kupa chinhu, pavasina kupa chinhu kuti vatore vhaylorini yakare. Vakanga vasingaide. Vaisaida mumba mavo. Asi apo payakasimudzwa neuyo aigona kuiridza zvine hunyanzvi, zvino vakatengesa zvose zvavaiva nazvo, kuti vaitore. Vakanga vachipopotedzana nekurwa pamusoro payo. Zvakanga zvichisina basa ipapo.

³⁵⁹ Ndizvo zvazvichava apo Hwamanda yaShe icharidzwa, nguva ichange yapera. Avo vakange vakatarisirwa pasi nekuitwa dambe navo, vakamira ipapo pamberi pechidzitiro chakazaruka vakaona Shoko raMwari richiratidzwa (*vamwe vachaRichemera*, asi, sezvaMataura, “Zvichashaya basa ipapo”), vakaenda kuMabiko eMuchato; zvino ivo vakasiwa kunze uko kune kuchema, kuungudza, nekugeda-geda kwemeno.

³⁶⁰ Batsirai munhu wose kuti atende, mangwanani ano, Baba; pamurai chidzitiro chega-chega chehundini, chidzitiro chose chekusatenda, uye nokuona Mukundi ane Simba akaiswa pachena pamberi pevatendi. Nekuti, “Tarirai, ndinemni nguva dzose, kunyangwe kusvika kumagumo enyika. Chinguva chidiki nyika haichazoNdioni zvakare, asi imi muchaNdiona.” Zviratidzei pakati pedu, Ishe, sezvaManga muchiita. Rambai makadaro nenzira iyoyo kusvikira tava kuonekwa pamberi peNyru, kana *en morphe* ashandurwa uye Imi mave zvakare Mwanakomana wemunhu, uye neMwanakomana waDhavhidhi. Zviitei, Ishe, kuburikidza neZita rajeSku Kristu.

Tichakotamisa misoro yedu, tose mumunamato.

³⁶¹ Hameno nhasi kana paine vamwe pano avo...mukati kana kunze. Hapana nzira yekuunza vanhu vadairwa kuartari kumusoro kuno, nekuti hapana nzvimbo. Asi handizive, nokuperera, munotenda here kuti ichi iChokwadi? Munotenda here kuti muzuva rino ratiri kurarama, nenyonganyonga yose iyi nezera resainzi sezvazvaive mumazuva aNoa, mumazuva aMosesi, mumazuva aKristu, kuti Mwari, Baba vakuru vedu isu tose avo vakaberekera maAri, vamire pakati pedu nhasi?

³⁶² Iyi Shongwe yeMoto inoonekwa yakasimbiswa nesainzi, makore mazhinji apfuura, ndichiri mukomana mudiki, yakataura neni kunze uko ndokundiudza kuti ndaizogara pano chaipo, izvo zvaizotora nzvimbo. Ndichikuudzai nezvazvo, uyezve Iyo...Rimwe zuva zasi kurwizi, shumiyo isati yatanga, rumutsiro rwelutanga, Akaonekwa muchadenga, akaZvivivisa uye akapa kutuma. Makore ese aya ndakazviviga mumoyo mangu, ndakafukidza Kristu, Shongwe yeMoto imwe chete ichidudzira Shoko, sezvakavimbiswa. Tiri muzuva rekupedzisira, kungori Kuuya kwaShe. Zvino kana ukazviwana uri kunze kwechidzitiro ichocco, rwunova rufu kugara kunze, mungazviite here nekutenda, mangwanani ano, muti, “Nerubatsiro rwaMwari. Uye nerubatsiro rweNyru, Ishe,

ndinoda kupamura ndichipinda nemuchidzitiro ichocho. Ndinoda kupinda imomo maMuri, kuti ndione Shoko raMwari rakazara”?

³⁶³ Usaedze kuva Mosesi. Usaedze kuve Aaron. Usadaro. Ingova zvauri, asi iva Mukristu.

³⁶⁴ Mungadaro here, nemisoro yenu yakakotamiswa, simudzai maoko enyu kuna Mwari, moti, “Ishe Mwari, ndibatsirei mukati mechidzitiro”? Mwari vakuropafadzei. Mwari vakuropafadzei. Ndizvozvo, ingotarisai maoko acho!

³⁶⁵ Kunze, rangarira, ndingangodaro ndisina kumboona ruoko rwako. Hazvina—hazvina kunyanya kukosha kuti ndirwuone, zvisinei; asi vari, Mwari. Izvozvo chete, kwandiri, zvinongondiita kuti ndione kuti mbe—Mbeu yawira pane imwe nzvimbo, uye, asi Mwari vanoona moyo wechokwadi.

³⁶⁶ Kana paine vamwe vasina kusimudza maoko avo, angade kusimudzwa izvozvi, simudzai maoko enyu uye murangarirwe mumunamato. Simudzai maoko enyu. Mwari vakuropafadzei. Zvakakanaka. Mwari vakuropafadzei.

³⁶⁷ Baba, tinonamata nhasi kuti ava, Ishe, vasati vapfuura nemuchidzitiro ichocho. Vakamira kunze uko seIsraeri; vakatarisa. Vanotenda, asi havasati vapamura vachipinda mune Ichi nazvino, kuti vaone Chiedza chikuru cheShekina, zvese pamweya nepanyama, zvekuti ziso rekamera rinoramba richitora mufananidzo; masvondo maviri chete apfuura, rakaChitora zvakare. Muri kuzvizarura pacheNyu, Ishe, Mwari Samasimba vakaiswa pachena kumutendi; muchakafukidzwa kune asingatendi, asi makaiswa pachena kumutendi.

Dai vakapamura vachipinda, nhasi, Ishe, vaone kuyevedza kwaVo kukuru uye neKubwinya. Dai mwoyo yavo yashandurwa tisati tambodzoka kuchechi ino manheru ano. Dai vese vazadzwa neMweya weNyu, Hupo hweNyu. Dai Tenzi vasimudza kutenda ikoko kwavainako, vokutanda napamusoro peShoko; dai chuni yadzoka, “Iwe wakagadzwa, nyika isati yavambwa, kutenda Izvi. Tenda, Mwana wangu, ugoponeswa.”

³⁶⁸ Mwari baba, tinovaisa mumaoko enyu izvozvi, tichiziva kuti hapana chimwezve chatingagone kuita. Zvese zvave neMi zvino, Baba. Ndinovapa kwaMuri. MuZita rajesu Kristu, Mwanakomana weNyu. Ameni.

NdinoMuda, ndi...
Nekuti... akatanga kundida
Ndokutenga ruponeso rwangu
Pamuti weKarivhari.

³⁶⁹ MunoMuda here? [Ungano inoti, “Ameni.”—Mupepeti]

Anoshamisa, shamisa, Jesu kwandiri,
 Gurukota, Muchinda weRugare, Mwari
 Samasimba Ndiye;
 Ari kundiponesa, kundichengeta kubva
 kuchivi chose nekunyadziswa,
 Anoshamisa Mudzikinguri wangu, rumbidzai
 Zita raKe!

Ndakamborasika, zvino ndawanikwa,
 ndasunungurwa kubva pakupomerwa,
 Jesu anopa rusununguko neruponiso ruzere;
 Kundiponesa, kundichengetedza kubva
 kuchivi chose nokunyadziswa,
 Anoshamisa Mudzikinguri wangu, rumbidzai
 Zita raKe!

Oo, anoshamisa, shamisa, Jesu kwandiri,
 Gurukota, Muchinda weRugare, Mwari
 Samasimba Ndiye;
 Oo, kundiponesa, kundichengetedza kubva
 kuchivi chose nekunyadziswa,
 Anoshamisa Mudzikinguri wangu, rumbidzai
 Zita raKe!

³⁷⁰ Vangani vanoMuona akamira, Mukundi ane Simba,
 Shoko rakaitwa nyama, rakaiswa pachena pamberi pedu;
 Arufa, Omega; Uyo Aivapo, Uyo Aripo, uye AchaUya;
 Mudzi neBukira raDhavhidhi; aive Mwanakomana wemunhu,
 Mwanakomana waMwari, Mwanakomana wemunhu, uye achave
 Mwanakomana waDhavhidhi? Munozvitenda nemoyo wenyu
 wose here?[Ungano inoti, “Ameni.”—Mupepeti] Achizviisa
 pachena pachaKe muzera rega-rega, ndokuunzwa kumutendi,
 achizvivanza pachaKe munyama yemunhu kubva kune
 asingatendi. Akavanzwa kuseri kwechidzitiro. Dai Mwari
 vangoputsa chidzitiro chose, uye toVaona sezvaVari!

Jesu anodambura makashu ose,
 Jesu anodambura makashu ose,
 Oo, Jesu anodambura makashu ose,
 PaAkakusunungura!

Kune rimwe divi reJorodhani,
 Muminda inotapira yeEdheni
 Uko Muti weHupenyu uri kubuda maruva,
 Pane zororo kwandiri.

Jesu anodambura . . .

Haudi here kuyambuka Jorodhani izvozvi? Hakuna kureba
 zvakakwana here murenje? Ngatiyambukirei muvimbiso!

Jesu anodambura makashu ose,
 Jesu anodambura makashu ose,
 Oo, paAkakusunungura!

³⁷¹ Ngatisimudzei ruoko rwedu zvino.

Ndichagara, kugara ndichiMurumbidza,
 Ndichagara, kugara ndichiMurumbidza,
 Ndichagara, kugara ndichiMurumbidza,
 Nokuti Anondisunungura!

³⁷² Ameni! Hazviiti kuti munzwe zvakanaka here? [Ungano inoti, “Ameni.”—Mupepeti] Oo, zvinoshamisa zvakadini! Zvinoshamisa zvakadii, haAna kudaro here, zvino? Ngatikwazisanei maoko mumwe nemumwe zvino, tichiti:

Jesu anodambura... makashu ose,
 Jesu anodambura makashu ose,
 Oo, Jesu anodambura makashu ose, (Mwari vakuropafadzei, hama.)
 Oo, uye Anokusunungura!

Ndichagara, kugara ndichiMurumbidza,
 (Mwari Samasimba)
 Ini... (“Mumwe chete zuro, nhasi, nekusingaperi,” angoshandura chimiro chaKe)... Murumbidzei,
 Ndichagara, kugara ndichiMurumbidza,
 Nekuti Ndiye (akabvisa zvitendwa zvese kwandiri) akandigadzika... (kutenda Shoko raKe).

³⁷³ Oo, haukwani here kunzwa Vhaylorini yaTenzi ichidhonzwa, chinoridziswa nepamusoro peShoko iri? Ndiye mumwe chete zuro, nhasi!

Ndichagara, kugara ndichiMurumbidza,
 Ndichagara, kugara ndichiMurumbidza,
 Ini... (Iye, Shoko!)... kugara, kugara ndichiMurumbidza, (Chii chaAkaita?)
 Nekuti Akaisa (seri kwechidzitiro) ini ndakasununguka!

³⁷⁴ Mwari ngavarumbidzwe! NdinoVada. HamuVadi here? [Ungano inoti, “Ameni.”—Mupepeti] Hazvina kuita seKudenga here? [“Ameni.”] Ndinoda hunhu ihwohwo hweShoko, munoona, ungori Mweya Mutsvene nenzira iyoyo inotapira, yakaninipa. Ndi—ndinongozvida Izvozvo. Oo, chimbofungai!

Kune rimwe divi reJorodhani, (ndiri kuswedera ikoko zvino)
 Mune zvinotapira... (kusafa) kweEdheni,... (Chii chandichawana ikoko?)
 Uko Muti we... (uyo waive mumunda weEdheni) uri kubuda maruva,
 Pane zororo kwandiri.

³⁷⁵ Unoda kuenda here? Anodambura makashu ose.

Jesu anodambura (tsika dzose) makashu ose,
 Jesu anodambura makashu ose (masangano
 ese, zvitendwa zvese),
 . . . kudambura makashu ose,
 Oo, paAkakusunungura!

³⁷⁶ Mwari ngaVarumbidzwe! NdinongoVada. Ndosaka Isaya akati, “Ndiye Gurukota, Muchinda weRugare, Mwari Samasimba, Baba Vokusingaperi, Anoshamisa!”

Anoshamisa, shamisa, Jesu kwandiri,
 Gurukota, Muchinda weRugare, Mwari
 Samasimba Ndiye;
 Oo, anondiponesa, kundichengetedza kubva
 kuchivi chose nokunyadziswa,
 Anoshamisa, Mudzikinguri wangu, rumbidzai
 Zita raKe!

³⁷⁷ Oo, ini zvangu! Izvozvo zvinodenha moyo wangu. Anoshamisa kwazvo! Ndinokuudzai, hapana mugumo kune Izvi. Izvo, ndakapinda mune Izvi makore makumi matatu nematatu apfuura, ndichinzwa manzwiro iwaya. Uye kana Akanonoka, rimwe zuva ndichavhara maziso angu, ndichabuda nenzira imwe cheteyo. Ameni!

Anoshamisa, shamisa, Jesu kwandiri,
 Ndiye Gurukota, Muchinda wangu weRugare,
 Mwari Samasimba Ndiye;
 Ari kundiponesa, Ari kundichengeta kubva
 kuchivi chose nekunyadziswa,
 Anoshamisa, Mudzikinguri wangu, rumbidzai
 Zita raKe!

³⁷⁸ Ndaigona kugara pano zuva rose, maZviri. Pauro akati, “Kana ndikaimba, ndichaimba muMweya.” Uh-huh. “Kana ndikaparidza, ndichaparidza muMweya. Kana ndikafamba, ndichafamba muMweya. Kana ndikataura, ndichataura muMweya.” Regai zvinhu zvese zviitwe neShoko neMweya. Hongu, changamire. Ameni! Zvose iChokwadi chaMwari.

³⁷⁹ NdinoVaona, Mwari Samasimba, vachiiswa pachena. NdinoVaona vachibvisa zvitendwa, masangano; kubvisa va—vanoshora, zvirongwa zvedzidzo, nezvose; fambirai kumberi, momira ipapo. Munofunga kuti zvitendwa zviaigona kuVakunda here? Munofunga kuti masangano aigona kuVakunda here? Munofunga kuti Mubatanidzwa weNyika unogona kuVakunda here? Vakakunda zvese, vakadambura makashu ose, vakapamura gehena rikazaruka; vakabvarura chisimbiso, ndokupinda munzvimbo Tsvene-tsvene; vakaZviisa pachena kwatiri, vari Shoko, mumwe chete zuro, nhasi, nekusingaperi. Ameni. NdinoVada.

³⁸⁰ Zvino, kusvikira tasangana masikati ano, tinoda kuita chinhu chimwe chete, chinova:

Tora Zita raJesu newe,
 Mwana wekuswa nenhamo;
 Richakupa mufaro nokunyaradzwa,
 Oo, Ritore kwose kwaunoenda.
 Zita rakakosha, Oo rinotapira sei!
 Tariro yenyika nemufaro weDenga;
 Zita rakakosha... (Hongu, ndavatora,
 kare)... Oo rinotapira sei!
 Tariro yenyika ne... (....?....)

³⁸¹ Kana Satani akaedza kukuyedza, kuti hausi kutarisa chinhu chakakodzera, munongedzere kuShoko sezvakaita Jesu. Maona? Maona? Ameni!

PaZita raJesu tichigwadama,
 Tichiwa tozvambarara patsoka Dzake,
 Mambo wamadzimambo Kudenga
 tichaMugadza korona,
 Kana rwendo rwedu rwapera.
 Zita rakakosha, Zita rakakosha!
 Tariro yenyika nemufaro weDenga;
 Zita rakakosha, Oo rinotapira sei!
 Tariro yenyika nemufaro weDenga.

³⁸² Billy achange ari muno, nguva ingaite six o'clock, achipa makadhi ekunamatirwa kune avo vanoda kuuya mumutsara wekunamatirwa. Ini ndinofunga zviri nani tizviite. Takanga tisiri kuzozviita, asi, nekuda kwevanhu vazhinji, zviri nani kuti tizviite, munoona.

³⁸³ Zvino Murangarirei! Muchengetei nguva dzose mupfungwa dzenyu, mumoyo menyu. Kwese kwamunoenda, munoona, chengetai Jesu mupfungwa dzenyu.

Tora Zita raJesu pamwe (teererai zvino) iwe,
 Senhowo kubva pamiteyo yose; (chii
 chinoitika?)
 Kana miedzo yakumomotera, (unofanira
 kuitei?)
 Ingofema Zita iroro dzvene mumunamato.
 Zita rakakosha, Zita rinokosha, Oo rinotapira
 sei!
 Tariro yenyika nemufaro weDenga;
 Zita rakakosha, Oo rinotapira sei!
 Tariro yenyika nemufaro weDenga.

³⁸⁴ Ngatikotamisei misoro yedu zvino. Ndichakumbira mufudzi kana vangauya kuzoparadzanisa ungano. Hama Neville, Mwari vakuropafadzei, Hama Neville.



KUISWA PACHENA KWAMWARI SHO64-0614M
(The Unveiling Of God)

Mharidzo iyi neHama William Marrion Branham, yakaparidzwa kwokutanga neChirungu Svondo mangwanani, Chikumi 14, 1964, paBranham Tabhenakeri muJeffersonville, Indiana, U.S.A., yakazotorwa kubva patepi yakarhekodwa ndokuzodhindhwa muChirungu pasina chakamurwa. Kuturikirwa uku muchiShona kwakazodhindhwa nokugoverwa neve Voice Of God Recordings.

SHONA

©2021 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org